





MICROCOPY RESOLUTION TEST CHART
NATIONAL BUREAU OF STANDARDS
STANDARD REFERENCE MATERIAL 1010a
(ANSI and ISO TEST CHART No. 2)



TAKKORNGARTAUB ARVERTARNINGA

THE PILGRIM'S PROGRESS

By JOHN BUNYAN

*TRANSLATED INTO ESEIMO BY THE
REV. PER SCHWITZ*

PRINTED BY

THE RELIGIOUS TRACT SOCIETY, LONDON

1941



TAKKORNGARTAUB ARVERTARNINGA

THE PILGRIM'S PROGRESS

By JOHN BUNYAN

TRANSLATED INTO ESKIMO BY THE
REV. CHR. SCHMITT

PRINTED BY
THE RELIGIOUS TRACT SOCIETY, LONDON

1901


C 72417



JUN 2 1944

ILLUMIUTIT

	PAGINA
OKAUSEOKARTOK	1
1. APEL UPKUAMUT ? OKITOMUT	5
2. APELUT ULLAPIESARTA	20
3. MAJORARNINGA KAKKANUT OKUMAINARTOMUT	30
4. FAKSAK NIKK	44
5. TAKKORNGARTAUKEATTINGA IDLUARTOK, TAKKORNGARTAUKEAT- TIEKAUNGITORLO	53
6. ALLIANARTUT SULLINGININGAT, NELLAGÔRNERLO TOKOMUT	68
7. KRISTIAN ILLAKSARSIGIVOK NUTÂNIK IKAJORTIGÊLERPUGLO	79
8. KUVIASUNGNERSOAK, TAMMARNERLO OKUMAITOK	88
9. MIANERSIJUT, NUNANGALLO ÂNANAUJOK	96
10. TAKKORNGARTAK TAMMARTITAUUVUK APOSTELEMUT NELLA- NGAITOMUT TAMANHALO PIVLUGO SUGIARTAUUVUK	102
11. TAKKORNGARTAK PIVUK NUNAKUT UELNGARNARTOKUT	108
12. KIKSARNARTUT KINGORLERPÂT, ITTERNERLO KUVIANARTO- VINGMUT	116



OKAUSEOKÂRTOK

UNIPKAUTSIT ukkua John Bunyanib aglalaupait, Elstowme Engla mêtome inûlilauktub. Tàmna erniangovlune 1628 me 60 nik jârinik arvertalaupok nuname, inôtsib mattoma siorniornarninganik, Gûdibletauk nâpkigosungninganik tukkisitsiarlune. Inôsungnermine sulle sâgialaupok Nâlekamut, tâmnalo kivgartorpâ katsungaitomik. Okautsinik tussarner-tunik okâlavlune unangmijauvok parngnanairsortauvluvelo 11 it jârit kingorlerêktut nâvlugit Bedfordib parngnanairsimavingane. Tagvanelo aglalaupok 'Takkorngartab Arvertarninganik.'

Aglaksimajunit inungnut, inungnillo pijunit, aglait tâpkoa okpertunut ivlerijaunerpângovut, nellungilagullo parngnanaersimavingme inotôkattarnermine nellâgut ajokertortaulaungmat tukkisititauvluvelo Gûdib issumanginik. Taimaimat tattaminiariakangilagut Englandemiunut kissianeungitok, sillaksoarmiunulle illûnainut attuartauvangmatta, 'Takkorngartab Arvertarninga' nunakattigêt adsigêngitut 90 nit unurnersat okausingine adseliortaumalermat. Opinnaranelo Ananaugijauvok. Inuit tamarnangito-

mik tukkisitipait apkomik takpaunga kilangmut torârtomik, okpertorlo nellâgôrtok nanêgalloarunelônêt, illinganerit tagvane okauseojut nangminek inôsermine tukkisinajalaungmagit.

Issumakarniaratalo Bunyane nangminek ikpigi-laungitaminik aglangmat unipkautsine tamakkonane, aukak illa! Nangminek ingergariakalaukpok imaksukut anusingornartokut, nangminerlo sorsulaukpok Sâtanasemik, nangminerlo inukpab kevititsijub ag-ganginêlaukpok. Taimaimat nangminek tukkisijaminik, nangminerlo ikpigijaminik illitaritsiartaminiglo aglagungnalaukpoktauk, okpertut millioneokattartut siamangajut sillaksoarme illônâne tamarêkutiksanginut.

Taimaktauk okausipsingne mâna nênertauvtut, Gûdible saimartiligit illipsingnuttauk, ajortut tupaksautiksanginut sâgiarutiksanginullo, okpertulle tunganelititaujutiksanginut sokkosijuitomik.

CHR. SCHMITT.

NAIN : *Augusteme*, 1900.

mut
ne-
nek

igi-
ane,
ak-
pok
ag-
sija-
ami-
neo-
are-

ivut,
tup-
tulle



KRISTIAB AULARNINGA IGLOGASAKSOARNIT ASSERORNARTUNIT.

TAKKORNGARTAB ARVERTARNINGA

1. APKUT UPKUAMUT NERROKITOMUT

ARVERTARTILLUNGA sillaksoarme tamattomane sunakajuitokut, kairosungmut tikkipunga, tagvanelo inangavlunga sinikpunga, siniktillungalo sinektôma- vunga sinektômanermik. Sinektômavlunga ahâk takkovunga angumik anorâlingmik alliksimadlar- tunik, nangertomiglo sillame, iglogijane tunungavlu- go, aglanik tigumiarlune, angijomiglo nangmagaksa- karlune kemerdlumine. Takkovara aglait akper- magit attuarlugillo, attuarsilunele keavok sajuklunelo. Nunojungnarungnairamelo kiksarnadlartomik nipler- pok okarlunelo: Sumik piniartuksauvêk?

Taimâk okumaititauvlune angergarivok, udsertu- dlarporle aipane kitornganelo mallugosukonagit kik- sadlarnerninik. Akkunille nunojutigijungnangilâ angijororpalliatuinarmat. Taimaimat aipane kitor- nganelo okautisinalerpait ikpigijaminik, imâglo okau- tivait: Ômât aipakotik, ilipselo kitorngakka nang- minerijakka, uvanga atâtase illanârijase sujuktau- vunga, nangmagaksamnut okumaititaularama. Tai- mâktauk okautjauvunga, iglogasaksuit ukkua ikko- mamut kilangmit pijomut asserortauniarmatta, uva- ngalo ilipselo nagliktakka kappianadlartomik asseror-

tauniarapta, aularvekangipat tainângat piulijaunartomik. Tamanna illagijangita tussaramitsuk opingartaugalloarput, taimaingilalle okausingit kuksanartut okperigamigit, issumangille sujuktaunasugigamigit. Unungmallo sinerkovât, tamattomunga nakornersauniarasugivlugo.

Unuarle uvloktut siorniornartigivok, unuaksiorporlo annersaumivlune kugviudlarlunelo. Uvlâkut illangita aivigivât tukkisijomavlutik kanok illingamangât. Okautivaille: piungilerpalliavunga, kappianartomiglo illinganerijamingnik okautipsârpait, ômasingille mangailituinalerput. Tagva illangita okautsinut kuvianangitunut âkinasualerpât, illâne kuvianailiorvigilugo, illânelo mittautigilugo, illânele kamaginginarikpât. Taimâk idluituliviogame, inotônermik killanârpok, illanelo naiperkotigilugit tuksiutivait, manigortaunik-saminiglo kennerlune. Taimailingavlune arvertarpok sillame inotôvlune, illâne atuarsivlune, illânelo tuksiarlune, taimailiorlunelo uvlut illangit nâjivait.

Uvlut taipkoa illangane sillamut aivok atuarsilunelo aglakotimine, issumaminelo okunaititaulerdlune. Atuarsilunele, kappiasumut sivornganetut niplerpok: Sumik piniartuksauvêk piulijaukovlunga?

Takkosârporlo paunga unungalo kemâjomajorut, sullele nokkangavok, namut aigiamik kaujimanginame. Tagva angut kaivok Ajokertuijomik attelik, tâpsomalo apperivâ, sôg nipliadlarmangât.

Kiovlugo okautivâ: Tukkisivunga aglanit aggamnêtunit erkartortaumagama tokomut, kingornganelo erkartuiviksoarmut aigiakarama, sivorlerlo kunûtigivlugo kingorlek pijungnangitara.

Tagva Ajokertuijub apperivâ: Sôg kunuvêt tokovlutit, kaujimagalloaravit inôtsib mattoma siornior-

nadlarninganik? Angut kiovok: Illimasukpunga nangmagaksama okumaitubkettimne kivitiniarmanga kappianartovingmut. Kanoktók Engelemik tikkitokarajarpát, Lotetut aulartillunga tamángat asseror-taukârtinago.

Tagva Ajokertuijúb katsungaidlune okautivâ: Kemâlerit ningautsemit pijomârtomit!

Angutib tagva Ajokertuijók takkosarlugo katsungaidlune apperivâ: Namut kemâjuksauvêk?

Ajokertuijúb tagva aggaminut tikkoarlugo apperivâ: Nateraub angijúb mattoma ungatâne upkuak nerrokitók takkoviuk? Angut kiovok: Aukak. Tagva Ajokertuijúb apperivâ: Kaumajók keblertók tagvane takkoviuk? Kiovok: tâmnale takkókôrpara. Tagva Ajokertuijúb okautivâ: Kaumajók tâмна torautigilugo aivigiuk, tagva upkuak takkoniarpát, tagvane avilortarkârlutit okautijauniarpotit piniartuksaunernik. Tagva angut akpangidlarpok, kanningitoliarkârtinagole sulle, aipangata kitorngangitalo mallugivât nipliarvigidlâllo utterkovlugo. Angutible siutingne simiklugik aggaminut akpangerannerpok kaggudlarlune: Inôsek, inôsek, inôsek nungusuitók! Taimaidlune keviarlugane kemâvók nateraub kerkanut.

Sillallit anivuttauk iglomingnit, akpangitók takkojomavlugo, illangitalo mittautigivât, illangita sil-lugvigilugo, illangitalo niplervigivât utterkovlugo. Maggugle tâpkunangat kajusimalerpuk uttertitsomavlugo aksorornermut. Sivorliub attinga Akkerartortók, aipangatalo attinga Sangusaraitók. Akkuniungitorlo angujauvók tâpkungnunga.

Tagva kemâjub apperivâk: Sôg kailerpittik? Kiovâk: kajusititsomagaptigit utterkovlutit illagilunuk.

Okautivågle: tamanna ajornavikpok. Illipse innekarpose iglogasaksoarne Asserornartune, tåpkoalo mânakut asserortauniarput illagiluse, taimaimat nagliktåkka sillalikka namagitikko illaulutiglo uvamnut.

Akk. Sua? Illannârijavut sungiutijavullo kemaklugit?

Kristian kiovok (taimak attekarmat), ahaila, tamaitale kemaktatit adseotitaujungnangilat piviginiartarma illainârsoanut.

Akk. Sunauvât tapkoa kennertatit, sillaksoak illûnât kemakangne nagvaromavlugo?

Kr. Tokkaviksamik kennerpunga asserojuitomik ivsornangitomiglo kunnulijuitomiglo. Takpânelo kilangme komergutauvok tunijaukovlugo nelliuningane, pinasuartunut tamattominga katsungaitomik. 1 Petri i. 4, 5 elo. Pijomaguvit atuarsituinariakarpotit tamattominga aglamne.

Akk. Aglatit kujanna! Utterniarkêt illagilunuk, upvalo kunnuvêt sulle?

Kristian maggoruserlugane kiovok: Utterniarungnaipunga, aggakka senajaksaminik tigusilermatta.

Akkerartortok niplerpok illagijaminut: Kaigit illik, utterialerluk pinago, sillaigalloarmut una attanioviojungnangilak.

Tagva Sangusaraitok kiovok: Mittautekarnak illik, Kristiab okausingit nellautsipatta, piloringnersauniarpok uvaptingnit. Tussûmivunga illagijomavlugo.

Akk. Itukkê! Sillaitokariadlalerkâ? Aulataulerit uvamnut utterlutillo. Una issumakut illakungortok tessiortigilugo, namut tessiortaugiamik kaujimanangilak, taimaimat utterit sillatovlutillo.

Sang. Takkûk inôkatik, kajusinasualerpunga Kristian illagilugo, illinganeriniartangillo illangiutivigi-

lugit. Igville Kristian apkomik kaujimavêt nunamut tussunadlartomut?

Kr. Ajokertortauvunga Ajokertuijomut upkuak nerrokitok sâptingne torârvigilugo, tagvane tukkisiti-tauniarapta-gôk apkutib illinganinganik.

Sang. Kaigit illik, ailaurluk! Tagva tâpkoa magguk aikatigêlerpuk.

Akk. Uvangale utterniarpunga inigilauktamnut, tukkekangitomik issumalit ukkua illagijomatsangi-napkit.

Tagva mâna tautuklunga takkovunga sinektômanimne Akkerartortok uttermat, Kristianelo Sangu-saraitok illagilugo pissungmanik natername okausekakatigêklutik. Imâglo okakatigêkpuk:

Kr. Taimatsiavak nagliktara Sangusaraitok, kuvi-asukpunga kajusigavit illagilunga. Illavuk Akkerartortok kêtamiglônêt ikpigilaurune takkuksaungitunik pijomârtunigle uvaptut, imaka taimak pisaraitigijomik utterajalaungilak.

Sang. Inotôleram nuk okautilaunga pijomârtut aiviginasuartavuk sunaumangâta, kanorlo kuviagi-jaujungnarmangâta.

Kr. Issumakut ipaksinersarivakka okâlautiginermit okamnut, sullele tukkisijomagavit attuaromavakka aglakotimnit.

Sang. Okautsille aglangnêtit miksekartôvât nellâgût?

Kr. Ahaila, nellâgut, senajaumangmatta saglojung-nangitomut.

Sang. Nâmatsiadlarpok, sunauvâlle?

Kr. Nâlegauvekarpok issokangitomik, tunitsivio-lârpogullo inôtsemik nungusuitomik nâlegauvingmêrkovluta nâksaungitome.

Sang. Iduarmarikpok, sulle assekarkâ?

Kr. Niaôtinik kebleriktunik tunitsiviojomârpogut, anorâniglo, kaumaikovluta sekinertut nuvujat ungatânêtotut.

Sang. Tamakkoa tussarneridlarpakka, sulle assekarkâ?

Kr. Kugviortokarungnaipok kiksartokarungnailunelo, nâlegauviub inuata kugvit tamaita allerterpait ijiptingnit.

Sang. Kanoetunik inûkatekalârkita tagvane?

Kr. Nâlegauviub inungit tagva Engelit pitsartujut kaumajoksuillo, takkonârviojungnangitut kaumamut. Tagvanelo naipilârpavut sivorlivut tausendeokattartut, tâpkoa akkorngane piungitokangilak, ilûnatik naglingnadtartut ivsornaitut, ilûnatiglo Gûdib sângane nangerput, tâpsomalo nâmagivait. Ila tagvane angajokaunerôjut niakôtelit goldenik takkolârpavut, uigasuiillo ivsornaitut harfesijartut. Ila tagvane takkoniarpavut angutit sillaksoarmiunut tokotaumajut, saviksoarmullo avgortaumajut, ikkomamut tokotaumajut, nerrijaumajullo ômajunut, kivititaumajullo imarpingmut, nâlegauviub Nâleganga nagligilaungmatsuk tokomut aglât. Mânale anorârtitaumavut nunguniangitunik, inôserlo nungusuitok pigivât.

Sang. Tussarnidltartut tamakkoa tussugipâdlarpakka. Kanorle kuviagijaujungnarkât? kanorlo illangiutititaujungnarkita tamakkoningâ?

Kr. NâleKab, nunab mattoma kuvianartub attaininga unipkautigivait aglane ukkunane. Naitomigle imâk okauseovok: Pijomaguptigo nellâgut, tunitsivigijomavâtigut akkekangitomik.

Sang. Immale makkoa unipkautigijatit, attê tuavilerluk!

Kr. Nangmagaksakarnimnut kettimne tuavitsung-nangilanga.

Ahâgle takkovunga sinektômanimne, okakatigêng-nek tamana soraituarmat, kannilivalliamanik imaksu-mut ittijomut nateraub kerkanêtomut, kamatsiar-lunginamigle tamarmik kattakpuk tâpsomunga. Imaksub attinga tagva Anusingornartok. Tamâno maujasiudlalerpuk sallumaigiadlariutik angijomik, Kristianelo nangmagaksakarnimnut kivinersauvalli-avok.

Tagva Sangusaraitok niplerpok: hai Kristian nanelerkêt?

Kristian kiovok: Nellâgut okautijungnangilagit kaujimanginama.

Sangusaraituble tamana siblûtigiva, ningarlunelo okarpok: Tamatja kувiasungnek unipkautigerkaujat? Pigiatainarningane taimak pikarluktigijomik ingerga-rumnuk, kanok nerriuktuksauvinûk kingorngane, nâninga tikkivigerkârango? Illa kanoengidlunga anijungnaruma tamângat, nuna okauserijat nunagini-alerkat inotôvlutit. Taimak okarêrame pèrasuarpok imaksumit, illungertormarilermallo akkuneungitok sinâ iglominut kanninersak tikkivigivâ. Aularporlo, Kristiablo takkoniarungnairpâ.

Tagva Kristian maujasiudlalerpok imaksume Anu-singornartomik attelingme inotômarierlune. Tai-maigalloardlunele pinasuarpok, sinâ iglominut kan-ninginersak upkuamullo kanninersak tikkivigijoma-vlugo. Imaksuble sinânganut tikkigalloarmat, anni-jungnangilak, nangmagaksak pivlugo, okumaidlarmat.

Sinektômanimnele takkovunga angumik ikajortô-nerartaujomik, tâpsomalo apperivâ sunasiormangât.

Kristian kiovok: Upkuamut sakkiârtaptingnêto-

mut kemâjomakauvunga ningautsemit tikkituksau-
jomit, ainimnelo imaksumut kattakpunga.

Ik. Sôgle tumit kennilaungipigit?

Kr. Kappiasungnerub unangmivânga angijomik,
taimaimat kamalaungitunga.

Ikajortub tagva okautivâ: Aggaktit issakit uvam-
nut, tâpsomalo issakpait, Ikajortublo amuarpâ imak-
sumit, pitilugolo nunamut sittijomut, arvertarkovlugo
apkutigilertamine.

Tagva uvanga amuartitserkaujomut aivlunga, ap-
perivara: Inukatik, tamanna apkutaungmat igloga-
saksoarnit Asserornartnit upkuamut nerrokitomut,
sôg tagva apkut tâmina âkitaumangilâk, arvertartut
tamâne arvertarungnarkovlugit kanoênatik?

Tâpsomalo okautivânga: Imaksuk una âkilugo
sappernarpok. Tamâne kattititauvut makojungnartut,
ômatib passijaksaujub sakkertitangit. Ajortok tup-
paksimalerune kaujitsiarlune assiojuksaunerminik,
tagva kappiasukpok kollarosuklunelo annusingorlu-
nelo, tamakkoalo kattisimavlutik innekarput tamâne.
Tamatja pitjutinga, nuna tâмна piolungimat.

Taimaidlarningale attaniub kuviagingilâ. Kivga-
nelo tillivait mâna 1900 tit jârit nâvlugit âkitauko-
vlugo. Ilâ kaujimatillunga kamutit tausendetuinau-
tsangitut ussijangit, ajokertûsiksaujut malligaksaujullo
nâvitaumavut tagvunga, attaniub nâlegauvingata
nunanginit ilûnainit, âtaujullo kaujijunut idluarku-
taumarikput nunangortitsininganut sittijomik. Tai-
maigalloartillugo imaksôvok sulle Anusingornartok,
taimainiarpallukporlo ajugaringitamingnut âkiksora-
suaralloarpatsuk.

Majûtekaralloarpok imaksûb kerkagut pijunik,
illânele sillalungmat ipektôluadlarpok, majûtillo

takkojaujungnaratik. Illânelo tamaunârtut majûtinik kamangilat kappiasumut. Upkuable kannitangane ungatânelo apkut kanoelungilak.

Tagva Kristian inotôvlune pisungmat, ahâk unga-siktome allakkartokarpok angumik, attekarporelo: Sillaksoarmik Illisimanelik. Tâpsoma Kristian pagrearvigivâ, naipipâlo apkosiniub seningalerningane, Kristiab aularninga tussaumalaukpâtauk, tagvane nuname ilûnâne unipkautaulermat.

Tagva Sillaksoarmik Illisimaneliub pigiarlune imâk okautivâ: Kanok illingalerkêt, namungarkêllo taimak okumaititauvluti?

Kr. Okumaititauneovok nellagut, inukullûb nellialonet nangmalauksimajangatut! Appertsoramgalo namungarmangârma okautivagit: upkuak nerrokitok sâptingne aiviginasuarpara, tagvanelo torârtitauniar-punga okigititauviksamnut.

Sill. III. Aipakarlutit kitorngakarkêt?

Kr. Ahaila pekartunga, okumaititaunimnulle ku-viagijungnangitakka sivornganetut, illakangitotullo ilerpunga.

Sill. III. Nâlagomavêt ajokertorniarupkit?

Kr. Idluartomut ajokertorumga nâlaniarpagit ajok-sadlarama ajokertûtiksamnik ajungitomik.

Sill. III. Sivorlermik tagva okautinajarpagit nangmagaksak pêrlugo, issamak t âkiniarlunginavit tâmna pêrkârtinago.

Kr. Tamanna tussûtiga angijomik, nangmagaksak okumaitok pêmarilerkovlugo. Nangminerle pêrung-nangitara, nunaptingnelo ilûnâne inukangilak pêrsi-jungnartomik tâpsominga, taimaimat apkut una attor-para nangmagaksak pêtaukovlugo.

Sill. III. Kinamut ovûnârkojaulaukêt?

Kr. Ajokertuijomut, angumut nertornartônasugijamnut.

Sill. Ill. Unertôtjininga piolungilak! Apkutekangilaksillaksoarme nangianarnersamik siorniornarnersamik, tamanna tukkisiniarpát okausinga malligutiginiarungne. Naipitsilerêrpotit siorniornartomik aňorâtit ipektodlarmatta sulle imaksumit Anusingornartomit, tamannale apkutib mattoma siorniornarningata pigiarnetuinangat. Nálalaunga, angajudliovunga illingnit. Apkome tamattomane naipitsiniarpotit okumaitunik ánianartuniglo, kângnermik anorâkanginermiglo, aglâllo tokomik. Suna pivlugo inôst saksârtitsomaviuk? Tujormijab ôma okausinga tunganarane mallingnarlungilak.

Kr. Nangmagaksara una kettimne kappiagiluarpara tamakkonangat tamainit taikaujarnit. Naipiniartakka erkariniatsangilakka, piulijaujungnatuaruma nangmagaksâlumnit.

Sill. Ill. Kanga ikpigitainarkêt nangmagaksakarnerník?

Kr. Aglane ukkunane attuarsilerama.

Sill. Il. Taimainasugilaukpara. Illingadlarnerpotit sangêtokullôjutitut assiktitut, issumakimut pinasua-kattartutitut ajornarmariktunik sullitsaratik.

Kr. Kaujitsiarpara suna pinasuareksarimangâpko, tagva okiglititaunera mattomangat nangmagaksannit.

Sill. Ill. Sôgle apkome tamattomane nangianadlartome? Apkutekarmat kuvianartomik ullapitaunangitomik, tâpsomanelo illaňâkarajarpotit unuktunik.

Kr. Apkomut ômunga unertôtilaungatôk!

Sill. Ill. Ablornernik 200 tetuinarnik mattomangat angut Perkojaktalingmik taijak iglokarpok, tâpsoma okiglititsungnarpâtit ingergainak, issumakullo niaki-

gijut âkikattarpait. Kingorngane tagva inûlervi-
ngnut utteromangikuvit, aipait kitorngatillo kairko-
tuinariakarpattit tamaunga innigijamnut. Tagvane
agviartaungilatit iglolorlutit, inôtsiarungnalarpillo
inôgutiksat akkikidlarmatta, sillalekarniarpotillo
inôtsiarmariktunik.

Kristiab issumaksarsio galakârlune apperivâ. Ap-
kutit nelliât apkutigijungnarpigo angumut ômunga?

Sill. III. Kakkak Sinai takkaña takkoviuk? Ta-
gvunga torârnarpotit; iglolo sivorlerpâk naipiniartat
iglogivâ.

Tagva Kristiab ingergainak apkut amitok upkua-
mut nerrokitomut torârtok kemakpâ. Kakkarle
(Sinai) kannigialermago poktojoâlôjâlerpok, aglât
illanga uvingamarikpok apkomut, Kristiablo katta-
ngniarasugigamiuk nokkarpok. Nangmagaksak oku-
mailivalliaovok, ikkomalo annivok kakkamit kalli-
dlarlunelo, Kristianelo kakkialerlune sillaidlaurame
tokotauniarasugivok. Kappiasumarilermat, ahâk
Ajokertuijok allakkarpok, takkunarpâlo kiksadlar-
lune, attangusivlunelo okautivâ: Sulerkêt tamânê?
Sôg apkut inôgumut sangnijok kemâlerpink?

Kristian sajuklune nangerpok sângane kiojungnar-
nagolo okautsemut attautsemullônêt.

Ajokertuijub tagva okautigannerpâ: Idluartub
okpernek inôtiginiarpâ, kemâniartorle tâmna tarnima
kuviasûtigingilâ. Kemâvotit, kotsingnerpângojub
okausinga suksarinago.

Kristian tagva niplerpok: Kappê uvanga assioler-
punga! Nunamullo ochovok tokungajotut.

Mânale Ajokertuijub tigumiarpâ aggangmigut okau-
tilugolo: Inuit ajorningit mittautekarningillo tamaita
issumagijaujungnairômârpuk, okpingitônak okperille.

Okautsinut ukkununga Kristian inûlijaugivok. Sajuklune makkinasuarpok, Ajokertuijok okarnertillugo:

Sillaksoarmik Illisimanelik una uivêrikberteovok. Sangutipâtît apkômit upkuamut nerrokitomut sangmijomit, Nâlegak okarmariktillugo: Illungertoritse ittervikitokut itterniarkovluse. Itterviglo nerrokipok, apkosinerlo amipok inôgumut sangmijok, ikkitullo nagvârpât. Tâpsoma seningajoliksak ôminarsitipâ illingnut, igville ivleriluaraksarivat nunab pinginit tamainit. Attanivut okarmat: Inôserminik ivlersijub assiojijomârpâ. Uvamnullo tikkitub atâtane, anânanelo, nullianelo, kitornganelo, kattangutinelo, nangminerlo inôtsine ômigingipagit, tâmna illiniartigijungnangilara.

Amatauk Sillaksoarmik Illisimaneliub tessiorpâtît apkomut sivôranartomut tokub kippalôtitininganut, perkojat piniartaukojanginut inôjut akkorngañe idluarsititaujokarniangimat. Illa perkojat piniartaukojanginut piulijauniarasugijut ningautsemêput sulle, okartokarmat: Ominarsile nelliât nâlengitok tamainik aglaksimajunik aglane perkojane mallingnagillo.

Kristian akkunit kattalungavok illerasuklunelo Ajokertuijok takkunârlugo. Apperisiñalerpâle: Piulijauvekarkêk sulle? Ajortulinera issumagijaujungnairungnarkâ?

Ajok. Ajortulinît angijôvok, sullele issumagijaujungnairniarpok. Utsertorille sanguniarminaglo apkome nungutaukonak.

Tagva Ajokertuijub nagligilerpâ, Kristianelo utteromangmat apkomut amitomut erkisimiarpâ kuni-klâllo.

Kristian tagva utterpok, apkomelo naipitane nok-



kautigingimagit, mânakut upkuak nerrokitok tikki-
vigivâ.

Upkuab kollâne okautsit takkovait imaitut: Avilor-
tarit, upkuerutjaulâravit. Avilortarlunelo tuksi-
arpok:

Upkuerutjauniarkêgle?
Uvangakulluk kivgalugasaujunga.
Ahamarik ittertidadlarumga
Nâpkiningsit kujagênaromavara.

Akkuneungitok niplertokarpok illuanit kinauma-
ngât. Kristian kiovok: Ajortokullôvunga, igloga-
saksoarnit Asserornartunit pilunga aijomavunga Zion-
emut, ningausek pijomârtok kemâjomagapko. Apkut
upkuakut ômûna pingmat, ittertitaunermik kennu-
vunga.

Tagva Angutitsiak itterviub udsertortinga sakker-
pok, upkuarlo upkuêrpâ, tuavidlunelo Kristian kelluvâ
illuanut, kannitome Sâtanase igloâlukarmat, tagva-
ngallo pittikserpangmat kargjunik ikkomalingnik
takkorngartanut itterasuatuarmatta ittervikitokut.

Illimanartok tamanna Kristiab mallugivâ terli-
ngnartomêlerêrmat. Okarporlo: Kangusuktitauvunga
Nâlekab nâpkiningsersoanganut, mânaukammek sulle
nertornangitotomik piniarnekalaurama. Nâlegak nâp-
kigosukpok illa, Sinaimêgama tokotauniarasugivlu-
ngalo Ajokertuijok tillivâ uvamnut, mânalo uvanga-
kulluk nellopkonadlaralloarlunga upkuerutjauvunga
itterungnarkovlunga inôtsib ittervingagut.

Ang. Nâlegak nâpzigosuktoksôvok illa kajorlo
tâpsomunga ajaktorniangilâ tammalauralloarpat.
Apkome amitome arvertarit. Apkusiorsimavok Gûdib
kivganginut, nellautaijunut, Kristusemullo, Aposteli-
nginullo.

Kr. Aviktarvekangilâk apkomit idluartomit arvertartub tautomtigijungnarajartanginik?

Ang. Ahaila taimaitokarpok, nellonarlungilalle silliktôngmatta niungalarmiglo, apkulle idluartok naggovok amitôvlunelo.

Kr. Nangmagaksarle una merngortôtigilertara nangmaraksarivigo sulle?

Ang. Kenuesârit kêtamik sulle, tagva mânakul-lukut apkutiginiartarpît illangane ingminik pêrniarpok ketternit. Sivornganele Tukkisititsijub iglunga itterviginiarpat, tamna ânanânik takkotitsiniarpok illingnut.

2. APKUT ULLAPIRSARTAUUVIONARTOK.

ANGUTITSIAK kujagilugo Kristian aularivok, akku-neungitorlo Tukkisititsijub iglunga tikkivigivâ. Tâpsoma illaliorpâ pitsiarvigilugolo, ittinersamiglo tukkisitipâ Gûdeme piloringniksamik.

Tagva sivorlermik takkotipâ okâlajub katsungaitub adsingoanganik. Tâmma ârlorpok paunga killangmut okautsit ômanartut tigumiarlugit, malligaksallo miksekârtut okâlautigilugit, sillaksoak tunnumariklugo, niakôt goldeojok kollânêtillugo.

Tuk. Ernîk, uivêriklertut unuktut annigorsimavut sillaksoarmut, unuktullo illimasungimut uivêrijauvut. Taggale kigligiutsijok nellâgôrtok, tâpsoma Gûdib ômanartub okausingit okauserivait piloringnermut nâksaungitomut. Kivgartornermine sillaksoak allianarningillo nachogivait, taimailertillugolo niakôt goldeojok kollangiutitilerêrpâ. Adsiujok tamanna nênilauruk ômatingnut, kaujimalerillo uivêriklertut apkosingit tokomut torârmatta.

Mattoma kingorngane Kristian tessiorpâ inniksamut

angijomut sanējartaulauksimangitomot. Kristiab tattaminarlune kemergomago, ahāk Tukksititsijub angut kairkovā sanējartaukolālo. Angutib nālekovā, tagvainarlo pujokarpok angijoksoarmik, Kristianelo ippiniarkokasalerlune. Tagva Tukksititsijub uigasuk perkovā imermik kaitserkovlugo, iglublo nettinga serparsartaukovā. Taimailiorviotuarmat sanējartaugianga epkejariangalo ajornangimarikpok.

Adsiujok tāmna Tukksititsijub nellonaitipā Kristianemut okarlune: Inniksak una tagva inūb ōmatīnga, Gūdib nāpkinīngninganut ivsornaititaukārane. Pujok tagva ajornerit sunatuinait kingormgutaujullo piniartaujullo, tamakkoa inūb sujūtīgīvait. Imna sivorlek sanējarasuartok tagva 'perkojat,' uigasuglo imermik serparsartok tagva 'okautsit tussarnertut.' Sorlo sivorliub pinasuarninganut pujok angijoksoak pigialermat iglolo sanējartaujungnarane, taimaktauk perkojat ajornerit pērnīangīlait, kīglormulle ōmartipait sōngotillugillo. Ajornerit nagvāralloarpait innerterlugillo, pitsartunermigle aituīngīlat ajornek sālāgi-jaujungnarkovlugo.

Sorlole uigasūb iglo serparsarkārmago imermut kingornganelo sanējarlugo, taimaktauk okautsit tussarnertut, inūb ōmatīnga kīblingmagit, ajornerit sālāgīvait mikkījorortīlāitalo, tarnelo okpernermut ivsornaititauvok attanek nālengnartok itterungnarkovlugo.

Tagva Tukksititsijub iglub assianut tessiorpā, tagvanelo sorusekarpok maggungnik, aipā pijomatojok aipangalo kenuetok. Imna sivorlek anūpok nāmaksīngitōvlunelo, unale kingorlek ullapirsautekarlune kuviasukpok.

Tagva Tukksititsijub Kristian okautivā: Ukkua

soruslk pairijingat angervigivak piliusianik Ananau-
dlartunik járìb mattoma tungalingata pigiariningane
piliutaujuksanik. Pijomatojok uttakijomangilak, ta-
maita pijomavait ingergainak, kenuetorle uttakivok
kuviasutuinarlune.—Kristiab soruslk takkunârmagik,
ahâk angumik ittertokarpok, tâpsoma pingoaraksat
Ananau-
dlartut unuktut kaipait tunnilaitalo pijomato-
jomut, tâpsomalo tigusârpait senitdlialo mittarnar-
tomik takkosarpâ tâmna sunasilungimat. Sivikitui-
nartomigle pingoarutigivait serkomisâdlarmatta.

Tukkisititsijok adsiujok nellunaijomavlugu oka-
rivok : Sillaksûb kitorngangita pijomatojok adsigivât.
Angerutaumajut Gûdemut suksaringilait, kuvianar-
tullo tamaita attoromavait inôtseme tamattomane,
inôtsemele pijomârtome ajoksarniarput sorairatik.
Kenuetub sillatuninga kenûtigiuk nagliktara Kristian,
uttakijungnarkovlutit killaub pinginik takkuksaungi-
tunik, takkuksaujut nungusâdlarmatta, takkuksaungi-
tulle nungusuiput.

Mattoma kingorngane Tukkisitit-ijub Kristian tes-
siorpâ iglomut ikkomatalingmut, ikomablo seniane
nangertub kamminasuarpâ imermut sullinanele, ik-
koma angijoroluakattarmat.

Tukkisititsijub ama kigligiutigivâ imâk : Nâpki-
ningnerub sullininga inûb ôimatingane ikkomatun
ipok, tarniblo ômisuktingat kamminasuarpâ sullilu-
ganele, imâk pitjutekarmat : Ikkomataliub karma-
ngata ungatâne angut kaujijaunane sokkosijuidlunele
orksumik kovisivok ikkomamut, tamannalo kammi-
suijutigivâ.

Taimâtsainak Kristusib inôsertâk inûb ôimatingane
sokkosijuitipâ pivalliatillugolo nâpkinningnerub orkso-
anut. Taimaimallo okpertut ôktorluktaudlarningine

sorsungninginelo ajornermik missigikattarput ulla-
pirsaumik nellekangitomic. Ôktorluktaumajok ajor-
nermiglo akkerartortok inotônasugikattarpok, illa-
nârle nertornartok takkukksaunane najorpâ.

Mangat sillaliarpuk, iglomullo angijoksôjomut tik-
kipuk. Tâpsomalo kângane arvertartokarpok inô-
suktunik angutunik arnaniglo anorâlingnik golde-
ojunik. Igloksûb sângane inûgiartoksuit kattimavut,
ânanaudlarninga kemergolugo tattaminia rivât, itter-
vigijungnarnagole, itterviksanga udsertortaungmat
saviksoalijartunut sakkolijartunullo, nelliallo ittera-
suartok sorsugviovok katsungaimariktomic. Itter-
viksûb seniane ingitokarpok sâme aglaniartomic
itterasuarlutik sorsungniartut kakkillâjuitut attingi-
nik. Akkunit illerasumut aijokangilak, tagvainarle
sakkertokarpok angumik nukkelingmik, sâmullo
aivok atterminik taisivlune.

Tagva nessatâlerlune kikkiangmik sappûlutamiglo
tigumiarlune saviksoalijarlarmelo ittervingmik udser-
tortut pagrearvigivait sivorajuidlune, sorsugvigiler-
paillo katsungaidlartomic. Ânertauvlune ânertitsiv-
lunelo tâpkoa akkorngatigut pivok, igloksûb illuanit
kânganillo nippinut maksuatitsijunut niplerviovlune :
Itterit itterit, piloringnek nungusuitok pigiuk ! Itter-
vigivaillo, ingergainarlo anorânik goldeojunik atti-
tauvok. *Math. 11, 12.*

Kristian kuviasuklune niplerpok : Adsiujok tâmna
tukkisivara, mâna apkotimne aularkolaunga.

Tukkisititsijuble okautivâ : Sulle assianik takko-
juksauvotit. Parngnanairsimavingmullo tâktomut
tessiorpâ, tagvanelo angutekarpok parngnanairsor-
taumajomic iglokullungme kikkianik avalutetalingme.
Angut tâmna netterme ingipok kevitotut ile lune,

agganelo issakattarpait kiksarnadlartomik annersau-
mivlune.

Kristiab tagva koaksártitauvlune apperivâ : Kanok
illingavêt igvit naiperkonadlartotft ?

Kevitok okarpok : Mâna illinganerijara sivorngane
illinganerilaungitara.

Kr. Kanok sivorngane illingalaукêт ?

Kev. Sivorngane okpertômarililaуkpunga, taimai-
nasugijauvlunga assimnut, taimaglo illinganasugiv-
lunga nangminek, iglogasaksuillo takpâne tokkavi-
giniarasugilaуkpakka.

Kr. Sunaulerkêlle mâna ?

Kev. Mâna anguteovunga kevitok, kevinermullo
parngnanairsortauvunga sorlo parngnanairsimavingme
kikkiangojome. Annijungnangilanga, illa annijung-
narungnaipunga.

Kr. Kanorle itternerkêт parngnanairsimavingmut
ômunga kappianadlartomût ?

Kev. Katsui gakâlaуkpunga tuksiarlunga pigârlung-
alo, ikliguneri agvialaungilara akkerartornagolo,
ajortulilaуkpunga pijaksaujok kaujimatsiaralloarlugo,
illa Gudib pitsiarninga attornerlôtigilaуpara. Aner-
nek kiksartipara, tâpsomalo kemakpânga, Satanase
kuksalaimut innapara tikkivigivângalo, Gûde ningar-
tipara ajortulinimnut tâpsomalo kemakpânga, ômatiga
sittijoksôlerpok kakkiaternermullo pitsartunekarung-
naipok.

Tagva Kristiab Tukkisititsijok apperiva : Una
naiperkonadlartok piulijauvekarungnairkâ ?

Tuk. Nangminek apperiuk kaujimajuksaungmat.

Tagva Kristiab parngnanairsortaumajok apperivâ :
Taimak parngnanairsortaujariakatsainarkêт ? Piuli-
jauviksakarungnaikêт ?

Kev. Uvamnut piulijauviksakarungnaipok.

Kr. Ajugakangitub Erninga nâpkigosuktoksôvok.

Kev. Nâpkigosuktoksôgalloarpok, uvangale nutâ-mik kikkiaktorpara, idluarninga nachogivara aunga heiligeojok ivsornarilugo, nâpkiningerub anerninga mittautigivara. — Nâlekaâ angerutinginit tamainit aviktipunga nangminimnik, kappianartomiglo kis-siane nerriugijaksakalerpunga Gûdib ningausinga nungutsiniarok akkerartortunik nerriugituinarlugo. — Ikliguneâlumnut Piulijiga niorgutigivara Judasetut. Omatimne ikkomakalerêrpok nungusuitomik. Kappianarmêk uvanga issokangitome! Tagvane ânertaujomârpunga kassilinadlartunut okautaujungnangitunut!

Tukkisititsijub tagva Kristian okautimmarilerpâ: Takkojatit mâne piugorniarnagit pît, angutiblo ôma naiperkonadlartub illinganinga innerterutigitsaina-lauruk.

Kristian tagva niplerpok: Kappianadlartomik takkovunga, Gûdib ikajorlinga pigâtsainarkovlunga, pitsartunermiglo kennuvunga, ajornek allingitarilugo pênarkovlunga. Aulartuksaunera tagva nelliusimalerkâ? *Ep. 4, 30. Mat. 12, 31, 32.*

Tuk. Atautsemik sulle takkojuksauvotit, tagva agviarungnairpagit apkutigijomajarne. Kristianelo tigumiarlugo aggaminut tessiorpâ iglorusermut angutib sinigvinganut. Tagvane angutekarpok makkitarasualitainartomik anorârasuartomik, tâmnalo saju-klune kappiasukpok.

Tukkisititsijorlo kappiasungnirgata pitjutinganik okarkojingmat, imâk unipkarpok: Sinnaktô mavunga kappianadlarmariktomik. Killak kernisidlune tâkpok unuaktut, kaumalakpok kalludlarlunelo, nuvujallo

akkunarmut tiktausaraidlarmarikput. Tagvainarlo tiptulausijartokarpok killangmit, Nâlegarlo akkarpok killangmingasaksuit tausenteokattartut illagalugit, ilûnatiglo killaglo ikkomainaujotut tautukarpok. Niplertokarporlo: Tokungajose makkititse, kailer-luselo erkartuiviksoarmut. Ingergainarlo kairtut allikput, illuvillo angmarterput, tokungajullo annivut. Illangit sakkerput kuviasuklutik alliarlutiglo killang-mullo ârlorlutik, assingille kangusudlarlutik katta-lungavut.

Tagva NâleKab nuvujane ingitub aglait angmarter-pait, sillaksoarmiullo sakkerkovait sâminut, erkartuivekalerporlo. Tagva NâleKab nippekortojomut Engeline perkovait okautilugit: Piungitut, perorner-luktokulluit sannetuinaut kattersorsigik egilugillo ikkomamut kammisuitomut. Tagvainarlo imnâluk nettekangitok angmarterpok sâluatsiamne, pujorlo aumaillo ivuludlarlutik kongmuarput.

Ama Nâlegak niplerpok: 'Kakkôjaksatsiat kemat-ulivimnut kattersorsigik.' Engelillo unuktut kongmuartipait nuvujanut, uvangale kemaktauvunga.— Tagva ijerasuarpunga sullilungnangale, NâleKab takkunârmanga ijîngminut ikkomalingnut. Ajornikka tamaita erkaridlalerpakka, inôseralo ilûnât issuam-nut erkartortauvok. Taimak tupakpunga, mânale sulle sajukpunga kappiasumut.

Kristian mâna nâmaksivok. Tukkisititsijuble aperivâ: Tamakkoa tamaita kemergotsiarkigit?

Kristian kiovok: Ahaila kemergotsiarpakka, sivôranerle nerriungnerlo adsigêklutik ikpigivâkka uvamne.

Tâpsomalo okautivâ: Tamakkoa tamaita takko-jattit tussartattillo ômamiutarikit katsungaijutigilugillo apkome inôtsemut sangmijome.

Mad. 25, 31 - 46. 2 Dec. 1, 8-10.

lo
K
t,
K.
-
t
t.
-
-

—



Kristian tagva kujaligosuklune akâgonasualerpok, Tukksititsijublo saimartipâ okautilâllo: Tamât ingergarnerne takpaunga kilaub iglogasaksoanginut Manigoije illingnênalaurletôk.

Kristian tagva aularialerpok tuksiarlunelo:

Mâne tattamnartut takkovakka
Nakoksivlungale sivôravunga.
Sivumuadlarnimne kilangmut
Sorsuktuksaunera kaujivara.
Anernek Gûd ômartitsijotit
Najulaungatôk pitsartutilunga.

Mângat apkut nerrokitok karmakarpok iglotut piulijaunartunik. Taimaigalloartillugole Kristian arvertarpok sulle nêneraudlarlune, nangmagaksanga sulle pêtaumalungimat.

Sivumualernerminele kakkârulangmut seningajoliktalingmut tikkipok, seningajoliublo kannitangane illuvek takkuksauvok. Seningajolik tikkivigituarmago, ahâk nangmagaksak pêrpok ingminik kettinnganit, aksakâvlunelo kakkârulaub ochunganingagut illuvermut, assiomarilerlunelo.

Tagva Kristian okidlalerpok, ômamullo kuviasuktomut okarpok: Aniamigut ullapirsaumik tunitsivigivânga, tokomigullo inôtsemik piloringnadtartomik! Ullapirsaut nellekangitok tattamnadtartorlo ikpigivâ ômatimine kuviasuvaksoalerlune. Anernermigut seningajolik kemergolerpâ opigosudlarlune, kujalinermullo nagligosungnermullo kugvit kattaradtarpot ijjingnit.

Taimailingalertillugo Engelit pingasut najûtivigilerpât aňorâkarlutik kakkortanik kebleriktunik. Tâpkoa sivorlingata niplervigivâ okarlune: Ullapirsautekarit, ajornitit issumagijajungnairput. Aipa-

ngata añorângit ipektodlartut alliksimajullo pèrpait, añorârtillugolo nutânik. Pingajuata nellunaikuta-kartipâ kaungane, tunitsivigilâllo aglanik kigligiutsijunik kitorngauninganik Gûdemut, atsungersimajunik Anernerub Ajunginerub nakkitjutinganut. Kigligiutsinek tâмна apkome manigorutigilugo kilaublo ittertarviane itterutigijaksarijomârpâ. Engelille aularivut, Kristianelo sivumuarpok apkutimine, kuviasungnek ipaksilauksimangitane missigilugo.

Ingergarlune tuksiarivok :

Ajornerub sivitodlartomik nênerpânga
Sumullonello pêngilat kappiasungnikka.
Maungale tikkinama, opinarmêk,
Ajornikka tamaita nangmagaksâlukutut
Pêrtavut, ingergainak assiovlutik.
Kujanarmêgle seningajolik,
Igville tagvane tokojotit,
Pitlaraksausuertinamga.

3. MAJORARNINGA KAKKAMUT OKUMAINARTOMUT.

NAKSAKULLUNGME Kristiab tikkivigilertamine apkutib seniane angutit pingasut siniktut takkovait, tâpkoalo kellaumgujakarput ittikkamingne, imâglo attekarpot: Issumakitok Erkeasuktorlo Sunaunasugijorlo. Kristiab niplervigivait nipperkortojomut: Tupal'aritse, napparutab kângane siniktutitun ilerpose. Imarpiksoak ittijoksoak kollangiarvigivasse. Sâtanase arvertarpok Loevetut nipliajoksoatut. Taimaimat tuppaleritse aulalerluselo.

Taimak niplerviogamik tuppagalalerput. Issumakitorle okarpok: Nangiarlungilanga! Erkeasuktorle sinigiaromatuinarpok sulle, Sunaunasugijorle avângavlune kiovok: Inuk kamalerle nangminiksaminik.

Ingergainarlo sinidlarivut, Kristianelo kiksartitauvlune sillainiginut aularpok.

Mattoma kingornganegialak tattaminiartitauvok avalut, apkutib saumianêtot majorarviodlarmatta sillatânit, angutillo magguk, Idluarasugijok Takkomôrtorlo ittâdlarmanik apkomut amitomut.

Kristiab apperivak: Namungalerkitik? Nakillo pivitik?

Kiovuk: Nunamit piojorinartomit pivoguk, Zionemullo ainasuarpoguk nertortaujomamut.

Kristiab tagva apperivak: Sôgle upkuakut nerrokitokut ittingilatik? Imâk aglaksimangilâk: Itterta vikut ittingitok tâмна tigliktoâvlunelo inuartôvok.

Kiovuk: Nunaptingne tamanna kallasariangonasugijauvok, ilûnata apkut nainersak avaloksoatigut attungârpavut.

Kristiab ama apperivak: Illerasungilatik NâleKab pijomajanga tappagilugo taimâk?

Okausingale nachonautigilermakko kiovak: Kamadlarnak! piniarpoguk nunapta piusinga malliklugo, unuktullo kigligiutsijungnarajarput kittiksaungitunik jârinik taimailingalermat.

Kristiab nagligosungninga inukatiminik sulle nimpangertitaulungimat apperivak: Illusise tamanna nâmagijaujungnarniarka kiglisiniartaukpat idluarsaijomût?

Kiovuk: Unuktunik jârekalermat nâmagijauniarpok idluarsaijomut adsigêktitsijomut. Adsigêkôrpok kanok apkut tamanna aiviongmat, nellâgut apkutigijautuarpat. Igvit upkuakut nerrokitokut itterpotit, uvagulle avaloksuit kângagut, sôg pingituksaunersauvinuk illingnît?

Kr. Adsigêtsangilagut! Arvertarpunga Nâlekama

okausinga malliklugo, illiptigle issumapsingnik pivotik. Mānaujarêk NāleKab sāngane tigliktorijauvotik, kanok tagva apkutib nālerningane nellagôrtutitut illingajungnarkitik? NāleKab tessiorninga kenner-nago itterpotik apkomut omunga nāpkinignekara-tiglo assiojiniarivattik.

Takkomôrtub tagva okautivâ: Piojoridlarpotit, issu-makarnagle uvagut perkojat mallinginersarigaptigik illingnit. Aukak, kêtamiglone pinersaulungilatit, aňorât kissime, tâpsomingalo tunitsiviolaungnerpaluk-potit naiperkotigosumut, ussinganît ulliktaukovlugo.

Kr. Taimamarik, nellâgut okautigivat, ussinganera ulliktaukovlugo. Sivornigane alliksimajoĩnarnik aňo-rākalaurama NāleKab nāpkigosungnersoarminut pili-tsivigivānga aňorāmik ôminga ivlernadlartomik. Tāmna manigorutigikattarpara arvertarnimne. Taimaktauk tunitsiviovunga aglanik, takkorngartat tik-kitut kilaub ittertarvianut sakkertitaksarijanginik.

Kristian okaranneromagalloarlune nippangertitau-vok, attautsekut iĵorutigingmakko.

Māna attautsekut tikkilerput Kakkamut Okumai-nartomut, apkullo amitok sivinganariklune major-kauvok. Tallerplane saumianelo apkutekarivok silliktungnik naternamulle illingajūngnik. Kristian maggoruserlugane apkut amitok annerivâ, piulijaunar-tublo puailavinganit imerkārlune, kakkak majorar-vigivâ tuksiarlune:

Kakkaliarlanga, okumaingmat
Agviarutigingilarale;
Apkut amitok okumaidlune
Kilangmut torārmāt kuvê,
Apkut silliktok okidlarlune
Ogguarnartomut torārporle.

Idluarasugijok Takkômortorlo kajusijungnangilak apkut amitok okumainartorlo attorlugo, okinersanik apkutekadlarmat. Tâpkoa mâna avigalloaramik, kingorngane, kakkab ungatâne kattikattauniarasugivuk Kristiab apkutigilertanganut. Id uarasugijok annerosulerpok apkomik nangianartomik, nappârtunullo apkusârtajungnangitunut tikkipok tussartauniarungnaidlune. Takkomôrtuble apkut asserornartok annerivâ, kakkâlungnelo naukiutivok kattakporlo makkiniarungnaidlune.

Kristianele tuavidlune majorarpok kakkamut, tuavitsainarlunele ajorpok kakkak sivinganaringnersauvalliarnat, taimaimat pissukpok sukkailivalliajomik, kakkablo illangane pâmgorlune kissiane sivumuarungnarpok. Kuviasulerpok tagva mallugosugame iglokarninganik majorkaub ketterkangane, tâmna igloliortaumavok takkorngartat nakoksijaujutiksanganut.

Mâne nokkangavok, aglârsuillo kigligiutsijut kitorngaunerminik attuarpat, añorânelo ânanaudlartok kemergovâ nangminek kuviagilune sinisiñalerkârane ittijomik. Uvlok nâjinasualerêrtillugo tuppaktauvok okautjauvulunelo: Tuppalerit siniktotit erkeasukto-tillo, sôg uvlok nâlugo kikkalerkêt? Kangusulerlune makkipok tuavilunelo ar'rpok kakkab nuvuanut.

Mâne angutik magguk êrksisaraitorlo Puisuktorlo naipipak, uttilertuk tuavidlutik kappiasuklutiglo.

Kr. Suna pivlugo uttilerkitik?

Erksisaraitok kiovok: Utterpoguk nangianartokarpalliatuinalermat apkomê amattomane.

Puisuktok niplerpoktauk: Taimaipok, sâluatsiapingne apkomê Loevik magguk takkovavuk, sivumualaurumnuglo alliktortaumarigajalaukpoguk.

Kr. Kappiasuktipaptinga, namungartuksauvêk ? Utteruma Iglogasaksoarnut Asserornartunut tagva assioniarpunga. Iglogasaksuille takpâne tikkivigijungnatuarupkit piulijauvunga. Tunumne tagva toko asserornarnerlo kissiane, sivunimnele erksinekaralloarpok tokomik, kingornganele inôsek naksaungitok. Kajusijariakarama takpaunga kajusimavunga. Nakoksijaujuksaunermik ikpiginginame, aglârsuit kennerpait ikpiarsumine, sivorngagut kappianartune manigorutigikattalauramigit. Kennerpok kappiasukpalliavlune, kig'igiutsinek tâmma sakkertitsariakarmago kilaub it'ertarviane. Kennerpok su'lilugane, ivleridlalauktanga assiovoK ! Kamagitsiarmarilauraloarpâ, nanelo assionermangât nellovoK. Mânale erkaumatainarpok pijuksaunane sinilaungmat iglokullungme, kakkialerutigimarikpâlo, sêrkortorlunelo issumagijaujungnainermik kennuvok, kugviorlunelo utteriartorpok sinigvigilauktaminut niplerlune : Kiksarnarmêk uvanga, uvlôtillugo sinikama ! NâleKab illingakojanga anernerub nakoksijaujutiksanganut attornerlukpara uvinimnut. Ablornerit unuktut attulerpakka sullinanga. Israêlitit taimak illingalaukput inukangitorne ajorningit pivlugit, tikkigalloarlutik Kânâb kiglinganut utteriakalaungmatta imarpingmut aupaluktamut. Sivumuarmarigajalaukpunga, mânale unugutjauvunga uvlokidlalermat, sinigajalaungikumatôK !

Taimak iglokulluk tikkivigivâ, ingidlunelo keadlarpok. Kikesadlarlune sulle aglârsuit kennerpait nagvârlaitalo iksivautaub attâne tigusârlugillo sagvimiutarivait. Kuviasudlalerpok aglârsuit pigilermigamigit. Opînaranelo, inôsinga nellunaititaungmat illaliortauningalo takpâne ajorungnaititaungmat tâpku-



nunga. Gûde kujagilugo kugvinut tikkidlune aulalerivok apkutigijamine. Erinesugalloarlunele sekinek nippivok sulle tikkerkârtinago nuvungmut. Aipanganik tagva sinilaungninga ogguarutigivâ okarlune: Siningnek ajorneliksôjotit, pivlutit mâna tâksioriakar-punga, kanorlo illinganiarmangarma Loevinut tikki-kuma nellovara, taipkoa takkorngartaukattikka kemâ-laungmattikik takkotuarmagik.

Tamarnirilauktane taimak kiksautigingmago opingartauvok iglomut angijomut apkutib senianêtomut. Tuavilualerpok, tagvane nautsertoromagame unuamut sinerkojaunajangimangât. Kaglilermagole Loevik magguk takkovak apkutib kannitangane. Kristian illimasuklune nokkangavok kêsuktoksuillo tâpkoa kaglilervigilugik nangianadlarmat, illa toko nello-narlungimat, tagva kajusivok utteromavlune. Tamanna upkuab udsertortingata mallugivâ niplervigilâllo: Taimak pitsakitigijôvêt? Loevik ukkua sivoraginiarnagik pît, ahâk kellaumgujanut atsungersimavuk, tamânêpuglo okpernek ôktorlugo okpingi-nerlo sakkertillugo. Apkutib kerkagôtuaruvit kanoeniatsangilatit.

Sajuklune Kristian sivumuarpok udsertortub okausinga mallitsiarlugo, apkutiblo kerkagôrlune. Loevik kallingoaralloarlutik ânertitsingilâk iggiakomijarlunelo upkuak udsertortib nangervinga aivigisârpa.

Kr. Iglo una kanoetôvâ? Uûuarne siniktarungnar-kêk ovane?

Udsertortok kiovok: Iglo una NâleKab senavâ takkorngartanut, merngoerservekarkovlugit ussornarvekarkovlugillo. Nakille pivêt, namungaromavêllo?

Kr. Iglogasaksoarnit Asserornartunit pilunga pau-

nga Zionemut torárpunga, sekinerle nippilermat siniktaromagalloarpunga ajornargipat.

Uds. Kinauvét?

Kr. Måna Kristianeovunga, sivorngane Saimajuitólaukpunga, Jafetib kinguvánginit pivunga Semib iglungine inójuksak.

Uds. Sôgle kinguraivét? sekinek nippivok.

Kr. Sivorngane tikkinajalaukpunga iglokullungme sir lungikuma. Aglârsukka assiojigapkit utteriakalaukpunga kakkab nuvuanut tikkisimagalloarlunga.

Uds. Iglub uigâsokotingita illanganik kairkojilau niarpunga, okautsitillo nâmagigunigit illaliortauniar potit iglub inunginut. Sivanermallo, uigasuk Ittak tortomik attelik sakkerpok, appertsorporlo sunasiortokarmangât.

Uds. Angut una ingergavok iglogasaksornit Aaserornartunit Zionemut, merngortoramele uñugutjaularmelo siniktaromavok ovane.

Kristiab tagva tussuninga nangminek okauserivâ, Ittak tortublo apperkutigijangit nâmaktomik kiojutigijungnarmagit illaliortauvok salutitauvlunelo ullapirsarnartomik iglomiokatigênut illânainut.

Kristian ovane tujormigalangimarikpok, iglomiokatigêllo unipkautjaujomangmatta apkome illinganerilauktanginik tagva Kristian ijersingimariklun sumik tamautigijane pivalliajutigijanelo nellâgut unipkautigivait.

Kristian tagva sorailermat, iglub uigasokotingita illangata, Sillatunermik atteliub niplervigivâ imâk: Nuna inûlervigijat erkariviuk sulle illangane?

Kr. Ahaila, erkarivara, kangusuklungale kuinangnârlungalo.

Sill. Sulle najortekarkêť piniarutigikattalauk-tarnik?

Kr. Abaila, sulle najortekarpunga, pijomangimarik-lugille. Piluartomik issumakka ikligunerimut illi-ngajut uvanga inôkattimalo alliagikattalauktangit, mânale tamakkoa tamaita serlekiutigivakka. Pijung-narumale pijomausiptut, illa issumagijungnairmariga-jarpakka. Ajungitok piniarutigijomatuwarapko ajor-tub attavigivânga.

Sill. Illakemautigijatit tamakkoa illangane sâlagi-jaumajutitun ingilât?

Kr. Akkulaitomik taimailungitok, stundille ikpi-givikka tamattominga ivlernadlarput uvamnut.

Sill. Erkailungilatit sumut ôktorluktaunitit sâlagi-jaumangâta?

Kr. Seningajolingme pivlunga tokojok erkarapko, aňorârlo piliusiarijara Nâlekamit kemergogapko, aglâr-suillônêt sagvimiutarijakka attuarapkit, aiviksa-ralônêt erkarapko tagva ôktorluktaunekangitotut ipunga.

Sill. Suna pivlugo killanâdlarkêť takpaunga Zione-mût?

Kr. Tokojoť pivlunga inôjorlo issokangitomut takkoniarasugivara, piulijaunermiglo siorniornartunit tamainit nerriukpunga. Tagvane tokokarniarung-nairmat, sorairnanga inôjomârpunga. Nâlegak killa-nârvigidlarpara nagligigapko, piulingmanga nangma-gaksamnit, ômatimalo kanimasinga merngortôtigi-gapko. Niplertut heilig heilig heiligemik paingu-vigidlarpakka.

Taimak okarêrmat, uigasûb Naglingnermik atteliub kaglilervigivâ apperilugolo: Nulliakarlutit kitorng-akarkêť?

Kr. Nulliakarpunga, kitorngakkalo sittamat mikki-jövut sulle.

Nagl. Sög arvertarkatigingipigt?

Kristian kugviorlune kiovok: Kanoktörutigidla-lauralloarpakka angijomik, aularnerale kuviagilaungilät.

Nagl. Ajokertoraksarilauralloarpattit okautilugillo nangianadlartomik illinganekarninginik.

Kr. Taimaimarilaukpunga, okausikkale iJORutigilugit okperilaungilait.

Nagl. Gûde kenuvigilaukiuk okautsitit pitsartutitaulerkovlugit?

Kr. Ahaila taimailaukpunga, sâgiarningillo killanâridlalaupakka angijomik nagligidlarapkit.

Nagl. Tukksitilaukpigt kiksadlarnernik erksiner-niglo asserornermit? Asserortaujuksaunise namak-tomik missigilauralloarangne.

Kr. Tukksinatsiadlartomik okautivakka, takkonârpângalo sajuktilunga keatillungalo pitlaraksaunera pivlugo, sokosiutigingilaille.

Nagl. Sumigle okarungnarkât? kanorlo passijau-ngijutiksarsijungnarkât?

Kr. Aiparma sillaksûb mattoma allianarningit ipperaromalaungilait, kitorngakkalo pijaumalauput inôsuktut ikliguninginut, agviarutekarlutiglo sunatuinarnik illagijomalaungilânga.

Nagl. Okauserijarnik nâlagomangimatta tamartilaukpigt arvertarnermut nâmangitomut?

Kr. Arvertarnera nertôtigijungnangilara nellâgut tamakattalaurama, kaujimavungalo arvertarnimnut nâmangitomut okautsit idluartôgalloat tukkekangitôtitaungmatta. Imâgle okarungnarpunga: Udser-tormarilaukpunga sinaungajutiksarserkonagit uvamne,

agviartaukonagillo illagilunga. Katsungailuarneralo ipperaineralo kanoengitôjártunik pitjutigivât nokkautigivât. Illa uvannik nokkautekalaurunik, illina-sungnera ajornermik idluitulijomangineralo Gûdemut inôkatinnullo nokkautigivât.

Nagl. Kainib Abele ômgivâ, piniarningit ajormatta, nulliarpiit kitorngavillo tamanna appôtigigunitsuk tagva sakkertitsivut ullapkosertaujomanginamik Gûdemut, tarnillo sunginut passijaksaungilak.

Taimak okakatigêlerêramik nerrivik unuksiumik kaglilerpok, Kristianelo innapât tâpsomunga. Nerri-mârneolaukpok ânanâmik weinelingsmik issungitomik. Okakatigêkput Nâlegax pivlugo, iglomiokatigênut ilûnainut nagligijaungmat ômamut tamânut. Pini-arningit nertornadlartut nertôtigivait, toko Satanelo sâlagimgagit.

Tagva Kristian niplerpoktauk : Tamât inônimne Jêsuse nivingavlune seningajolingme âniajok ilûnâne puigorniatsangilara. Nanelônêt ullapirsautisingi-langa, nangmagaksara kinamullônêt sillaksoarme pèrtajungnalaungilak ; pèrtangipallo nellonangima-riktomik âtinajarpânga kappianartovingmut. Seni-ngajolingmele aunârtok takkotuarapko, nangmagak-sara assiovok, sivorlerpâpâmiglo tarniga missigivok ullapirsauimik nellekangitomik. Tâmma pitlartau-laukpok, uvagut ullapirsautekarkovluta.

Kattingajut kuviasuklutik Kristiab okausingit tus-sarpait, kaujimarikipâllo Nâleka takkorngartat pitsiarvigênarmagit, tâpkunungalo illaângongmat nellekangitok. Takkorngartat illangit, illa unuktut, saksârtônermingnit nertornartipait attaningortilugillo aglât. Okarmarilaukporlo piginagit inôjomangimat Zioneme. Okakatigêklutik sulle unuktunik assi-

nginik, Nálekablo saimaninganik kenukatigerkârlutik sinigiartolerput, Kristianelo iglorusermut tessiorpât, sinitsiarkârlunelo tuppakpok tuksiarlune:

Nanelerkêk? Jêsub naglingninga
Takkorngartanut taimak angidlarkâ?
Piuligêrmagit ajorninginit
Oksitilugillo piloringnermik.

Kristian tagva aularomavok, nokkarkovâlle iglub takkojaksanginik kemergolerkovlugo. Sivorlermiglo tessiorpât aglaktalingmut, tagvane piniarviojut itsaksoarnit mâna tikkillugo attuaraksauvut. Nálekab piniarningit, kivgangitalo piniarningit tagvane aglaksimavut. Illa aglaksimavut kanok attaniovingnik sâlakalaungmatta, idluarsailutiglo, angersimanermik pititauvlutik, Loevillo kaneâlunginik simiksivlutik, ikkomab pitsartuninganik kammiksivlutik, saviksûb ippininganik kemâmavlutik, sangênermingnit nakoksititauvlutik, sorsugiartornermingne pitsartutitauvlutik, ômisuktullo sorsuktokotsoangit ochotidlarlugit.

Aglait assingine takkotitauvok Nâlegak tussudlarimat innuit nelliallônêt piulijaukovlugo, piungitokâd-laukâralloarlune, Nâlegarlo okarnerlôtigilaukârlugolônêt. Unuktullo assingit Kristiab tukkisivait ovane, nutânik nutaungituniglo, angerutaumanerit nellautsititaujut akkerartortut kappiasungninginut, takkorngartalle manigortaujutiksanginut.

Uvlub pingajuane tessiorpât sakkotalingmut, takkotipâllo sakkunik sunatuinarnik Nálekab illingakojanginik takkorngartanut. Tagva saviksoak, sappû-lutarlo, nessarlo kikkiangênak, sagvingmiutarlo, kammillo nutaungilivalliajungnangitut, tuksiarnrublo ajugautsainartub sakkoa. Tamakkoa tamaita kittiksaunatik tagvanêput, tausendeokattartunut amigaratik.

Kautualermingmat tessiorpât iglub kânganut, Kristianelo tagvangat âne ungasiktome kakkalingmik ânanaudlartomik nunalijarpok, tâмна nappârtokarlune perorsiakadlarpok.

Uigasunillo okautivât: Tamadja Imanuelib nunanga takkorngartanullo illingajok. Tagvangat iglogasaksuit pânêtut ittertarvingat takkolârpâ.

Kristian aularkârtinago attitipât aňorânik kikkianik, sorsungnerme sappûlutariniartanginik, tunitsivigilâllo sakkunik nakotsiartunik apkome sâlagijaukonago.

Aularviksaminut taimak pattangaititaustiarylune iglomit annivok iglomiokatigênut illagijauvlune. Upkuab udsertortingata unipkautivâ takkorngartamik kângersimajomik Nellagôrtomik attelingmik. Kristian kuvianartomik opingartauvlune okarpok: Tâмна illitaritsiarpâ sillaligilaurapko iglogasaksorne Asserornartune. Angunasualaulârpâ.

Udsertortible aksunaivigilugo okautivâ: Nâleka bilagilitit saimarlutillo angijomik ingergarnerne tamât. Assingillo Kristiab aksunairvigijomalerpait, Itaktortorle, Sillatunerlo, Naglingnerlo illagijomavât kakkab attânut.

Atersâleramik Kristian okarpok: Okumainalauk-pok kakkak una majorârvigilugo, sullele atersârianga okinersautsanginivok.

Sillatunek kiovok: Ahaila, naksak Nikkanarsârnartok atersârvigilugo ijukkaranelo okumaidlarpok, taimaimat illagilerpaptigit.

Kristian udsertutsiaralloarlune siargipok illangane.

Kakkab attâne pilitsivigivât niakôjamik weinemiglo apkome takkuariniartanganik, aularkolâllo apkotimine.

4. NAKSAK NIKKANARSÂRNARTOK, TOKUBLO
TACHALININGA.

Kristiab sivikituinartomik sivumuarlune naksame Nikkanarsârnartome Satanasib Engelinganaipipâ. Kemâjuksauva nokkartuksauvalônêt? Kappiasugalloarlune kaujimavok sorsugvigilugo nakornersaungmat kemânermit, tunua putortaujungnarajarmat ômisuktib kargjunginut. Taimaimat kajusivok sivumuaromavlune.

Nakit pivêt, namungarkêllo? Satanasib Engelingata apperivâ nippemut nachonartomut.

Kr. Iglogasaksoarnit Asserornartunit idluitulinerit tamaita inninganit pivunga, Zionemullo kajusivunga.

Sat. Tagva kivgarivagit, nuna imna ilônât uvamnut illingangmat. Tâmma inukotingillo Gûdigivlunga attanerivânga. Sôg ajujivêt attanernik? Utteriarn' nerriugingikupko ingergainak annaunajarpagit nu namut.


Kr. Inûlersimagalloarpunga nâlegauvingne, sulliakartitsinille okumaidlalaupok akkilênernelo inôjokarungnangilak, inumariolerama sokkosilernermik tussumarilaukpunga.

Sat. Attanerit nelliatalônêt kivgakotine assiojijomangilait. Sulliaksarle akkilêningalo namaginginangne, nâmaksituinarit utterlutillo, nunab sakker-titangit pijaksarivattit.

Kr. Nâlekamut assingnut attanerit Attaninganut angerutigilerêrpunga. kanorlo nellâgôrlunga utterungnarajarkêk illagivlutit?

Sat. Ahaugalloak, kivgangille assiojisôngovut sivitomik kivgartorvigerkârlugo uvamnullu utterlutik. Taimailiorittauk tagva sulle kanoengitsiarniarpotit.





Kr. Attanerit Attaningat angerpara illa angervigimarikpara, mânalo kemânajarupko nellangaitoksõnimnut tokotaujuksaunnajarpunga.

Sat. Taimatsainak illiorvigivarma, tamaitale kama-gingitsertoromavakka mâna uttituaruvit.

Kr. Inõsungnimne soruseonimnelo angerutigijakka tunganarlungilat, Nâlekamalo kellarutjárungnarpânga tamakkonangat, sorlo tamaita piniarnerilauktakka kivgautillunga illingnut issumagijungnairmagit. Igville õmisukteojotit, nellâgut okautivagit, Nâlekama kivgatorviogianga, akkilêningalo inokotingillo, nunnangalo nâmaginersaridlarpakka illingnit kajungnartarnillo. Taimaimat apkutimne sivumuarlanga ulla-pitaunanga, Nâleka kivgarivânga, tamainelo mal-ligomavara.

Sat. Naipiniartatit apkome tamatomane nâmak-tomik issumaksarsiorutigituinakit. Nellolukõngilatit Attanivit õma kivgangit naggatekakattarmatta piungitomik, nâlegauviga uvangalo tappagigamitsuk. Unuktut nachonartomik tokolilaukput illa! Nâmaginersarivat kivgatorlugo uvamnit, takkõgle, attausearlunelonet iglogasaksoakotine kemalaungilait kivgane piulijomavlugit aggamnit. Illânânele kaujijauvok, kivgakotikka aksorõrnermullõnêt pingitsertornermullõnêt piuligapait, taimaktauk piulijomavagit.

Kr. Nâlekama inokotine mâna illâne piulilungilait, naglingningat nellâgõrningallo õktoromagamigik. Piungitomigle naggatekarnerainit, tamana piviarinerpârivât, uttakkgamik ananausititaujomârnermik, Nâlegak tikkipat Engelit illagalugit.

Sat. Nellangaivigilerêrpâtit, kanok akkilertaunermik nerriugungnarkêt sulle?

Kr. Sunamut nellangaivigilaukpigo?

Sat. Ingergarnivít pigiariningane mungungalerê-laukpotit, imaksumelo Anusingornartome ippikasa-laukpotit. Apkutiksaungitunik attulaukpotit nang-magaksak pêrtaukovlugo Nâlekab ikajorninga utakki-utigijaksarigalloarlugo. Sinilaukpotit iglokulungme, Nâlekablo piliutinga pivianartok assiojilaukpat. Ut-teromalaukpotit Loevík takkogangne. Tukksijatit ingergarnitillo unipkautigigangne tagva nertôtinermik kennerpotit inungne.

Kr. Tamakkoa tamaita miksekârtôvut, unuktullo assingit erkaringitatit. Attanerle kivgartortara nâp-kigosukpok, issumagijungnainekadlarporlo tâpsomane. Kaujimalerille, sangênerit tamakkoa aulalaungmânga nunangnêtillunga, tagvanelo illinialaukpakka. Tamakkoa anersaumijutigilugit kugviorutigilaukpakka, Nâlekamalo issumagijungnaivigilunga ullapirsaumik pilipanga.

Tagva Sâtanasi Engelinga kaggudlarpok ningau-majâdlarlune: Attanermik ôminga akkerartorteo-vunga, ômigivara perkojangillo inokotingillo. Tikkipunga sorsugvigijomavlutit.

Kr. Taimailiornak, Attaniub apkutinganêpunga, apkome ivsornailinerme. Taimaimat kamatsiarit piniarneriniartarnik.

Sat. Sivôralungilanga, parngnailerit tokomut. Illa angerutigivara, imnâluk kappianartovik nettekangitok tailugo, piganertuksaujungnairpotit! Mâne tarnít tokojomavara.

Ingergainarlo kargjumik ikkomalingmik pitikserpok sagvinganut, Kristiable sappûlutak attorpâ kano-engitsiarlunelo. Tagvainarlo saviksoane kênailitanganit amuvâ sorsugiarlunelo. Omisuktingalle pagre-arpâ pitikserservigivâlo kargjutinik unuktunik. Kristian

erksitailivlune sorsukpok, ikkekaleramele atte me-
ungitomik merngortomidlunelo utteriagalâgiakarpok.
Omisuktingalle mattominga mallugosutuarame kat-
sungailuartomik sorsugiadlarpok, pâleramiglo, Sâtan-
asib pitsartunersoarminut egipâ nunamut, Kristiablo
saviksoane sapkupâ aggaminit.

Satanase tagva ajugaujotut niplerpok: Sullitsangi-
latit! Nênerpâlo tokonasuarlugo. Kristian kolla-
lilerpok inôniarnermik. Satanasible kingorleojomik
annaunasualermago, Kristian nakoksititauvok Gûde-
mut, agganelo issakpait, saviksoanelo tigumiarpâ.
Ajugaujotullo niplerpok: Omigijiga, kuviasangni-
arnak pivlunga ochotidlaramga, makkiniarivunga.
Tagvainarlo saviksoarminut tôkpa, ômisuktingallo
tokomut ânertaumajotut kingupiarpok. Kristian
niplerivok: Ahaila, tamakkoa tamaita attorlugit
ajugauluarpogut uvaptingnik nagligosuktokut. Sata-
nasible Engelinga aularpok, Kristiablo takkoniarung-
nairpâ.

Kristian tagva kuviasuklune kilangmut ârlorpok
okarlunelo: Nâlegak kujagijomavara, piulingmanga
Loevit kanneâlunginit, pitsartutingmângalo Asseror-
titsije sorsugvigijungnarlugo. Tuksiarporlo:

Sâtanasib, ningarmariklune
Engeline uvamnut tillivâ.
Pitsartujoksoak ômisuktok
Kaivok apkutaertilunga.
Assiovunga, Nâlegak igvit
Ikajungikungale kaivlutit.
Nakudlarpotit, ajugauvunga
Saviksoalijartidlaramga.

Agganut takkuksaungitunut tûnitsiviovok millu-

kattanik, inôtsib nappártunganit, ikkingillo inger-gainak mammiput. Merngoersigalakpok kakkôjak weinelo tunijaumajut uigasungnit sorsungniub si-vorngane nakoksiutigijomavlugit. Nakoksititaule-rame, saviksoane tigumiarpâ, sivumuarporlo, opaktau-nermik sulle nerriutuinarlune.

Mâna naksak Tokub Tachalininganik taijak itter-vigivâ, ittervianelo angutik magguk naipipak eri-nesuklutik kemâjuk; Angutinit ipkonangat kingu-vângojut okarnerlôtekalauktunit nunatsiamik Kanâ-nemik.

Kriktâb niplervigivak: Namungadlalerkitik?

Kiovuk: Utterit, utterit, inôtsit ivlerigungne utter-katigitiguk.

Kr. Suna pivlugole?

Kiovuk: Tamiâlupâ, apkomêrkauvoguk illiktut, serlamarik illa inôvoguk. Kêtagalak sulle sivumuar-lunuk assionajalaukpoguk.

Kr. Sunamigle naipitsivitik?

Kiovuk: Naksak, Tokub Tachalininga ittervigi-lerêrpavuk, nakudlarporle kinguraikâranuk sulle na-ngianadlarninga takkogaptigo.

Kr. Sumigle takkovitik?

Kiovuk: Naksak tâktôvok unuaktut, ijoraîllo pi-ungitut kappianartovingmit pijut aulajâdlarput, nip-palâdlartokarlunelo miagôrtokadlarpok tausendeokat-tartunik, sorlo kellaumgujanut kellaksorsimajunut. Kilak târmarikpok nuvujakamut, tokublo naksak kollangierriênarpâ.

Kr. Okauserijatik ipaksingilakka nâmaktomik, at-tauserle kaujimavara, apkut una nunamut ullapirsar-tautionartomut illingangmat.

Okarivâk: Ahavgalloak, apkutigijungnangitavugle.

Taimak okarêramik utterpuk, Kristianele sivumuar-pok saviksoane tigumiarlugo.

Naksaub talerpiane imnakarpok ittijomik, tagvunga itsaksoarnit tautungitut kattalaukput. Saumiane im-aksukarpok erkakangitomik. Apkut tamâne ami-dlarmarikpok, illa taimak sugaluktigivok, kattagiak imaksumut imnamullônêt illimanatsainarmat, târning-anullo Kristian kaujikattalaungilak namut tuttujuk-saumangârme.

Naksaub kerkane innâluk nettekangitok angmar-terpok, ikkomamiglo issersoarmiglo annitsivok ivulu-dlarlune. Sumik Kristian piniartuksauva mâna? Saviksoangata piulijungnangila. Assianut sanguler-pok, tuksiarnek illungertorlune sakkogilerpâ okar-lunelo: Nâlegak, tarniga piulilauruktôk! Taimak sivumuarpok, ikkomalo avatimine kongmuarpok, il-langanelo keavaksoadlartut nippingit tussarkôrpait. Pijauniarasugikattarpok, inôsingalo serlekititaumari-kattartotut illingavok.

Tagvainarlo ômisuktut unuktut kaigiadlarningit mallugivait. Kappiasudlarlune nokkarpok. Utter-tuksaulerkâ? Agviartulle unuktut sâlagilerêrpait ut-teriarlo nangiarnangitôlungilak naksaub kerkanêpa-lungmat. Taimaimat sivumut kajusivok. Omisuktut kaglivalliavut, serlak angulerpât, tagva nipperk-or-tojomut niplerpok: Arvertaromavunga Nâleka b Gû-dima pitsartutingmanga. Omisuktulle kemâvut sak-kerungnailutiglo.

Nelliutome tamattomane Kristian taimak kuksalâ-tigivok nippine nangminine illitarijungnairlugo aglât. Innâluk nettekangitok kângervigingmago, uivêtub mallikpâ, okarnerlôtjinerillo piungitoâluit issivjutigi-vait siutigingnut. Kristiab tamakkoa ômatiminit

pinasugigamigit, ajungitotoarlo nagligidlartanne okarnerlôtiginasugigamiuk, kiksadlalerpok angijomik. Okarnerlôtjinerit tamakkoa ipperaromagalloaramigit sapperpaille.

Kiksarmariklune sivumuarmat, ahâk angutib nippinga sivunermunit tussarpâ okartok: Koruksioralloarajaruma tâktokut, kanoetomik illimasulungilanga, igvit najoramga. Okautsinut ukkununga manigortaumarilerpok. Tamânele Tokub naksangane okpertokarivâ? Taimaipat Nâleka illagivâ, illagivângaletauks tâktome siorniornartome nellogalloarlunga. Kanoktôk illakarungnarajaruma tamâne. Sivunermînêtok kaggorvigivâ, tâmnale kiojungnatuinarpok inotôjorinerminik ovane. Kaulivalliavok. Kristiab Nâlegak nertorpâ, tâksoarmik ablatsangortitsivok uv-lub kaulerningatut.

Mângat takkosarpok uttimut, nangianartullo attulauktane tâktome ullernaigivait. Mâna kissiane imnâlub ittininga, imaksûblo nangianadlarninga tukkisivait. Apkullo amidlartok tâpkoa akkorngatigut pijok takkovâtauks. Kaningitome, sulle tâktome koksalautigilauktane takkovait, mâna kaumajomut kemâtitauletertut.

Sekinek nuilermat Kristian kuviasukpok, ipaksi-
vorlo nangianadlartomit piulijaugame. Apkulle sivunermine nangianadlarpoktauks sulle. Mângat naksaub kiglinganut mikkigiakarpok unuktunik Sâtanasib illijanginik takkorngartanut. Ila mâne kaggi-takarpok ittijunik sittorkakarlunelo unuktunik. Nakormêk sekinek nuilermat, taimailaungipat inôtsine assiojinajarpâ aglât 100 ertorlugo. Mânale uviôlermat Kristian sivumuarpok kuviasuklune, okarporlo: Kaumautinga kaumatillugo niakorma kollâne, uva-

ngalo tâpsoma kaumaningane arvertaroniavunga tâktome.

Kaumaningane tamattomane naksaub issua tikki-vigivâ. Tuksiarporlo :

Piulijaudlarkêk ? Tattamnarmêk,
Issumakut sulle nangiarpunga.
Takub kassilinarningale ôkpara
Kappianartovik takkovara.
Assiomajut nippalâningit
Tussarkôrpakka sulle mânamut.
Kaumanit Jesua kaumaksarmanga
Uvanga kaulerviodlarpunga.
Inornarmêk Gûb pitsartuninga !
Nutâmik inôsekartimanga.

5. TAKKORNGARTAUKEATTINGA IDLUARTOK,
TAKKORNGARTAUKEATTIKSAUNGITORLO.

Kakkârulangme apkosârvigijamine Kristian sivu-
nermine takkorngartaukattiminik Nellâgôrtomik atte-
lingmik takkovok, niplervigivâlo nokkagalagajangi-
mangât.

Nellâgôrtorle kievak : Nokkarungnangilanga, tar-
nima ômisuktingat udlamanga.

Tamanna Kristiab aiblutigivâ, pitsartunerminullo
tamainut akpangerame, takkorngartaukattine anguvâ
kangerêrlugo aglât. Taimak sivorlek kingorleoti-
tauvok, Kristianelo pimariutigalagane ajorpok. Ner-
riuginagole naukiutivok, nunamullo pâlaklune utak-
kijariakarpok Nellâgôrtomik, tâpsomalo tikkivigi-
gamiuk makkitipâ. Kattangutigêktitut ingergalerpuk
kuviasukatigêklutik.

Tagva Nellâgôrtok okarpok : Tussulauralloarpunga
ingergariamik illagivlutit aulatainarnimnit, tuavidla-
lauraville inotôvlunga ingergariakarpunga tamaunga.

Kr. Kanok akkunertigijomik kikkalaukêť sulle
iglogasarne Asserornartune?

Nell. Sapperniarnimnut tagvanêlaukpunga, tussak-
saungênalaukporlo iglogasaksuit ikkomamut kilang-
mit pijomut nungutaujuksaungmatta.

Kr. Tamanna okauseolaukâ?

Nell. Akkunit okauseomalaukpok ilûnainut.

Kr. Assingnigle kemâjokalaungilâk?

Nell. Okperitsialukpallailaungimagit, illangit mit-
tautekatuinalaungmatta illingnik ingergarnerniglo.

Kr. Sangusaraitok pivlugo tussalaukêť sumik?

Nell. Ahaila, mallilaukpâtit-gôk imaksumut Anu-
singornartomut. Kattakpalailaukporlo illuanut, ta-
mannale missiarutigigalloarlugo okperijauvok, aňo-
rângit ippadlalaungmatta.

Kr. Iglogasaksoarmiut kanok illiorpatsuk?

Nell. Taimanganit illûnaita mittautigivât 7 ert-
lunelo piunginersaulerpok sivornganemit.

Kr. Sôgle akkerartorkât, apkutinga k maktang
okarnerlôtigigamitsuk?

Nell. Nellangainerarpât, angernerilauktane malli-
laungimago. Issumavungalo Gûdib ômisuk okarti-
mago apkut idluartok kemalaungmago.

Kr. Okakatigilaungipiuk?

Nell. Attausearlunga naipipara, keviatuinarpor
uvamnit kangusukôrame, okakatigijing angil-
ralo.

Kr. Pigiarningane angit una idluar...
sivôravungale assiokattaun... Omal...
seomajok nellautsititauvok. Ki... meri...
taminik nerrigivok kuing... sa...
jok sallumaitomut aksakâ nivok...
ik.

Nell. Sivôragivaratauk, kiale... agnarkauk?

Kr. Kujaana tâana ajornarmat, unipkautilaungale tukkisimajana apkome.

Nell. Imakauk nusingornar ok attoriakalaungilara, Ikligu ude nipâna, serlak inoëtingilânga.

Kr. Nakkalâna ke alaurangne. Josefe pagviarpâ : gijomik, apoma kemakpâ liktut, inôtsinele serman piulivâ. Kanok illiorv givâtit?

Nell. Okangata pingitsertorninga pitsarlungi agalo ipak marlungilak, kajungertinasuarpanga inukovlunga, angervigivângalo allianartunik inatuinarnik.

Kr. Kuviasungnermik nellâgôrtot kômame ikpigijamomik angerutekarungnakôtsai.

Nell. Kaujimavattit, uvingub kuvia rijangit.

Kr. Ude kujagijariakarpâ uivunginavit. Napkigi ingitut Nâlekamut ômunga kktitautsainarput.

Nell. Nellovunga, ômangat piulijaumaringmangârma.

Kr. Kanok? Pijomajanga malligalloarpiûk?

Nell. Aukak, malligomatsangilara, okauseomajok karapko imaitok : Pissungningit torârput kappianartovingmut. Taimaimat ijikka mattuvâkka Ikliguniub tautuanut uivêrijaukonanga. Tamanna pitjutigivâ mittautigivlunga, apkutigijamnele aularpunga.

Kr. Assianut nangiartitaungilatit?

Nell. Kakkab Okumainartub attâne angutib itub apperivânga kinaumangârma. Unipkautivara takkorngartaunimnik ainimniglo iglogasaksoarnut panêtunut. Okarpok : Inuktut nellâgôrtotut tautukaravit, innapagit inôkovlutit uvamne, akkilitsiaromavagit. Apperivara kinaumangât, nanelo inôngmangât. Kio-vok : 'Inutokak' attiga, iglogasarnelo Uivêrijaunartune inekarpunga. Apperingmijara sumik sulliakar-

mangât, kanorlo akkilerniarmangârma. Okautivânga: Sulliara tagva allianartut sunatuinait, akkilêneralo kingormgujijuksaujomâravit uvamnik.

Kr. Kanok ipperarsinnalerpiûk?

Nell. Pigiarningane kajusiomilaukpunga illagijomavlugo, okausingit nâmagigapkit. Kaungale ullernaigitsiarapko okautsit imaitut takkovakka: 'Inutokak ipperarsiuk piniarningillo.' Okautsit tâpkoa ikkomatut nênertauvtut ômatimnut, kaujimalerparalo kanorlônêt okaralloarune pingitserterlune, kippalotituinarajarmanga. Ingergainak tagva okautivara: Igloit ittervigijomagalângimarikpara, tunnulerparalo aularomavlunga. Tagvainarle sâvigilerpânga, akso-rorlunelo pâvânga allingniarkôlerlunga. Kanorle kemâjungnalaungmangâpko nellovara.

Kakkab Okumainartub majorkangata kerkanut tikkinama, takkovunga angumik udlajomik uvamnik. Iglokullûb nellâneluatsiak anguvânga, nunamullo añaudlunga. Kaggudlarvigivlunga okautivânga: Ajortotit, ajortokullôjotit, sulle sulle issumakarpotit piungitunik, sulle allianartut mânêtut ungagivattit. Tokojuksauvotit. Tagva niplerpunga kappiasudlarlunga: Inukullôjunga, kia piuliniarpânga timemit, tokub mattoma pinganit? Nâpkigilaungatôk!

Okarpok: Nâpkinignermik kaujimangilanga, sutairajarpângalo nokkartitaulaungipat kailertomut.

Kr. Nâlekamûngitôk?

Nell. Tâmnaulaukpok, ikkingit takkogapkit agga-ngine seneranganelo.

Kr. Udlalauktok ilingnik tamatja angut perkojaktali, inuk kinalônêt nikkagingilâ, nâpkigosungnermiglo kaujimangilak.

Nell. Illitaritsiarpara, akkulaitomik takkosimalauk-

para. Tāmnauvok uvamnut tikkitok iglumnētillunga sulle, kanoengitsiartōjārtillunga igluga ikkititsomalaupkpa aulangikuma.

Kr. Iglo kakkaḅ nuvuanētok takkolaungipiūḅ?

Nell. Takkolaukpara Loeviglo magguk, uvlotosi-ngmalle sulle kāngervigilaukpakka.

Kr. Upkuab udsertortingata okautivānga taimak. Tagvane nokkartuksaulauralloarpotit, takkojaksakadlarmat puigornangitunik. Naipitsilaungilatit kimik naksame Nikkanarsārnartome?

Nell. Suglujijok naipilauppara uttertitsomalaukpāngalo. Imāglo okautivānga: Naksame tamatto-manē nertornautiksarsiniangilatit, aḡlāt sillaimut kajusiguvit apkutigilugo, illānārpīt illūnaita sinaungajutiginiarpātīt imaitut: Piojorijub, Pimariutertublo, Sunaunasugijublo, Nertortaujomadlartublo, illūnaita illitaritsiartama.

Tagva okautivara: Tamakkoa tamaita illagilauksimagailloarpekka, takkorngartautuaramale missiarutigivānga, uvangalo ippararpekka. Taimangungitorlo naksak okautigivat, imaingmalle: nikkanarsārneḅ nertornarnerub sivorlinga, kattaksimaneruble pingijainek sivorlorivā.

Kr. Assianik naipitsilaungilatit?

Nell. Arnak Kangusujuitomik attelik naipilaurivara, illūnainille naipitamnit ipperarungnangilualaukpara. Imāglo okautivānga: Sillasiornarpok angumut okpertōlerlune, ikpigisarailunelo kibliktausarailune, illa tamanna angutib piuserikattartangatut ilungilak. Udsertutsainartorle okauserninik piniarnerminiglo, tāmna issumaminik piniarungnangilak, missiariakarporle tāpkuninga, ijortaujutiksaminik kattersituinarlune. Itsaksoarnit akluitut pitsartujullo apkut ta-

manna apkutigijomalaungilât. Kinale inuk sillatojok tamainik ipperarsinajarkâ akkilertaujomamut kannilvarlungitome? Takkorngartat tamât sunaungilualaukput, pokêluarlutiglo, piungiluarlutiglo. Kangu-suktuksauvok kugviortok okâlajokartillugo, sillalinelokakkialervigilugit pinasuartok tamarvigigalatuarماغit, uttertitsijomajorlo tiglik타민ik. Okpertut piusinginut ungasiktita uvogut sillaksoarmit kuvianar-ninginillo, inulugasaillo kattangutigijaksarigaptigik. Tamakkoa tamaita piolungitut illa.

Kangusujitok soraituarmat, kiovlunga sappililauk-punga aupaladlarlarmalo. Okautsille erkaisiñaler-pakka imaitut: Inungnut nertortaujut Gûdib makojugivait. Ipaksivungalo Kangusujitub inuit okâlautigingmagit Gûdeungitorle. Uvlullo kingorlianê inuit erkartortaujomângimatta inuit ritartaujut piojoridlar-tullo issumangit malliklugit, erkartortaujomârpulle Gûdib kotsingnerpangojub illisimaninga perkojangalo malliklugo. Issumavungalo: Gûdib idluarijanga idluarpok, sillaksoarmiut illûnamatsiatik akkerartor-vigigalloarpatsuk. Issumajârama tukkisivunga Gûdib taimak apkutekartimattigut, ômallo ikpigi araitok kibliktausaraitorlo naglingmago, tamakkoalo sillakso-armiut sillaitorijangit sillatonarnerpângongmatta Gûdib nalegauviane. Aklujok, Kristusemigle naglik-tox nellâgut akluinersaungmat akluinerpângojomit. Taimaimat Nâlekab pitsartuningane niplervigivara illungertorlunga: Kangusujitotit kemanga, ômisuk-teojotit piloringnimnik. Malligaksarivagit Nâlegak tunnulugo mallingnagolo? Kanok pagrearvigijungna-rajarpigô tikkipat ânanaunermine? Apkutingillo kivgangillo kangugilugit tamâne, kanok tagva saima-ninga nerriugijungnarajarpigô?

Aksororlunga kissiane ipperarungnalaukpara pagvisâkattarmanga okautillunga unuktunik assinginik okpertut piusinginik okarnerlôtjijunik. Okautisiñalerparale: Tamakkoa piungitôjorijatit ananauginerpârivakka. Pagvisâdlartok una tunnulerapko tuksiarpunga:

Oktorluktaunerit naipitavut
 Apkut amitorle attortavut
 Unuktoksôvut, uvingmullo
 Illingadlarput, kaikattarpullo,
 Sâlagijaunajangimangapta
 Oktorlutsainarpâtigut illa.
 Pigârittôk takkorngartaukatik
 Kuglugiarâlûb kennermattit.

Kr. Naksame assianik takkungilatit?

Nell. Assianut ullapitaulaungilanga apkome ilûnâne, naksamelo tokub Tachaliningane allakiviolaukpunga.

Kr. Idluartokut taimak pilaukpotit, uvangale taimaitsungnalaungilanga. Naksaub pigiarningane sor-sugiakalaukpunga Sâtanasis Engelingenut, tâpsomalo serlamarik tokungilânga, Gûdible tarniga piulivâ agganginit. Ama naksaub kerkanut kaumaviolaungilanga, amiakoale allakiviodlarmat apkutigilaukpara kanoenanga.

Taimak okarêramik kannitokullungmit allak-kartokarpok angumik, 'Kannekadlartomik' attelingmik, kallinekut angutetsiangojârtok taututsiariktok.

Tikkivigigamitsaule Nellagôrtub apperivâ: Kilaub iglogasaksöanginut ingergarasuarivêt?

Kan. Tagvungatsainak torârpunga.

Nell. Taimaimat illaginiarpaptiguk.

Kan. Kuviasuklunga ingergakatigijomavaptik.

Nell. Kaisarit, idluartomik okakatigélerta.

Kan. Idluartut okautigijomatsainarpakka. Okariakarpungale inuit ikkitotuina it tamanna kuviagijoringmatsuk. Tukkekangitomik okausekaromajut pagvisártaujutigénarpakka.

Nell. Taimailingajokarmat kiksarnadlarpok, okausiksakadlarmat idluartunik amigarlungitunik, tagva Gûdemik Gûdiblo pinginik.

Kan. Nellautsimarikpok, okalaungmilangalo: Idluarkutaunersamik tussarominarnersamik nagvârtorarungnangilak. Okaromajokarpat unipkautsinik nellonartuniglônêt, tattamnartuniglonêt nellonaikutaniglônêt, tamaita nagvârpait Gûdib okausingine.

Nell. Idluarkutiksaujut okauserijomavavut, tussarominartut pinagit.

Kan. Tamannauvok okautigijara. Nakoksinaðlarpok makkoa okautigilugit, taimak unuktut illitari-niaraptigik, nunablo pingita suksaunginingit, kilaublo pingita pinarnarningit. Piluartomigle tukkisivogut nutâmik erniangogiakarapta, piniarniptingnullo piulijaujungnanginapta, Kristusiblo idluarninga nangminerilugo pijariakarapta, malliktingillo. Ama okakatigêngnermut illiniarungnarpogut kakkiialerne, okpernerlo, tuksiarnerlo, nikanarsarnerlo, assingillo unuktut sunaumangâta. Illa mattomunga angerutau-manerit manigortaunerillo Gûdib okausinginêtut illitarijungnarpavut. Amalo tukkisijungnarpogut kanok tamarnartut akkerartorlugit miksekârnerlo aulajuitillugo nellojullo ajokertorlugit.

Nell. Tamakkoa tamaita miksekârtôvut nâmagivaralo illingnit tussarapkit.

Kan. Ajoksarne tamakkoniga pitjutauvok un-

uktut tukkisingimatta okpernerub pijariakortoninganik, nâpkiningerublo sullininganik inûb ôimatingane. Illa unuktut nellomut perkojat piniartaukojanganut inôvut, kaujimanatsiartillugo tamakkotigûna piulijaujokarniatsangimat.

Nell. Okautilaurlagille illitarsinek tamakkoninga, tamatja Gûdib tunergutâ, inuglo pinasuaralloarame okakatigêngnetuinarmut pigijungnangilait.

Kan. Tamanna kaujimatsiarpara. Inuk tigusijungnangilak sumik, pângat tunnitsiviongikune. Nâpkiningermut kissiane pivut piniarnermûngitorle, tamanna okauseomavok ico ertotuinarane.

Nell. Taimaipok. Sunale okakatigêjutigijomalerpitigô?

Kan. Issumangnik. Kilak nunalonêt, inuit okausingit Gûdib okausingillonêt, ivsornaitut ivsornartullônêt, pilauktut pijomârtullônêt, nunagijavut nuna-
gingitavullônêt, tamaita okautigijomavakka, imâgle, tamât idluarukutiksaptingnut illingakovlugit.

Tamanna Nellâgôrtub tattaminiaridlarpâ, Kristianelo ingmigut arvertartovinek ablorvigivâ okauserkisarvigilugolo: Kattangutik, illakalerpoguk idluar-mariktomik, takkorngartauvok nertornartok.

Kristian kungavok.

Nell. Illitariviuk?

Kr. Illitarinersarivara nangminermanik illitarininganit.

Nell. Okautilaunga kinaumangât.

Kr. Kannekadlartôvok. Tattaminiarpunga illitaringinangne nunaptingne innekalauralloarmat.

Nell. Angutetsiangonasugivara sulle.

Kr. Taimaitônasugijauvok ilûnainut illitaringitaminut. Assine ânanaudlarpok, iglominele nangmi-

nerijamine piungitoâlôvok. Adsingoatitut ipok, kanningitomit Ananaugijauvut kannitomille nachonarput.

Nell. Okangoatuinarpotit kungadlaravit.

Kr. Okangoalungilanga, kinalônêt passijomangilara tukkekangitomik. Angut tâмна illingatit-sungnarpok nangminermirik inungnut sunatui-narnut. Kristuse inniksarsijungnangilak ômatingane, iglunganelônêt, illinganinganelônêt inukattiminut, tamaita pigijangit okanganêput, okperningalo kanne-kautigituinarpâ sakkertitsingimariklune okpernerub nellâgôrtub malliktinginik, piniarnerniglo ajungitunik.

Nell. Taimak okautigigangne kangârutigilerpara.

Kr. Nellâgut okautivagit. Okauseojok erkaringipiûk: Okaralloarput piniaratiglo. Gûdible nâlegauvinga okausetuinarnut pingilak, pitsartunermulle. Kannekadlartub tuksiarnek, kakkialernerlo, okpernerlo erniangupsârnerlo okautigigalloarpait, assiagulle attungilait okautigijungnatuinararnigit. Kemergolaukpara iglome assinelo, kaujimavungalo okausimnut mânâ okauserijamnute nellantaungmat. Ilûnaine illitarijamine kangusutiksaunasugijauvok okpertunut, tâpkalo pivlugo okarnerlôtijaukattarput mittautauvlutiglo. Pivlugo okartokarpok: Assine Engeleovok iglominele Sâtanaseovok.

Nell. Tukkisilerpunga okausekarnek piniarnerlo adsigêngimanik, mânamillo adsigêktitsomairpakka.

Kr. Adsigêtsangilâk illa. Idluartomik passijak-saungitomiglo Gûdemik kivgartornek Gûdib atâtab sângane imaipok: Illiarsuit uigarnerillo siornorningine takkojartorlugit, nangminerlo ivsornartitautailivlune sillaksoarmiunut. Tamannale Kanne-

kadlartub kamagingilâ, tussarne^k okâlanerlo kâimik pijariakarasugigamigit okpernermut, tamattomungalo tarnine nangminine uivêrivâ.

Uvloksoarme pijomârtome inuit piniarningit malliklugit erkartortaujomârput, tamanna ômame torkorlavut aulalugolo. Apperijaujomângilagut: Sumik okpilaukisê, sumiglo okalaukpisê? Apperijaujomârpo-gulle, okautsit nâletsialaungmangâptigik, tâpkoalo malliklugit erkartortaujomârpogut. Sillaksûh nagga-tiksanga ukiaktut ipok paungat nerriugijauvingatut. Paungalt kissimik nâmagijaujomârmatta, paungakangitulle egitauniarput ikkomamut kamisuitomut. Okangilanga, erkartuijub okperneonginermut pijut kuviaginiarmagit, okarpungale Kannekadlartub kigligiutsininga tukkekangimarigomârmat taipsomane. Taimaitok Paulusib taivâ sivanermik nipliajômig-lônêt, inôsekangimat okpernekangimallo nellâgôr-tomik, ômatiminelo nâpkiningsilungimat, taimai-mat illaliortaujungnangilak Gûdib kitornganginut Engeletut okâlajungnaralloarune.

Nell. Kuviagilauralloarlugo mâna merngortôtigivara. Kanok ipperarungnarpitigô?

Kr. Aivigileruk, tukkelingmik okakatigileruk okpernerub pitsartuninga pivlugo, apperiluatsiaruk piniarmangât tamakkoninga okautigijaminik. Issumavungale, ômatinga auksititaungipat ingergainak kujannârutiginiarpâtit.

Tagva Nellâgôrtub Kannekadlartok aivigingmilugo apperivâ: Kanok illingalerkêt?

Kan. Kanoengitsiarpunga. Aulartailivlutit okakatigêtsiarungnarmarigajarkauvoguk.

Nell. Pijomaguvit okakatigêtuinariakalerpoguk, agviangikuvillo pigiarlunga appertsût okakatigêjuti-

gijomajavuk imaipok : Kanok Gûdib nâpkineningninga sulliningalo sakkijarka inûb ôimatingane ?

Kan. Tukkisivunga nâpkineningnerub pitsartuninga okautigijaksarigaptigo. Appertsûteovok ajungitok kiojutigijomavaralo. Naitomik tagva avipara imâk : Sivorlermik, Gûdib nâpkineningninga inûb ôimatinganut pikpat, tagva kaggudlartokarpok ajornek pivlugo. Aipanganik—

Nell. Omât, kingorlerêklutik kemergotsiarlavut. Nakornersaunasugivara imâk : Kuinangnartokarpok ajornek pivlugo.

Kan. Itukkê, adsigêngitokalerka kaggudlartokarpallônêt kuinangnartokarpallônêt ?

Nell. Adsigêtsangilâk ! Inuk sillatumut kaggudlarungnaralloarpok ajornek pivlugo kuinagilugole pijungnarpok Gûdib nâpkineningninganut kissiane. Unuktunik kaggudlartunik ajornek pivlugo kaujilauxsimavunga, nellâgulle ajornermik ivlersilutik. Josefib angajokângata nullianga kaggudlalaupok nipperkortojomut ivsornaitôjâlerlune, taimaigalloarlunele nulliarêngnermik asseroilaukpok. Inuit ingit kaggudlarput taimak anânatut kitorngaminik serliartotut, mâna kitorngane suakpâ, tungâneluatsiarle erkisimialerpa kuniklugolo.

Kan. Tukkisilerpunga puigigamga.

Nell. Taimaingilak, miksekârnek kennituinarpara. Gûdible nâpkineningningata sakkertitsininga pivlugo okauserijomakaujat aipanganik sunauva ?

Kan. Angijomik tukkisineramik okautsit tussarnertut nellonarninginik.

Nell. Tamanna taikârsarilaukpat, sullele nellautsimarigajangilak. Tukkisinek, illa angijomik tukkisinek okautsit tussarnertut nellonarninginik pijo-

karungnarpok inûb ômatimine sâgiarkârtiñago, tar-ninga nâpkinningnermut piulijaukârtiñago. Illa ta-mainik tukkisijungnartokarungnarpok suksaunanele kitorngaunanelo Gûdemut. Kristusib illiniartine ajokertoramigit apperivait: Tukkisivisiûk? Tâpkoalo kiongmatte: Abaila, okautigannerpait: Piloridlarpose tamakkoa mallikupsigik. Kaujinek Nâleka piloringneralungilâ, mallingnerle. Tukkisinekarpok illakangitomik piniarnernik, sorlotauc kivgakarmat angajokâme pijomajanga kaujigalloarlugo mallingnagole. Tukkisinekartokarungnarpok Engeletut, aglanik kaujitsiarlune illaminiglo aglât ajokertuikattarlune sullitsaranele okpertônanelo. Kaujinek piojorijut kannekadlartullo kuviagivât, piniarnerle Gûdib nâmagivâ. Okangilanga, ômat kaujimangitok sumik idluarungnarmat. Omalle kaujimangitok sumik tâktomêtsainarpok. Kaujinekarporle tukkisinetuinarmut illingajomik, amatauc kaujinekarporle illalingmik okpernermiglo naglingnermiglo, tâpkotigûnalo inûb ômat-tinga pitsartutitauvok Gûdib pijomajanga piniarlugo ômamut tamânut. Sivorlek kannekainartut nâmagivât, okpertuble nellâgôrtub kingorlek nangminerivâ. Okartokarpok: Illisâlaunga, ivlarserkovlunga mal- ligaksaukojarunik, nâlekovlunga tamakkonunga ômamut tamânut.

Kan. Puisulerêrivotit, tamannale nakoksijauner- mut illingangilak.

Nell. Tagva assianik nâpkinningnerub sakkertita- nginik taisilerit.

Kan. Okarniangilanga, ipaksivunga tukkisijigêtsi- anginamnuk.

Nell. Taimaipat uvanga taisilerlanga.

Kan. Issumangnik.

Nell. Nâpkininegnek inûb ôimatingane sakkertitsivok imâk: Inuk tukkisitsiarkârpok ajornermik, ajornerublo sujuktitsininganik illûnarminik. Ama tukkisivok okpinginerub piungininganik, tâpsomalo pititsilerêrninganik kappianartvingmut, inuk nâpkininegnek sinajangipat Gûdeme okpernekut Jesuse Kristusemut. Tagva ajortoksônine okpingininelo kiksautigivak kangusûtigilugiglo. Mânale sillaksoarmiut Piulijingat sakkertitauvok tarninganut, taimaktauk tâpsoma pijariakortoninga inôsermullo arvertarnermullo illûnânut. Kângnermik imerungnermiglo ikpigivok Jesusemut, angernelikesôvorlo tamanna. Okperninga Piulijiminut pitsartovok, pitsakinersaunginivulle kuvasungninga ullapirsautingalo kajusiningalo ivsornailinermik. Illa killanârninga angijôvok Jesuse illitarivalliajonaavlugo kivgartoromavlugolo sillaksoarme. Taimaigalloartillugo, nâpkininegnerub sullininga ômame nâmaktoimik ipaksijaukattangilak sâgiarsimatainartomut, ajornek nippingavigingmago sulle ijfigiglo uitatsiangimanik.

Assinginulle nâpkininegnek sakkertitauvok kigligiutsinermut nellâgôrtomut. Tâpkoa kigligiutsivut inôtsemut ivsornaitomut passijaksaungitomullo okpernerninganik Jesuse Kristusemut. Ajornek zui-nautigivât iglome sillamelo illinganernungnelo taimaine. Illa kigligiutsivut okâlanetuinarinungitok takkomôrtutitut kannekadlartutitullo, kiglormulle okpernerme naglingnermelo Gûdib okausingit mallitaiarasuarlugit. Okauserijakka nâpkininegnerub sakkertitsininga pivlugo kakkiadlerutigigunge okautigiuk, taimaingipat pigiarlanga appertsorlunga aipanganik.

Kan. Kakkiadlertuksaungilanga mǎna tussartuk-satuinaugama, appertsutivít aipanga tussarlagó.

Nell. Tamakkoa okauserimajakka tukkisivigít nang-minerne, arvertarnillo kigligiutsiva tamattominga? Upvalo okpernit okausetuinauva piniarnekarane miksekáranelo? Appertsút una kiojutigileruk sorlo Gudib sǎngane, miksekángitorlo okautiginiarnago. Angijorortinermut nertornartokangilak, Nálekable nertortanga. Uivénartoksôvok okpertonerarlutit, inôsit sillalitillo illûnatik saglonarninganik kigligiutsijaria-karpatta.

Taimak appersortokarmat Kannekadlartok aupalakpok, maksoavlunele kiovoK: Tukkisinek, piniarnerlo, Gûdelo okautigilerpattit, sangunillo tamak-kununga opaluijaujutigivakka. Sorusertut kiglisiniaromavarma, uvangale kiojutiginiaromatsangilakka erkartuijôjoringimarigapkit. Okautilaungale, sôg taimak illiulerkingâ?

Nell. Takkolaurama okpernit kaujinetuinaungmat. Nellâgulle okautijomavagit, okautjaumavunga okpernit kannekautigituinarangne okauserijattillo mallingimarikangne arvertarnerne. Okpertunut kangu-nautiksatuinauvoti-gôk, tâpkoa illingnut piungiliomititautuinaromma, unuktullo uiverijaungmatta igsa-gaksarnut piungitomut.

Kan. Okautaumajut kamagigangne ingergainarlo erkartuivlutit kattalungajokulluâlovotit okakatiksau-naglo, taimaimat aksunai.

Tagva Kristian Nellâgôrtomut ablorldne okarpok: Okautilaungilagít kiglinganík? Okautsitit ikliguni-ngillo kattangajigêtsiarungnangilat. Arvertarnermine piungitok ivleriluarpâ illingnit, tainaimallo ippenganârpâtít. Aulatuinalerle, issumaminik aularmat au-

larkojariakangilavuk. Taimatsainak illinganiarune kangusutiksatuinaunajarmat uvaptingnut, Apostelelo okarmat: Taimaitut allakit.

Nell. Kuviasukpunga okakatigijungnarkaugapko imakâ sukutsiane erkarinajarpâ, taimaingipat aunganut passijaujungnangilanga.

Kr. Nâmatuinartomik pivotit nellâgut okautigangne. Nellâgôrtut nelliuniptingne akkutovut, taimaimallo inuit unuktut Kristusemiut nachogivait. Tamakkoale okauselituinait inôtsiaratik, tâpkangovut illaliortaukattaramik okpertunut sinaungajutekartitsijut, illa tâpkununga Kristusemiut nachonartitauvut, nellâgullo kennertut kiksartitauvut agviartauvlutiglo. Kanoktôk okpertut nellâgôrlit kannekatuinartunut. Taimaitut sâgiartuksauvullônêt kemaijuksauvullonêt okpertunik, taimaglo kangusûtiksaujungnailutik tâpkununga.

6. ALLIANARTUT SULLINGININGAT, NELLAGÔRNERLO TOKOMUT.

Takkorngartâk sunakajuitokut arvertariakaleramik okausekakatigêkpuk. Mattomale nâkasaulerningane Nellâgôrtok niplerpok: Kaijokalerpok. Kristian takkosarlunetauk okarpok: Tâмна illañârijara Ajokertuijok. Nellâgôrtok okarivok: Illañâriveraletaук, tâmnauvok unertôtjilauktok uvamnik upkuamut nerrokitomut. Akkuneungitok Ajokertuijok tikkivigivak okautivlugiglo: Nagliktâkka ullapirsautekaritik.

Kristian niplerpok kuviasudlarlune: Nakormêk, nakormêk tikkidlaravit, tarnima tokosuitub piloringniksanga issumagitsainarpat merngortorlungnak. Nellâgôrtoktauk niplerpok: Nakormêk illa kaigavit,

takkorngorlakulluit Ananaugidlarpât illagivlutit ingergarungnaramik.

Ajokertuijub apperivak: Kanok illivlutik ingergalerkitik mânâmût?

Tagva unipkautivâk naipilauktamingnik tamainik.

Ajokertuijub tagva okautivak: Kuviasudlarpunga, sorsugiakalauraptik kissianeungitok, sâlakalauraptigle sangêdlaralloarlutik uvlomemullo pigiaraptik apkome amitome. Pivlunga pivlutiglo kuviasukpunga. Uvanga kangasoilaukpunga, illiptik kattersoivotik uvlâcârporlo sokkosijuguptik, tamarruk, kangasoijok kattersoijorlo kuviasukatigêdlaromârmanik. Niaôt takkupârtikko, inôtsib niaôtâ sokosijuitok, tagva akpangeritik pigilugolo. Illangit akpangeralloarput, assiatale sivuliorpait nuaôt pigingâlerlugo. Aglaksimavok: Pigijarn'k repkutsitaililutit pît, niaôtiksarnik tigusijokarkonago. Sulle nokkartuksaungilatik Sâtanase sorsugvigilugo, aungmut sulle akkerartunginaptik ajornermik. Kilaub nâlegauvinga allagaigitsainartikko, takkuksaungitullo tungavigitikko kollaratik. Piluartomigle udsertoritik ômatiptingnik kajungilarninginiglo, ômat uivêrina-luarmat tamainit. Kairtotun-ileritik, pitsartunerit tamaita kilangmelo nunamelo ikajortigijungnarpatik.

Kristiab okautsit tamakkoa kujaliutigivait, okarporlo: Illagijungnaruptiguk apkutib nâlerninganut kuviagimarigajarpavuk. Okautilauktigugle nangi-anartunik sivuniptingnêtanik udsertorungnarkovluta. Nellâgôrtoz taimaluatsiak tussunekarmat Ajokertuijub okautigannerpak.

Ernikka, tussarpotik okautsine miksekârtune kik-sarnartutigut unuktutigut itteriakarapta Gûdib nâlegauvianut. Taimaimat nerriuktuksaungilatik kiksar-

nekanginermik arvertarniptingne. Mattoma mikse-kártõninga mânakullukut tukkisiluarniarpatik. Sunakajuitok una kângerkasalerêrpattik, iglogasaksoarnullo tikkiniarpotik, tagvane ômisuktut unangminiarpâtik tokotsomavlutik, nellungilangalo nelliptik kigligiutsinine nakitjutiginiarmago aungminut. Sokosijuileritigle toko tikkitlugo, tagva niakôtèmik ômanartomik tunitsiviojomârpotik. Nellitik ovane tokoniartok, aksorornermut kassilinarptomullo tokotaugalloarune, piloringnersauniarpok takkorngartakattiminit, iglogasaksuit pâne ittervigerkârniamigit, nangianartullo unuktut kemangniarpait. Iglogasaksoarnêguptik erkailârpotik uvamnik, angutausileritigle, tarnitik perkolugik Pingertitsijomut nertornartotoamut.

Sunakajuitok kângervigituaramikko iglogasaksuit Allianartollt takkovait sâmingne.

Tausendeokattalertune jârîne takkorngartat iglogasaksuit takpâne kilangme aivigivât, Sâtanasiblo Engelingillo tamanna mallugigamitsuk, kajusivut pinasuarlutiglo iglogasaksoarne ukkunane kuvianartut allianartullo sullingitut kattititauletkovlugit, apkosineâlunginelo jâre illûnât pissijaksaulerkovlugit.

Tagvanelo pissiaksaukattartut imaiput: Nertortaunerit, angijorortitsinerillo, piojorinerillo, ikligunerillo, allianartullo sunatuinait, anguniarpaktullo, Goldelo, silberelo, perkutevaksuillo sunatuinait sillaksoarmut ômunga illingajut.

Ama ovane tamât takkuksauvut imaitut: Angakonerit, uivêriklernerillo, kallâtsiat pingoarnerillo sunatuinait attortut, tânsertut, sillaitullo, arktaijullo, sunatuinauvlutik adsigêngitut.



Amatauk mâne takkuksaunginarput akkekangit-
tomik: Tigliktut, inuartullo, ajortullijullo, okauselu-
dlartullo, tamakkoa tamaita takkuksauvut pimarik-
lutik.

Iglogasaksuit ukkua kerkatigut apkut paunga
Zionemut pivok, tamaunâromanajangitorlo, sillak-
soarmit mattomangat kemâjariakarajarpok. Aglât
ânanaunerub Nâleganga nunamênermine tamaunâria-
kalaukpok, Sâtanasiblo, allianartut angajokangata
innapâ, sullingitut makkoa illainârsoanik pissiniar-
kovlugo, illa tamaita piliutigijomavait tâpsomunga
opigituarajarpago. Tessiorpâ iglogasaksuit apko-
sininginut, sillaksûblo attaniovingit ânanauningille
kemergojantipait ôktoromavlugo Nâlegaviksok su-
naungitokotiminit pissinajangimangât. Iglogasak-
suille kemakpait centetullônêt pissiniarane.

Takkorngartâk iglogasaksuit ittervigituarmagit,
inungit aulajâdlarput, nippalijâdlarlutiglo aivut tak-
kojartoromavlugik. Ânôrângit mâne attungitut piv-
lugit tattaminiarutauvut, sillaitônasugijauvullo, Kanâ-
niblo okausingit okauserivaktangit mâne kinamul-
lônêt tukkisijaungilat. Inugiartoksuit ipaksijung-
nangiluartangalle imaipok: Pissiaksat kamagingima-
rikpait, innataugamiglo pissiniarkovlugik kilangmut
arlorpuk niplerlutik: Ijikka sangutilaukiktôk suk-
saungitomit.

Mittautekarasoarmut appertsortokarpok sumik
pissiniarmangârnîk, ômamulle illuengartomut kiovuk:
Miksekârnek pissiarivavuk. Taimak okarêramik,
illûnainut mittautaulerpuk angijomik, inugiartoksuille
opakput tagvunga nippalâdlarmariklutik. Pikka-
blanek sugalulualermat, iglogasaksuit angajokângat
tukkisititauvok tamattominga, kivgakotinelo tillivait

takkorngarták pikkablajuk aijaulerkovlugik kiglisiniartaukovlugiglo. Kiglisiniarvingmut tikkimanik imák appertsortauvuk: Nakit pivitík, namungarpi-tíglo? Sunalo pivlugo taimak añorársimavitík?

Kiovuk: Takkorngartauvlunuk tujormiangovoguk nuname, tokkaviksaptingnullo paunga kilangmêtomut ingergarpoguk. Pitjutiksamik kaujimangitoguk uk-kununga iglogasaksoarmiunut, pitjutekaratigle ômigivâtiguk mittautigilunuglo. Apperijaugamnuk kis-siane imâtuinak okausekalaukpoguk: Miksekârnek pissiarivavuk.

Tamannainak nâmalerêlaukpok erkartuijut puisungnaitillugit illisimaimanik. Tagva annaudlugik akilupiamut millortaukovák parngnanairsorlugiglo inugiartoksoarnut takkuksauvlutik. Tagvane inuit mittautigênalerpakit, takkorngartáglo kenuepuk, okarnerlôtjaugamiglo okarnerlôtingilait, kiglormulle saimarpait pitsiarvigilugillo. Tagva angutit illainangit ômisungnermut illumertaumaringitut takkorngarták kenuersârnigingnik takkogamik tattaminiarput, kassêtoksuillo agviarasuarpait takkorngartáglo serngnigilugik. Okarput: Angutik ukkua nellâgôr-lutik ullapirsautekarpuk, kinalônêt idluitullivigilâk. Akkunnaptingnêtokarporle pitlaraksauluartunik tâpkunangat. Iglogasaksoarmiut ningaumajâdlarlutik kiovut. Illipse sagvangitokut illagivaluk-passe. Akkuneungitorlo pâjaktigêkput, illakemanerlo angijôvok. Tagva takkorngarták ama nutâmik sakkerkojauvuk erkartuijut sângine, pikkablanerlo pivlugik pigialaungmat, tagva kissimik passijauvuk. Taimaimat nâpkigosujuitlutik annaulerpakit kellaum-gujanut kellaksorlugik, iglogasaksuillo apkosiningine takkojautillugik igsagaksamut illimanadlartomut.

Takkorngartågle taimak illiorviogalloarlutik nikka-narsârpuk kenuersârmariklutik, aglât taimak angigtigijomik, ômigijingita illangita unuktokasait piniarningingnut kibliktauvlutik illagingâler matsuk. Tamattomunga izugiartoksuit ningartitaumarilerivut, erkartuijullo kajusilerput takkorngartâk tokojomavlugik. Uttertitauvlutik parngnanairsimavingmut uttak kikoja uvuk erkartuiner mik.

Mâne Ajokertuijub okausingit erkaumavait nellautaititaumatsiartut, mattomungalo okperningâk nakoksititauvok. Kollarnangitomiglo tukkisilerpuk nelliak tokojariakarniarmat ovane. Tagva manigortitigêk-puk, ovane tokojuksak piloringnersauniarmat aipaminit, nelliaglo sagvangitokut tussuluarpok taimak illiorvionerminik. Aulatsijotôjub illingatitsininga nâmaksintigilugo kenuersârpuk, illingatitauniarnitik uttakkiutigilugo sivôranatik.

Kautualermimat âtauvuk erkartuivingmut kiglisiinartaukovlugik. Tagvane passijauvuk ômisungnermut pikkablanermullo ullapitsilaungmanik iglogasaksoarmiunik, tâpkoalo illangit aglât sangutillugit issumanginut piungitunut, attaniub perkojangata akkerartôtiksanganut.

Tagva Nellâgôrtub kiovait okautilugillo: Suna akkerartorpat ajugakangitomik, tamanna kissime akkerartorvigivara. Pikkablajôlungilanga, ullapitsijôlungnangalo, anguteogama ullapirsautelingmik. Sangusimajokarpat uvaptingnut tagva passijaksau-nginipitingnut sangutitauvok, piunginerlo kemaklugo idluarne k sâvigituinarpâ. Attanise ômisukteongmat Nâlegaptingnik, tagva tâmna kivgakotingillo makojugivakka nachogivakkalo.

Mattoma tungâne kaigarsuktokarpok kiglgiutsijo-

kangimangât takkorngartak piniarnelungningnik. Pingasut tagva sakkerput: Anerutsijok, Okperluktorlo, Nellangaitorlo.

Anerutsijok nikkovidlune kigligiutsivok: Angut una attekarakalloarlune ânanâmik piunginerpângovok nunaptingne. Attanivullônêt, inugiaroksuillonêt, perkojallonêt, illutsillonêt erkaringilait, katsungailunele pinasuarpoꝛ inuit sâtitsomavlugit nangminermirut, issumaminullo piungitunut. Tussalaukpunga okartilugo: Okpernek, iglogasaksoarmiullo piusingit illagêgungnangimarikput. Tamattomûnale piuserijavut erkartorpait kissianeungitok, erkartorpâtigulletauꝛ.

Anerutsijok taimak okarêrame ingigiartorpok, Okperluktorlo nikkovipok kigligiutsilunelo: Angut una angijomik illitarilungitara, tussugilungnagolo taimak. Tamannale kaujimatsiarpara, iglogasaksoaptingnut kanimasertut nusilingnartotut ingmat. Mânaukamek okakatigivara, kivgartornivullo Gûdemik suksaunginerarpâ okarlune: Mattomunga Gûdeme nâmagijaujungnangilase. Okautsit tâpkoa malliklugit illûnata erkartortauvogut, opigosungnivut suksaunginerartaungmat ajorniptingnênerartaugapta sulle. Tamanna kigligiutigijomakauvara.

Tagva Nellangaitok nangeriartorpok kigligiutsilunelo: Inuk una illitaritsiarpara, kaujimavaralo piniarnekarimat nâmagijaujungnangitunik. Attanivut Sâtanase okarnerlôtigiva, kivgangillo tamaita nachogivait. Iktoriktaidlarlune okarmarilaukpok: iglogasaksoarmiut illûnaita nangminermirut issumakarunik, illipse illûnase kenugijaunajarpose tamângat. Igvillo, mâna erkartortine, uivêtônerarpâtit assianiglo piungitunik atserarlutit.

Erkartuijub tagva parngnanairsortaumajok sâvigi-lugo okautivâ: Kattaksimajotit kattalungajotillo uivêriklerteojotit, tussarkêt tapkoa idluartut kigligiutsininginik?

Nellâgôrtub okautivâ: Passijaksaunginimnut okausegalakarkovissingâ?

Erkartuijuble ningadlarlune kiovâ? Uivêtotit, inôkojaujuksaujungnairpotillônêt mânaluatsiak tokojussaunajaralloarpotit, kamangitsertornerale takkuksaulerkovlugo illûnainut, okauserijomajattit tussartaulit.

Nellâgôrtok tagva illungertorlune ullapirsautekarlunele kigligiutsivok imâk: Anerutsijub passiklerninga pivlugo kiojungnarpunga, okautilaurapko: Perkojat illutsillonêt Gûdib okausingit akkerartorvigigunigit, tagva apôtiluatsiarput Kristusemiut okperninganut. Tamanna nellautsingipat tukkisititaulanga, tagva kunulungilanga, okausikka sagvartome uttertsomavlugit. Okperluktok okautilaukpara: Okpernekut nellâgôrtokut kissiane Gûde opigijungnarpavut, tâmnalo Gûdib kissime sakkertitsungnarpâ inûb ômatingane. Tamaitale assingit, okperlungnerillo, inûblo issumanganut senamatuinartut piloriktitsijungnangilat, inôtsemiglo naksaungitomik kaitsijungnangilat.

Nellangaitorlo okautilaukpara: Iglogasaksuit attaningat, kivgangillo tamaita, erkartuijorlo sâptingnêtok kappianartovingmut illingatitaujuksaungâramik iglogasaksoarnit makkonangat. Nâlegarle Gûdiga nâpkigilaunga.

Tagva erkartuijub kaggimiojut sâvigihugit okautivait: Angut una takkojase pikkablaneâlungmik senajovinek iglogasaksuit ukkua akkorngane. Angutit idluartut kigligiutsiningat tussarpasetauk, tagva

kanok illioraksarivitigo? Tokotaksauneraraksarivitigo, passijaksaungineraraksarivitigolônêt?

Tagva kaggimiojut angajudlingat Takpêtomik attelik okarkârpok: Kattalunganinga taututsiarpara. Ajortok niplerpok: Pêrsiuk nunamit. Kassêtok okarpok: Itukkê, aglât tautua ômigivara. Ikliguktok niplerpok: Kuinautigitsainalaukpara. Uvangalo, Piaktok okarpok, apkutigijakka erkartutsainarmagit. Kimiksiuk, kimiksiuk Ningartok niplerpok. Piojoriorlo okarpok: Angutelugasâluk una. Nâpkigosujituble kaujitinasuarpait kimingnek ânianangiluadlaramat. Tâksiortub tukkisitipait adsigênik issumakaramik ingergainak tokotsininganut pigiariakatui-narlutik.

Nellâgullo Nellâgôrtok erkartortauvok, tokotaksa-ngonerartauvok. Parngnanairsimavingmut utterti-taungmat, kaggimiojut issumajâtuinarput kanok âni-analuartomik tokotaujuksaumangât. Tuavi kajusivut. Erkartortaujok iglogasaksuit sillatânut tessiortauvok, annaujaukârlune savingnut kappijauvok, tokomullo millortauvlune ujarkanut. Timinga aviktauvok saviksoarnut ikkomamullo nungutauvlune.

Inugiartoksuit, Nellâgôrtub tokotauninganik takkojartorsimajut kollâtigut, Kristiab kamutit ikkomalît horsillo ikkomalît takkovait, ômisuktullo inuarêrmatsuk, inôjungnaitub tarninga piulijaujok tiptulau-sijartunut kongmuartitauvok nuvujatigut paunga kilaub ittertarvianut.

Kristian parngnanairsimavingmut uttertitauvok, annikitotuinarbigle tagvanêrkârlune sularkojauvok unangmijaujungnaidlune. Taimak Nâlekab anlatsijotôjub tamainik ômisuktut ningarningat avlartipâ sorairkolâllo idluarijaminik.

Kristian tagva aularpok tuksiarlune :

Kivgaujotit nertornadlartotit
Sorsungnerme erksitailivotit.
Okpernit miklilertitaungitok
Kiksarnartunele pivaliavok.
Tokolerpâtit ômigosomeut
Inôvotille naksauungitomeut.

7. KRISTIAN ILLAKSARSIGIVOK NUTÂMIK IKAJORTIGÊLERPUGLO.

Kristiab kenuersârninga mittautauernine unang-
mijaunermine, Nellâgôrtublo kigligiutsininga tokub
kiglingane nellunaititsivok pitsartunermik inugiartok-
suit kaujimangitanganik. Sorlolo tokotaujut Kris-
tuse pivlugo pitjutauntsainalaungmatta Kristusemiut
unuksivallianinginut, taimaktauk unuktut sâgiarti-
tauvut Nâlekameut, Nellâgôrtub tokotauninganik
pitjutekarlutik. Taimaimat Kristian aularame iglo-
gasaksoarnit inotôlaungilak, Nerriuktorle illagivâ
illanârêlerpuglo angerkatigêklutik ikajortigêgoma-
nermik. Nerriuktuble okautivâtauk mânâgulakut
unuktunut malliktauniarmanik.

Angumik takkovuk sivunerminegne mânakut angu-
niartamingnik. Apperivâglo : Nakit pivêt, namullo
ingergarkêt ?

Kiovok : Iglogasaksoarnit Okauseliksôjunit pivu-
nga, Zionemullo kilangmêtomut ingergarpunga.

Kristiab apperivâ : Nulliakarkêt ?

Kiovok : Ahaila, nulliakarpunga illusitsiaridlar-
tomik. Taimaimat adsigêktomik illinganekarungnar-
pok illônainut naipitaminut aklumangâta akluma-
ngâatalonêt, aulatsijômangâta kivgaumangâatalonêt,
tautualo pinarnatsainarmat nâmagijauvok inungnut

illûnainut. Aiparale uvangalo Kristusemiunut illingajomagalloarlunuk kateungailuarlungilaguk, illainârsungineletauk kissiane. Agorlungilaguk nane kikunelonêt apôtijomangimut, Kristusemiullo kateungaitomik illagivavuk okkomingnartillugo, illa sior-niornangituarmat.

Kristiab Nerruktok sâvigivâ okauserkisarvigilugolo: Tammangikuma una illavuk Pingitsertortôvok, pivok Okauseliksôjomit. Taimnaugune piolungitomik illakalerpoguk.

Nerriktub tagva okautiva: Apperituinaruk, attine nangminerijane kangusâtigijaksaringimago.

Tagva Kristiab angut una sâvigilugo okautivâ: Okausekarpotit sillaksoarmiunit illûnainit illisimaluartotut. Taimaimat illitarinasugivagit, Pingitsertortomiglo taijaukattangilatit?

Kuviasugane kiovok: Tâmma atterilungilara, mit-tautauunermulle taimak atserartauvunga, idluartutitullo sivunimne inôlauktutitut kennersârutigivara.

Kr. Atserartaunermut omunga inuit pitjutiksarsilaungilât illingne?

Kiovok: Mattomunga pitjutiksarsilautsangilat uvamne. Piungitjutigijungnarajartangat tamannauvok: Idluarijaujok inungnut idluaritsainarapkotauk taimaglo sullitsiangerarlunga.

Kr. Issumagijara tussaromagungne tagva okautijariakarpagit attermut omunga nellautauasugigapkit.

Ping. Taimainasugivarma ajornamat, sullele tuk-kisiniarpotit illaksaugama idluartok.

Kr. Illagijomaguptigugle tagva agornartillugo ingergariakarpotit, illa Kristuse attavigênariakarpat kiksarnartutigut kuvianartutigullo.

Ping. Illingnut okumaiksartaujomangilanga, nâle-

garilunginapkit okpernimnut. Issumamnik pituinarlanga tagva illagijomavagit.

Kr. Ablornermik sulle attautsemiglônêt illagijomairpaptigit uvaptitut piniaromangikuvit.

Ping. Kiglinganit tungagijakka ipperarniatsangilakka kanoelugatik sullitsialuarkattarmatta. Illip-tingnut illaukojaunginama, sivornganetut inotônialerpunga angujaukÂrtinanga uvamnik nâmaksiute-lingmut.

Pingitsertortok kemaktautuarmat Kristianemut Nerriuktomullo, ahâk angujauvok angutunut pingasunut imâk attelingnut: Pijomatojok, Nâmaksijui-
torlo, Aituitailijorlo. Tapkoa Pingitsertortok takkotuarmatsuk sallutipât kuviasuklutik illitarksi jigêklutiglo.

Tagva Pijomatojok appertsorlune okarpok: Kikuk ukkua sivuniptingnêtuk? Kristian Nerriuktorlo kanningilungitome pissungmanik.


Pingitsertortok kiovok: Nunamit kannilungitomit pivuk, ingmigôlingamariktuniglo piusekarpuk arvertarnermingne.

Nâmaksijuitok niplerpok: Sôgle uvaptingnik uttakkingilâk illûnata takkorngartaugalloarapta?

Pingitsertortok kiovok: Taimaipok, angutille ukkua katsungailuadlarput, issumagijatik kissimik tungagijomavait assitigle issumangit suksaringilait, idluarnerpaujorlônêt pijomajamingnut angingituarpâ tagva ipperarpât.

Tagva Aituitailijok okarpok: Tamanna sinaungavok, atuarsivogullo inuit illangit katsungailuarnermingnut idluarsiluarnerningnullo tamaita naipitatik erkartormagit, nangminerninigle erkartorniaratik. Sunamulle apôtilaukise?





MICROCOPY RESOLUTION TEST CHART
NATIONAL BUREAU OF STANDARDS
STANDARD REFERENCE MATERIAL 1010a
(ANSI and ISO TEST CHART No. 2)

Pingitsertortok kioʋok: Tāpkoa issumatanangit malliklugit agornartut agviartullo akkerartortautsainariakarpūt, uvangale okkomingnartillugo agviartokarungnaitillugo sivumuangārpunga. Tapkoa tamaita ipperaromavait Jesuse pivlugo, uvangale tamaita attorasuarpakka inōsima atsungertitaujutiksanganut pijariakartanginullo. Okpervigijangit tungagimarikpait inungnut illānainut akkerartortaugalloarunik. Uvangale Kristuse okausingillo ungagivakka malliklugillo illinganime nuname pivalliajutigijungnarupkit kissiane.

Tagva Pijomotojok niplerpok: Ullapitauniarnak illānāra, tamakkoa sillaitōvut piulijungnarajartaminik assioijut. Sillatutsialerta kuglugiangojārtutitut. Anjame kissiane nuna perorsianik sakkertitsivok. Gūde sillalukojivok sekinerarkojilunelo. Sillaimut sillaluksioromagunik issumamingnik pivuk sillakinerle utakkiutigijomavavut. Okartuksauvunga, kivgartornek Gūdemik nāmagivara, tāpsoma tunijangit timiptingnut illingajut piulijungnarupkit. Gūdib tunitsivigivātigut nunab perkutinginik, okauseongilarlo nertornautānut kissiane attoraksarigaptigik. Abraha Salomolo akluilaukpuk Gūdemik kivgartorallorlutik, Hiobelo okarpok, idluartok Golde komergotiginiarmago saniktitut. Taimainiarasuartunele angutitut ukkutitunak itsominarlungilak.

Nāmakaijuitok niplerpok: Nellāgt okarpoit taimaitsominalungimat illa, adsigēmigle issumakarapta okausekautigijariakarungnaipavut.

Pingitsertortuble sulle anginersamik tukkisinarti-
tsomavlugo okautivait: Kattangutikka, agviangi-
kupse appertsolauranga sulle imāk: Idluitulineova
inūk timib piksangit pitjutigivlugit okpertōnasualer-

pat, assiagut pijungnanginamigit, katsungaitomik okpertôjâlernerminut kissiane, inuk taimailiorlune sulle nellâgôrajarka?

Nâmaksijuitok kuviasukpok issumagijane tungagikattartanelo sakkertitsungnalermagit, taimaimat kiovox: Appertsûtivît tukkinga ipaksitsiarmarilerapko, nellonangitomik tunganartomiglo kiciunga sappingilanga. Tagga angut nertornartok, timekut piloringnersauniarasugigame illaliortaujomavok okpertut illagêngninginut, killanârnermigle Gûdib okausinginik taisingârtuinarlune. Tamanna idluitulineonasugingimarikpara, idluartomik, tagva nunab mattoma perkutinginik pinasuatuinarmat, nangminerlo idluarsititaujomavlune, okpertut illagêngninginut illaliortaujomagame. Illainanganik taisivunga, taimaitokadlarporle unuktunik, illûnatik idluakutiksamut pivalliajutiksamullo illingajut. Kia tagva tamanna idluigijungnarajarkaûk?

Illûnatik Nâmaksijuitub okausingit nâmagidlar-pait. Akkerartortaujungnarkôtsangimattalo, Kristianelo Nerriuktorlo atuinaungmanik sulle, akpangervigivak, Pijomatujublo tamakkoa tamaita okauservait tâpkungnunga, sâlakarniarnerningnik kollaratik.

Kristiab tamaita tussarêramigit kiovait: Pigiati-nartub okpernerme nellâgôrtome, appertsûtit tausedit taimaitut kiojutigijungnarpait. Kristuse malliktaujuksaungilak kakkôjak pivlugo. Tamanna sakkijâtsiadlarmat tagva kuinangnadlarpok tâmna passijaugêkutigilugo pinasuarnerne nunab pinginik. Nellojut, takkomôrtullo, Sâtanasillo, angakoillo kissimik taimak issumakarungnalauksimavut.

Ipkoa nellojut Hemorekut Sichemekullo Patriarchib Jakob paninga nergjutekotingillo pijomavait. Assia-

gulle pigijungnanginamigit kippijaunekut kissiane, tagva ingergainak kippisinasualerput. Jakob paninga nergjutingillo kissimik pijomavlugit, okpernerle Gûdemut Gûdetôjomut kujannarutigivât. (1 Mose 34. 20-24.)

Farisâerit takkomortut taimatsainak illingalaurivut. Takkijunik tuksiarutsinik tuksiarutsomavlugit okarput, uigarnerrille pingit nungupait. Tamanna pivlugo pitlartaunersaujomârput.

Judase, Nâlekab Sâtanaseonerartanga taimatsainak issumakalaukpok. Okpilaukpok ikpiarsuk nangmartane pivlugo, ipperartauvorle, illingatitauvlune asserornartomut.

Taimaktauk Simon angakok Anernermik Ajunginermik pissiniaromalaukpok akluititaujomamut, Petrusible nâmatuinarptomik kiolaukpâ sugialerlugo.

Kristian okarannerpok: Taimaimat okpertuksaungunga, angut Kristusemik illaliortok nunab pingit pivlugit, Kristusemik ipperainiarmattauk tâpkoatsainait pivlugit. Taimaimat angerungnartok okautsinut okauserijapsingnut, tamakkoalo tungagilugit inôtseme arvertarnermelo, tâmna sulle nellojôvok, takkomôrlunelo, nellangaidlunelo, akkiorviojomârporlo piniarningit malliklugit.

Taimak kiojaugamik koaksângajutitut tautukati-gêlerput, okautsemigle attautsemiglônêt kiojungnaratik. Nerriuktub Kristiab okausingit nâmagimarikpait, taipkoale sittamat kangusuktitaugamik, sukainer-samik pissukput inotôjomanersaulermigamik.

Tagva Nerriuktok okarpok Kristianemut: Angutit ukkua nippangeriakalerêmanta inuit sannetuinaît sângine, kanok tagva nangerungnaromârkât Gûdib sângane tâmna ikkomaungmat nungutsijoksoak?

Kristian illañârijane Nerriuktok illagalugo sivu-
muarpuk inotôlermitlutik, mânakullo tikkipuk nater-
namut merngoerserviksaujomut, tagvanelo kuvasung-
nermut kibliktaumarilerpuk. Ittertarviane kakkâ-
rulakarpok killâlulingmik silberetalingmik. Tak-
korngartat unuktut sivorngagut ovûnâlauktut ueri-
sartauvut tâpsomunga killâlloanullo kanilualermatta
tullerârvingat sittorpok taununga, killâlungmullo
assiotlutik. Assingit tamâne taimak sugaluktigijo-
mik tussiaktitauvut, inôsitik nâlerninganut nukketâ-
tsiarungnairamik. Mattoma killâlub silberetaliub
nellâne, apkosiniub Zionemut illingajub kanitangane,
Demase nangerpok kângertullo innapait.

Tâpsomalo takkorngartâk niplervigivâk: Kaileritik,
takkotitsijomavunga sumik illiptingnut.

Kristiab kiovlugo okautivâ: Sunamik? Pitjutik-
sauva apkut Zionemut illingajok kemaklugo?

Demase kioвок: Killâlôvok silberetalik, inuillo
perkutevaksoarnik kennertut. Mâne siorniorlugatik
akluititsungnarpotik nangminiptingnik.

Nerriuktok kajungerpok nippinga nâlagomavlugo,
Kristiable nunab mattoma nangianadlarninga kauji-
mavâ, Nerriuktorlo okautivâ: Perkutevaksuit mik-
kigiatsuinauvut, tamakkoningalo kennertut, tokkavik-
samut paunga killangmêtomut tikkiniangilat. De-
maselo sâvigilugo apperivâ: Apkut una nangiana-
dlangilâk? Takkorngartat unuktut kanoetomut tik-
kitaulaungilât?

Demase aupallakpok, kiovlunele: Udsertoruvit ka-
noeniangilatit.

Kristiab okautivâ: Ablornermik attautsemiglônêt
kanigiaromangilavuk, apkotiptingnêtuinalerluk. De-
masele soraingimat okantsinut cerisarlugik tagva

Kristiab okautivâ katsungaidlune: Demase, ômisuk-teovotit Nâleka apkutigijanginik, kattangnillo pivlugo erkartortaulerêrpotit, sôg tamattomungatsainak kattaktitsomavitigûk?

Demase kiovok: Taimaingilak, kattangutigivaptigille, utakkigalalauritik illaginiarpaptik.

Kristiab apperivâ: Kinauvêt? Demaseungilatit?

Kiovok: Tamnauvunga, Abrahable ernerivânga.

Kr. Illitaritsiarpagit, Gehasimik atâtatsiakalaupotit, Judaselo atâtagivat, tâpkoalo tumingine mallitsiarpotit. Okautsitit nivêriklernênauvut. Atatait kimilaukpok taimaituksangivotit.

Taimak okarêrtillugo Pingitsertortok illangillo sakkerput, Demasiblo nulloriarvigituarmagit illuêngarlutik mallikpât. Nettekangitomut kattangmangâta, akkarmangâtalônêt perkutevaksuit kennerlugit, pujormullônêt ippimangâta — kaujimangilanga, illûnatigle apkut Zionemut torârtok tullerârvigijungnairpât.

Natternaub kiglingane apkutib sinâne nellonaikutakarpok. Takkorngartak kemergovak akkunit tukkinga nagvârungnarnago. Kollânele nagvârsinalerpuk okautsinik itsaksoarme aglaktaumajunik sakki-jâtsiarungnaitunik. Kemergotsiarmagit ahâk imai-put: Lotib nullianga erkarisiuk! Mânalo illitarilerpak nappajôngmat tarriok, Lotib nulliangata ablat-sangorvigilauktanga, ômamut killanârtomut Sodoma keviarvigingmago.

Kristian tagva sajuklune niplerpok: Kattangutik, kattangutik, Demase mallilauruptigo sorlo pijomagavit, ôtunaluatsiak nellonaikutarmut kaiblarnartomut ablatsangortitaunajalaukpoguk.

Nerriuktok kangusuklune okarpok: Tammarneri-

jara tukkisilerpara, Nálekablo nâpkigosungniaga nakorijaksauvok mallerkongimanga ômatima ikliguninginik, pitlalungimanga arnamit ômangat pitlaraksaunginersaunanga.

Kr. Mâne takkojavuk ômatiptingnut nênerlavuk. Arnak una kemâvok pitlartaunermik Sodomame nungutaulaungimat, nâmangitorle ungagiluarmago pitlartauvok sulle sillatâne, nappajomut ablatsangor-titaulerlune.

Nerr. Taimaipok. Igsagaksauninga kaiblarnartok Gûdib pitlarninginik erkaumatsainarlavuk, sorlotauk Kora, Datan, Abiramelo illagijangillo ajorningine nungutaulaungmatta. Kanorle Demase illangillo kennerungnarkât perkutevaksoarnik, arnak una perkutiminut keviatuinarlune pitlartaulaungmat? Nel-lonaikutarlo una takkojariakarpât tamaunga takko-satuarunik.

Kr. Nellâgut tattaminiaraksauvok. Omatigut sittititaumarilerput, tiglênartut adsigivait, erkartui-jub takkoane kimivigijaksangatalônêt attâne tig-likut.

Sodomamiut pivlugit okauseovok angijcmik ajor-tulilaungmatta Nálekab sangane. Sivorngagut angijomik pitsiarviodlalauput Nálekamut, nunangat asserortaukârtinago, Nálekab perorsevingatut îlaungmat. Taimaimat ningausinga tâpkununga erksinar-marilaupok, ikkomamik orksorumiglo sillalukojingmat. Taimaktauk illûnaita ig-sagaksakatsiaralloarlutik kaiblarnartunik pigannituinartulle ajornermingne pitlartaunersaujomârput.

Nerr. Nâpkinineovok illa pitlartaulunginamnuk. Sorairata Gûde kujagijomavavuk, Lotiblo nullianga erkaritsainarlugo.

8. KUVIASUNGNERSOAK, TAMMARNERLO OKUMAITOK.

Mána apkut kôb ânanaudlartub sinâgut pivok, kôk imalik inôgutelingmik. Tagvangat takkorngartavut imikattarpuk nakoksijauvlutiglo. Kôb sinâne iglotut nappârtokarpok sunatuinarnik paungalingnik, tâpkoa nerkiksarilugit millukattangillo âniasiûtigivait. Naternakarporlo perotsiatalingmik ânanaujunik, tamânelo merngoerserungnatsiarpuk ullapirsautekarlutik. Tuppakamik paungat kattersorpait nappârtunit imerlutiglo kôngmit imermik inôgutelingmik.

Kuvasuklutik nakoksijauvlutiglo sivumuarasuarivuk. Mânale apkutib manêdlarninganut pijarnênersauvalliavok, taimaktauk kôk kaninginerauvaliakattaavok, tamana takkorngartak mallugiyak kiksarlutik, illa sinaungaksarlutik aglât. Tukksisâlerpuglo apkutib saumiane naternakarmat iviksukatalingmik ikautekarninganiglo tagvunga. Kristian tagva okarpok : Naternak una apkutib sinâgut pitsainarpat ikârvigilaurlavuk. Ikaumullo tuttilune apkutekullungmik takkovok, apkutemariub kanitangagut pitsainarkôrtomik. Tagva Kristiab Nerriuktok okautivâ : Tamauna pissutsiarnersauniarpoguk, tamaunâlaurluk.

Nerriuktok kiovok : Kanorle una apkutekulluk asserkoniarpat apkotigijaksarijaptingnik ?

Kr. Taimainialungilak, takkuit apkutemariub seniagôtsainarpok.

Tagva apkutekullungmut ablorlutik pissutsiarnersaugalloarpuk, sivunermingnelo angumik takkovuk niplervigivâglo : Apkutekulluk una namungarkâ ?

Kioвок nokkarane: Paunga Zionemut.

Tagva Kristiab kувiasuklune Nerriuktok okautivâ: Tautugit, taimak okautilaungilagît? Nakudlarpok apkomênivuk idluartome tukkisileraptigo.

Sivorlerijatik mallikpak siardleratik. Unuanglermalle tâksilerpok angijomik, sivorlerijatiglo tautugungnaipak. Kakkillâdlalerpugle mattoma tungâne kattangninga ittijomut tussaleramikko. Niplerviginasualerpâglo kiojaunatigle, tokolertub âlaninga kissiat tussarpâk.

Tagva Nerriuktok koaksârlune okarpok: Nanêlerkinuk? Kristianele kangusumut kiojungnangilak. Mânaluateiarle sillalugiadlarpok kalludlarlunelo kumalakpok silla ningarmarilerlune.

Nerriuktok anersaumivlune okarpok: Apkomêtuarajalaurumnugletôk!

Kr. Kia malluginajarkauk apkutib ôma tamarnar tomut tessiorasuarmattiguk?

Nerr. Kiglinganit ânanaugilaungilara, taimaglo okalaupunga. Sullele akkerartoromalaungilagit angajugigapkit.

Okautsit tamakkoa Kristiab angijomik kiksautigivait, okarporlo: Kattangutik, ningarviginiarnangatôk, kiksautigidlarpara apkomit apkutetôjomit nangianar tomut ômunga tessiudlarapkit. Issumagijungnaivigilaunga, nellâgut idluitulivigijomalaungilagit.

Nerr. Ullapitauniarnak kallangutik, issumavigijungnaipagit, okperpungalo tamarnivuk idluakutiksaptingnut aglât illinganiarmat.

Mattomunga Kristian manigortauvok, Nerriuktorlo okautivâ: Nâpkigosukpotit. Tamânele nokkanguksaunginamnuk utterasualaurluk. Utterasuaramigle nippemik tussarpuk imailijomik: Omatitik

torártitikko apkomut ákitaumajomut, apkosinermullo arvertarvigilauktaptingnut.

Sillalugle imerlo pivalliavuk, apkullo nangianar-simarilerpok. Tagva Kristian niplerpok: Apkut idluartok ipperarlugo okinersaudlarpok utterviginiar-milugonit. Taimaigalloartillugo, tármullo imaksoa-karninganullo nangiar-marikattaralloarlutik katsungaipuk utteromavlutik.

Pinasuarningak ikaut tikkivigilugo unuar-me taip-somane sullingilak. Nachváleramigle siniktarvekul-lungmik, kajusilerpok tagvane uvlotsiarilugo kikaromavlutik. Merngortormarileramik sinigiadlarpuk ittijomik.

Mattoma kanitangane igloálukarpok inukpalingmik Kevititsijomik attelingmik, tápsomalo nunangane perkutingane takkorngarták mána siniktalerpok.

Kautu^ulermat inukpak makkipok, kemergojartor-lunelo .nakotiminik akkuneungitorlo takkorngarták siniktuk naipipak.

Nippersoarminut niplervigivak: Kinauvitik? Sulerkitiglo tamáne nunakotimne?

Sajuklutik ijitik uitarpait okarlutiglo: Takkorngartauvoguk apkutiptingniglo tamaivoguk.

Inukpak: Nunamnut ittádlarpotik uvamniglo mal-liktuksauvotik.

Takkordlimautekaramik pitsartuneksarsingilak pitsartujoksoak akkerartorvigilugo. Tápsomale ingnesarpak sâmine, igloálungmullo Kollarvingmik taijamut tikkimatta egipak innemut ipektojomut tád-lar-tomullo, tagvungalo parngnanairsorpak.

Máne inangalerpok uvlut sittamat návlugit nerkik-sakaratik imiksakarutiglo. Kaumaviongilák, apperijartortokangilak kanok illingamanganik. Kristian



manigortajur nangilak attaniotininga taimak kappianartigijumik malliktekalermat.

Uvlut telimangane inukpaub aivigivak anauler-paglo anautamut taimak sugaluktigijomik aulajar-ungnarungnairamik. Parngnanairsormilugiglo kemak-pak. Uvlub tungaliane ama aivigivak takkogami-giglo sulle aniadlarmanik attanertulerpak savingmu-lonet aklunamullonêt imermullonet tokonartomut tokotsilerkovlugik 1 ngminermi onik, aniajuksauni-tik sorailerkovlugit, tamangat 1 ngalonêt annerko-niangimaringmagik. Kenunasualerpuk aularkojau-jomavlutik, Loevetulle nippekalerlune pâpâk tokona-jarpaglo aggamin nukkêrutinajalaungikune.

Inukpak aularmat, Kristian pigiarlune okarpok: Sumik piniartuksauvinuk? Mâna ogguarnadlartomik inôvoguk. Nakornersaungilâk ingergainak toko-tuinarlune inônermit taimaitomît? Inôuajalaungiku-matôk. Sôg tokolaungilanga erniangokârnanga? Illuvek ananaugiluarpara parngnanairsimavingmit ômangat. Inukpak aniatitsijuksauva sulle uvap-tingnik?

Nerr. Taimaigalloarpok sorlo okaravit, tamanna illinganivuk mana kappianadlarpok, tokolo piulik-lerungnartok tagvangat kuviagituinarajarpavuk. Nâ-legarle okarpok: Inuartuksaungilatit. Assiminigle tokotsijok timetuinarmik tokotsivok, nangminermi-nigle tokotsijok timemik tarnemiglo tokotsivok. Illuviub ananauninga okauserivat, kappianartovigle inuartut iningat puigcxiuk? Aglaksimangilâk: Kaujimavose inuartok inôsekarungnangimat nungu-suitomik?

Amatauk takkuksauvok inukpak tunitsiviolungi-mat pitsartunernik tamainik, assivut, uvaptituluatsiak

illingalaukârlutik aulalaurivut. Imaka Gûdib pingor-titsijub tamainik tokokoniarpallukpâ, upvalo uvlut illangane puigorniarpok upkuak parngnanairsorlugo, upvalo nukkerutiniarpok sâptingne avatine attorungnarungnailugit. Tamattominga piniajararmipat katsungaitomik ôktoromavunga aularnialerlunga. Nagliktara kattangutik annikituinartomik sulle utakilerluk, imaka mânakullukut piulijauniarpoguk. Nangminiptingnigle inuangituarumnuk.

Ununasualermimat inukpak kaigivok takkojartoromavlune okausinga attanertuininga malliktaumangât. Serlaugalloak inôjunik sulle naipitsivok, kângmut, imerungnermullo, âniamullo inniksamingne salumaitome tâktomelo annerterijungnarungnaikasa-leramik. Ningarvigimarilerpâgle ama, okautivaglo, attanertuininga nachogilermakko piungiluartomik il-linganekarnialernigingnik sivornganemit.

Okautsit tâpkoa tussarpait sajuklutik, Kristiablo issumairsiutigivait. Tuppalermigame okauseripsarpâ nakornersaunajangimangât nangminerninik tokotsipantik. Nerriuktuble manigorpâ okautilugolo: Kattangutik, erkaituinaleurit sôngodlalaurnernik. Sâtanasis Engelinga sâlakarungnalaungilak illingnik, kappianartut naksame tokub tachaliningane nukkerutilaukput sângne, mânale kevituksaumarilerkêt? Illiktut illiorviongilanga? Illiktuluatsiak ânertau-ngilangâ? Uvangatauk nerringilanga imingilangalônêt, ingijariakarpungalo tâktome illiktut. Kêtamik kenuersâlaurluk sulle! Angutaudlalaupotit iglogasaksoarne Allianartolingne. Taipsomane kellaum-gujat parngnanairsimaviglônêt tokolonêt erksigilaungilattit, kangunadlarmêk tagva mâna kevitsomana-jaruvit.

Kautualermimat inukpak sakkerivok, tessiorpaglo igloâlub sanganut, tagvane niakovinekarpok sauner-niglo kittiksaungitunik. Okautivaglo: Ukkua tak-korngartaulaukput illiptiktut nunamnut ittârsimav-lutik, allilaukpakkalo pijomatuarama. Uvlut ikkitut mattoma kingorngane taimailiorviginarivaptik. Mâna utteritik parngnanairsimaviptingnut. Ingnesar-lugiglo anaulerpak utterkovlugik taununga innigi-lauktamingnut. Taununga utterêrmanik kiksadlarni-gik okautaujungnangilak. Uñuak ketterarmat pigi-arpuk tuksiarlutik, tukerpuglo kaulerninganut. Tagva Kristian tagvainak niplerpok koaksangajotut: Sinaungamêk uvanga sillaidlarama, innilangavunga parngnanairsimavingme tippiludlartome arvertarung-narajartillunga apkutimne. *Angerutaumanerub pêrutinga* najortigivara, sagvimiutarivara, tâpsomalo kollarnalungilak upkuat tamaita kollarvingme tamat-tomane upkuerungnarpait. Ingergainak ôktulerpok parngnanairsimavime upkuanganik, ahâglo tagvainak upkuerpok. Annigiarlutik torksûb upkuanganut tik-kipuk, tâmnaletauk taimak upkuertauvok. Upkuak-soarle iglûb sângane avalulingme kikkiangenaungmat okumailuarpok, upkuersinâlerporletauk, kikkerga-nganulle inukpak tupakpok makkiporlo tuavidlune takkorngartak unangmijomagamigik. Iglomele silla-tâne nukkêrutigivok sivumuarungnarungnairlune. Takkorngartâgle mânakut apkutigijamingnut tikki-puk, tagvanelo terlingnartomêpuk inukpaub pigiarung-narungnairmagik.

Ikaume nokkangavlutik issumaksarsiorpok tak-korngartat kanok inertertaujungnarajarmangâta inuk-pamik tâpsomalo nunanganik. Kajusilerpuglo nap-pajok nappartitsomavlugo, okautsillo imaitut tagvunga

aglaklugit: Ikaut una torârpok igloâlungmut Kollarvingmik taijamut inukpalingmut, tâpsoma attanek kilangmêtok nachogivâ takkorngartallo tokonasuar-pait. Taimailiorêramik tuksiarpuk imak:

Apkut kemaklugo nagvârpogut
 Tamartub kappianarninginik.
 Kingorlivut kamatsialerlit
 Inukpamut pijaulerkonagit.
 Kollarnek illa sivôranarpok
 Kevinerle tokotsikattarpok.

9. MIANERSIJUT, NUNANGALLO ÂNANAUKOK.

Annikitomik sulle ingergarlutik takkorngartak tikkipuk nunamut ânanaujomut kakkaliksôjomullo tâpkoalo uvinganingit nappârtokadlarput paungatalingnik weineliksatalingniglo, kakkallo akkorngame naternakarpok kôlingnik ânanaudlartunik. Apkut Zionemut kakkatigut pivok, tagvanelo saukkat mianerijauvut.

Takkorngartâk mianersijut sâvigivait apperilugillo:
 Kia nunatsianga saugangillo?

Kiojauvuk: Tamanna Imanuêlib nunanga sauk-kattauk tâpsoma pingit, inôsinelo tunivâ pivlugit.

Tak. Una apkutauva Zionemut?

Mian. Tâmnauvok.

Tak. Kanok sivitotigijova sulle tagvunga?

Mian. Sivitoluadlarpok illûnainut Nâlekab nâp-kininingnanik sungertûtekangitunut.

Takk. Merngoerservekarka ovane takkorngartanut?

Mian. Nâlekab perkovâtigut ivsornaitut ajoksarniginut angajckaulerkovluta, pigijaptingniglo attutuinariakarpotik.



Mianersijut tagva apperivak appertsûtinik pijaria-kortojunik, piluartomiglo kanok sullitsiarlutik tik-kimangânik ovunga Imanuêlib nunanganut, tâмна unuktôlungitunut tikkivosôngomat. Appertsûtille kiojaungmatta mianersijut nâmaksiutiksanganut sallu-tipait pitsiarvigilaitalo.

Pokitok, Tukkinsinelik, Pigârtok Nelliangaineka-ngitorlo, tâpkoa mianersijut attingit. Takkorngar-tagle tessiorpak tuppimingnut tagvanelo nerritipak. Tâpkunane sinitsiarkârlutik kautualermat tuppaktauvuk takkojartorkojaukattavlutik kakkâlungnik nessipiriartorviosônik.

Takkorngartak kakkat ânanauningit tattaminia-rutigivak kannilungitomullo tautugakarmat ânanâ-mik.

Kakkat illangata nuvuanut tikkimatta, mallugosuk-put kangia imnâlôngmat, tâmnalo tamarnartub kas kanganik taijak. Koksâlâvlutik imnâlub attâne takkovut inuit timinginik kattaksimajunik serkalititaumajunik.

Mianersijut tagva apperivak tussaumamangânik Himenêusemik Filetusemiglo, tâpkoa pivlugik imâk okauseongmat: Taipkoa miksekârnek tamaivak, makkinermik pijarêrtomik okarlutik, illangitalo ok-perningit mumiktilaukpait.

Tâpkoa serkalititaumajut ipkoa uivêriklertut mal-liktingit, sulle illuversimanatik mâne inangavut assi-ngita kaiblartaujutiksanginut, tamaungu pilutik imnâlub mattoma kiglinganut pilerkonagit kattakongillo.

Mângat majorarput innerterinerub kakkanganut, tâpsomale attâne illuvernuk kittiksaungitunik takkovut, inungniglo tâpkoa akkorogane avavâjunik.

Tâpkoa tautungitutitut aularvekangitutitut tagvane arvertarput aporkattarlutik illuvît nellunaikutanginut.

Tagva mianersijut takkojatik nellonailijomavlugit takkorngartangnut okautivak: Kakkat ukkua kani-tangine ikaumik takkolaukpalukpotik apkutib saumiane naternamut illingajomik. Apkut tamna ikautemit pijok torâluatsiarporlo Kollarvingmut, inukpaub Kevititsijomik taijab igloâlunganut. Tautungitut ukkua avavâjut illuvît akkorngane takkorngartaulaukput illiptiktut. Apkutib manêtlerningane ikârput naternamut, inukpamullo pijauvlutik. Tâpsoma parngnanairsorpait iglomine, kingornganelo îjingit pêrpait tessiorlugillo illuvînut ukkununga, tagvanelo avavâvui uvlomemut. Tâpkunane Gûdib okausingit nellautsititauvut imaitut: Inuk sillatunerub apkutinganik tamarsimajok, tâmna nûniangilak tokungajut illagêngninginit.

Kugvimingnik kattaraivlutik takkorngartâk takkunâkatigêkpuk, attautsemiglonet okausekarungnatik.

Mianersijut tagva tessiorpak naksamut ittijoksôjomut, tagvanelo upkuamik ullernaisivut kakkab illuanut illingakôrtomik. Upkuetualermalle orksorutib tippiludlarninga annivok, illânelo keavaksoadlarnek sorlo inungnit ânertaumajunit pijok tussaksauvok. Tagva mianersijut imâk nellunailivât: Tamadja apkosi arusevok kappianartovingmut, takkomôrtullo attosôngojangat, imâgle illingajut piluarlugit: Sorlo Esau erniangokârnine niorgutigilaungmago, sorlolo Judase Nâlegane missiarutigilaungmago, sorlolo Aleksandere nellangailutiglo saglojut sorlo Ananiase Safirâjo.

Nerriuktok tagva kibliktauvlune okarpok : Tapkoalo nelliallônêt tautukarpalaurivok uvaptitut.

Mian. Taimaipok, aglât akkunertokasamik.

Nerr. Namut tikkilerêrkat ajaktortangamik ?

Mian. Illangit kakkani ukkuninga kângerêlaukput, unuktulle ovunga tikkilarilaungilat.

Tagva takkorngartak niplerpuk kuksasulerlutik : Kanoktôk,—Nâlegak ajugakangitok kenuvigijaksarivavuk pitsartutitaulerkovlunuk.

Mian. Ahaila, taimaipok, pitsartuninganigle pilititauguptik attutsiaraksarivatik.

Tagva takkorngartak tassuvuk apkutimingne pigiaromavlutik, mianersijunullo agviartaungilâk, illagijauvugle sulle kakkat issunginut. Tagva kakkat kingorlerpângane nangermatta nokkangalerput, tamângat kilaub ittertarvingat ungasiktome sakkerêrmat. Takkorngartâk tunitsiviovuk kerngutinik, takkolauktamingnulle sulle kakkane koaksangamanik, aggangit sajukput, taimailingagalloarlutigle ittertarvingmik, iglogasaksuillo ânanauningita illanganik tautukôlilaukpuk.

Aviutinasualermatta Pokitub unertôtilerpak apkutib illinganiganik. Tukkinsinelub okautivak : Ilimasugitik uivêriklertunik. Pigârtub niplervigivak. Siniktailigitik nuname uerngarnartome. Nellangainekangituble okautivak : Gûdib illagilitik apkutip-tingne tamaine.

Aularlutik tuksialerpuk :

Mianersijunut tattamnartut
Sakkertitauvut, ôktornerluktub
Nippinga ullapitsingimalle.
Ittijunik takkojomaguvit.
Mianersijut sâvigilikit.

10. TAKKORNGARTAK TAMMARTITAUUVUK APOSTELEMUT NELLANGAITOMUT, TAMANNALO PIVLUGO SUGIARTAUUVUK.

Kakkat ungatânegalak apkutib saumiane tagva Pimariuternerub nunanga, tagvangallo apkutekuilukarpok niungajomik, takkorngartat apkosininganut illingajomik. Mâne takkorngartavuk inôsuktomik ômaridlartomik naipitsivuk, Erkasungitomik attelingmik. Kristiab tagva apperivâ nakit pimangât namungarmangallo.

Erk. Inulâsimavunga nuname mattoma saumianê-tome, iglogasaksuillo pânêtit ingergarvigivakka.

Kr. Itterungnaromârkêlle ittertarvingagut? Agviadlartunik naipitsiniarpotit.

Erk. Sorlo assikka okumaiksaratik tagvungarmatta, taimainiarpalukivunga.

Kr. Sumigle sakkertitsiniarkêtit ittertarviane?

Erk. Nâleka pijomajanga illitarivara, inôlaukpu-ngalo idluatuinartomik, inôkattikka uivêrilungitakka, tuksiarpakpungalo, aklujullo ikajorpakka, inûlervigalo kemakpara nuna kilangmêtok kenneromavlugo.

Kr. Ittilaungilatille upkuakut nerrokitokut, apku-tekulluk niungajok attulaukpat, taimaimat sivôradlar-punga erkartuijub tigliktojorijomârmattit inuartô-jorivlutillo ittertitsomârnaglo ittertarvikut kilangmut.

Erk. Takkotainarpaptik illitaringilaptiglo. Nunapse ajokertûsingit okperningillo malliksigik, nang-minerijamnigle mallituinarlaga. Issumavunga ka-noelunginimnik. Imaigalloarpok: Nunaptingne kau-jijokangilak apkomik upkuamut nerrokitomut, tamannale pijariakarkôtsangilak, apkutekullukarapta idluilungitomik, apkomut idluartomut.

Kristian tussarmat inðsuktub illisimajoridlarninganik, Nerriuktub okauserkisârpa : Sillaitub âkigianga nerriungnarnersauvok ômangat. Tukkekarasugingilara mâna okausekakattigigannerlugo erkasulungimat. Sivorleotuinalaurluk okausivuk issumajarutigilerkovlugit, illâne keviarvigijomavavuk, ikajorungnaruptigolo kunntuialunginamnuk.

Nerriuktok angerpok mattomunga sivorleolerpuglo. Taksilermat angumik kellaksorsimajomik aklunânut 7 nut ingnesartaujomiglo anernernut idlunitunut 7 nut takkovuk, upkuamullo âtauvok kakkat akkornganêtomut. Kristiab illitarinasugigalloarpâ, Nellangaitomik attelik, kaujimamarilungilarle kellaksorsimajok tigliktotut apakatainartaktut niakone okkungamago sagviminut. Nerriuktub allakkausijarmago, tunuane okautsit imaitut takkovait : Kigligiutsijok koksalaitek, erkasuganelo missiartok Nâlegaminik. Takkojatik tâmna koaksârutigivâk okarpuglo : Taimak kanningitigijomut tikkitokarungnarpok assionialerlune. Esaue erkailerpâk erniangokârnerminik niorgosijovinek, kingornganelo kuzvinut aglât saimartaunermik pijungnarane. Kuksasuklutik erkaivuk Petrusmik okalauktomik : Illunamatsianginut kemaktaugalloaruvit uvangale missiarutigijomangilagit tokokatigijomangârpagille, kingornganele Nâlegane missiarutigivâ arnakullungmut aglât.

Nerr. Pigâlaurluktok sorairanuk.

Kr. Ahaila, taimaigia karpoguk, piluartomigle okpernerub sappûlutanga tigumiarlavuk, Sâtanasið kargjuninginik ikkomalingnik kammitsijungnarkovlunuk.

Tagva Kristiab Nerriuktok okautivâ : Inotôleramnuk unipkautilaurlagit pijoxalauktunik mâneluatsiak angutekullungmut Okpernekitomik attelingmut.

Tâmna taimaituksaunane sinilermat opaktauvok arktaijunut pingasunut, Erksisaraitomik, Puisuktomiglo, Passijaksaujomiglo attelingnut. Tâpkoa akpangervigituarmatsuk tupaktôgalloak kappiasumarilerlunele. Tâpkoa nokkarkovât kênaujaminiglo najortiminik sakkergolât. Sakkertitsomangimagit tiguvât aksârvigilâllo. Taimailermattale kaggudlarpok angijomik ikajortaujomamut, tamannale Passijaksaujub ningaumajârutigivâ annaulerpâlo niakoagut. Okpernekitok issumairkârlune akkunit tupakivok, kênaujanelo assiojilauktane ogguaridlarait angijomik. Apkome amitome pigannerungnaralloarlune, aklujotut kennujariakarpok inôgutiksaminik. Sullele aglait kigligiutsijut kittorngaunerminik Gûdemut assiojingilait, sagvimiutarilaungmagille arktaijut nagvâlaungilait. Tâpkoa kuviagijaksarigalloarlugit, itterutigijungnarmagit kilangmut, kênaujane assiojilauktane kiksautigiluarpait. Taimaidlune issumakut serlekititaumajotut inôvok.

Nerr. Okpernekitok taimaigiakarajalaungikalloorpok maksuatualaurune.

Kr. Tamanna miksekâralloorpok, sullele uvagukulûk erkartorungnangilavuk. Nâlegak illagiguptigo 100 teokattartut sâlagijungnarpavut, illagingikuptigole pingasuinarnut sutaertitauvogut. Taimaimat Nâlegak sungertûtigilavut, tâpsomalo piulijungnarpâtigut erksinartunit nangianartunillo sunatuinarnit.

Taimak okarêramik tikkipuk apkutib aviktarvianut. Apkutik tâpkoa tamarmik adsigêmarilerlutik isivimanik sângine issumaksarsiorpuk nelliak apkuteomangât idluartok. Sulle nellovlutik nangeramik, ahâk angut kernertamik uvinelik kakkorlariktomigle aglât kaumajomik aňorâlik tikkivigivak apperivluggiglo, suna pivlugo tamâne nokkangamangânik. Pit-

jutinga okauserituarmakko okautivak: Mallituinar-singa, uvangatauk iglogasaksuit takpâne aivigigapkit. Tagva mallikpâk, mânakullukulle mallugosulerpuk apkut tâmna ungasingnersauvallistuinarimat Zione-mit. Ingergainarlo takkovuk mikkigiarnut nullua-lingnut mikkigiaktaudlaramik, katsunge galloara-miglo pêrungnangimanik. Kernertak kattaktitsivok anorâminik, ipaksilerpuglo kia agganginut kattaksima-lermangâta.

Tagva Kristian kiksadlarlune okarpok: Mianersijut okautilaungilatiguk: Uivêrikkertut illimasûtigisisigik.

Nerr. Aglangnik apkosinerub illinganinganik sak-kertitsijunik tunitsivigivâtiguttauk, uvagugle ken-nilaunginamnuk tâpkunane inuartub ôma agganginut pivoguk.

Sillainitik taimak keajutigilermakko, ahâk Engele kaivok issakaumik tigumiarlune.

Engelib tagva apperivak: Nakit pivitîk sulerkitiglo tamâne?

Kiovuk: Takkorngartakullôvoguk, Zionemullo aivo-guk. Apkutible aviktarviane angut kernertak keb-lertamigle anorâliub tamartipâtiguk. Mallituinaria-karpogugôk Zionemuttauk ainiarmat.

Eng. Tâmna uivêriklerteovok, aposteleovok nella-ngaitok, nangminerniglo ablatsangortitok Engele-mu: kaumajomut. Taimak okartillugo nvîluat mik-kigiat alliklugit serkomipait. Okautivagle: Mallik-tinga, tessiorpaglo apkomut idluartomut.

Tagva Engelib apperivak: Nane merngoersilaukitik kingorlermik?

Kiovuk: Mianersijune kakkanêtone.

Eng. Tâpkununga tunitsiviolaungilatîk aglanik ap-kutib illinganinganik nellunailijunîk?

Takk. Taimaitunik pilaukpoguk.

Eng. Apkutib aviktarviane kennilaungipittk tâp-kunane?

Takkorngartâk kigligiutsijariakalerpuk taimailaunginamik.

Eng. Mianersijut inertingilâtik uivêrikkertemik?

Takk. Inertilaukpâtiguk illimasulaungitogugle angut taututsiariktok okausekaloridlarmat.

Tagva Engelib sillainigik sakkertimago sugiadlar-pak issakautiminut aggaminêtomut, okautivaglo: Nagligijakka pitlarlugit kaujisarpakka, taimaimat attaruililutik kakkialeritik. Sivumualeritik mâna Mianersijut unertôtjiningit kamagitsiarlugit.

Engele kujalivigilugo aularpuk, tukkisilaunktatik issumajârutigilugit.

Mânakut apkusârtauvuk angumut inotôjomut Gûdekangitomik attelingmut, tâpsoma iglogasaksuit takpâne tunnupait, takkorngartaglo apperivak namungarmangânik.

Kiovuk: Paunga Zionemut ainasuarpoguk.

Tamanna tussatuaramiuk ijorpok nipperkortojomik. Tagva takkorngartak tattaminiarlutik apperivak: Sôg ijudlalerkêt?

Kiovok. Ijorpunga sillaidlaraptik apkullo una siornionartok attoraptikko kiksarnartunik kissiane kattersoinialerlutik.

Kr. Sôgle, issumavêt illaliortaujomânginamnuk?

Gûdekangitok kiovok ijulualerlune: Illaliortaunermik issumavitik? Tagga sillaksoarme illûnâne innekatsangilak okautigijaptingnik.

Kr. Sillaksoarme tamattomane taimaitokangikal-loarpok, pijomârtomele.

Gud. Uvangatauk inûlervimne iglogasaksuit tus-

saumalauxpakka, aulalauxpungalo takkojartoromavlugit, mânalo kennerpakka 20 git járít nâvlugit nagvârnanga sunârsungmiglônêt.

Kr. Uvagugle tussarlunuk okperpoguk iglogasaksoakarninganik pânêtunik.

Gud. Inûlervimne okperilaungikupko taimak kanningitigijomut ainajalaungitunga kennerlugo. Nagvâraksaupallo nagvârajarpara illiptingnit kanningitôlialuarama. Nagvâluginamale sumik utteromagivunga inûlervimnut.

Tagva Kristiab illaâri,ane apperivâ: Angutib ôma okausingit miksekârtôgalloarkât?

Nerr. Udsertorit, tâmma uivêrklerteovok. Nâlekattarniptingnut taimaitunik tamalerêrpoguk akkulaitomik. Kanok issunavêt, iglogasaksoakarajanglak takpâne? Kakkanut nessipiriartorluta takkolaungipitigik? Okpernerme arvertalaurluk, upvalo sugiartauniarivoguk Engelemut issakautelingmut. Kattangutik, angut una nâleniarnago pît, okpertulle illagilavuk tarnimingnik p. liklertut.

Kr. Okpernipta miksekârninga kaujitsiarpara kol-larutiginagolo. Ôktoromatuinarkauvagille, okperni-villo aulajuininga nakoksiutigivara. Angut una takpêtitaouvok sillaksûb mattoma attninganut. Uvagugle okperomavoguk kaujimagapta miksekârnek saglonermit pingimat.

Nerriuktok kuviasuklune okarpok: Kanok ikpigi-jomârkita issokangitomut piulijauvluta Nalekab âna-nauninga takkoguptigo?

Gûdekangitorle tunnulerpâk tâmnalo ijourutigivlugik utterpok innigilauktaminut.

11. TAKKORNGARTAK PIVUK NUNAKUT UERNGAR-
NARTOKUT.

Nunakarpok, tâpsoma anerninga igunauninganut uerngarnadlarpok. Takkorngartavuk tagvunga tik-kituaramik igunauvuk avângavlutiglo, aglât taimak sugaluktigijomik uitatsiarungnarungnailutik. Nerriuktub tagva Kristian okautivâ: Mâne sinigalâlaurluk! Tâpsomale kiovâ: Aukak ovane kêtamiglone sinikutksaungilaguk, upvalo siningniarpoguk tuppangniarungnailunuk.

Nerr. Sôgle kattangutik, siningnek mamadlarpok takkorngartanut, kingornganelo nukkekarnersaunajarnuk.

Kr. Erkaingilatit Mianersijut okausinginik: Udseritoritik nuname uerngarnartome sinilerkonatik. Taimaimat siningniaranuk assiplitut erkomainalaurugle sillatulunuglo.

Nerr. Tamarnerijara illitarivara, mâne inotôguma tokub siningninganut pinajalaukpunga. Okauseojok miksekârtôvok: Nâmanersauvok maggokpanik inotônermit. Illakarnek illingnik kujaliutigivara, matomunga mânmut ikajortaudlarama.

Kristiab tagva apperivâ sâgiarnine unipkautiginajangimangâgo, okakattigêngnerme uerngartailinajarnanik.

Nerriuktok kuviasuklune angerpok pigiarlunelo. glogasaksoaptingne Allianartolingne takkojaksaujut pissijaksaujullo kuviagimarilaukpakka. Omatima sillaksûb pingit allianarningillo ungagivait, Gûdible attinga uvlungalo attornerlôtigilaukpara, nerritunerit imertunerillo kuviagivakka, saglonerit illukeudlarnerillo illuserivakka. Taimailinganimne tussarpunga

illingnit kattangutingnillo Nellågôrtomit toko mallik-teongmat makkoninga tamainik, taipkoalo pivlugit Gûdib ningausinga pingmat okpinginerub kittornganginut. Pigiarneme sulle akkerartorpunga, ajornerub idluitoâloninga pitjutauningalo kappianartovingmut illitarijomanginapko.

Nâlekab okausinginut kibliktaugama, ijikka sik-kungitinasuarpâkka kaumajok takkojomanago, ajornek ivleridlarapko illaňârijakkalo ipperaromanginapkit. Taimaigalloartillunga ullapitaumarikattarpunga. Takkotuarama illiptingnik tussatuaramalônêt Gûdib okausinginik, aglât kanoegalâtuarama tussatuaramalônêt inôkattima kanimaninganik tokunganiglônêt: tâva kappiasungnek nutângortitauvok ômatimne, issumakullo takkovunga nangminimnik tokovlunga erkartuijublo iksivautaksoangata sângane. Ullapitaunek tamanna allingitarijomagapko angijororpalliavok, anernerublo nippinga illumne tussaksaulualerlune. Ajornerit sungiutilauktakka sâvigituarpakit âniavunga illûnapkut, ipaksivungalo assiojuksaugama katsungaimariklunga sâgiangituaruma. Tagva kajusisiñalerpunga ajornikka illaňârikattartakkalo aglât allingitarijomavlugit. Tuksialerpunga, okautsit attualerpakka, kealerpunga ajornikka pivlugit, pinasualerpunga miksekârnek kissiane attorlugo. Annikitomik taimak nakoksivunga ullapirsautekarkôrlungalo, tagvainarle pijauvunga ama kappiasungnimnut sivorngane ikpigijamnut. Gûdib okausingit attuarapkit okautsinut imaitunut kibliktauluarpunga: Idluarnivut tamât anorâktun sallumaitotun ipok, perkojallo piniartaukojanganut kinalônêt idluarsititaungilak. Taimaktauk illipse perkojaunise tamaita pinialaurupsigik, okaritse: Kivgakullôvogut,

piniaraksavut kissêta pigaptigik.—Okautsit tâpkon itterput ômatimnut saviksoatut iglotut kênaliktut.

Tagva niplerpunga ômatimne: illa sillaineovok perkojat piniartaukojanganut piloringniasuarlunga. Inuk akkiliksakarpâ niuvervingme 100 nik pauntinik, kingornganelo akkilêgalloarpâ tamainik pigijaminik, taipkoa 100 tit pauntit sokkoseratik sulle akkiliksavut, niuvertiblo akkiliksalik pititsungnarpâ parngnanairsimavingmut akkilêrkârtinago. Gûdible kaujimajotôjub tamainik aglangine ajornikka tamaita aglaksimavut, illa akkiliksâlukka tagvanêput nellaratik. Tagva mânâmit idluarnersaugalloaruma, kiale akkiliksâlukka nutaungitut pênriarpagît Gûdib aglanginît? Sulletauk inôsera mânâ inôserijara kemergotsiarapko, ajornernik nutânik nagvârnersauvallia-vunga uvamne, aglât piniarnimne idluarnerpârijamne nâmangitunik nagvârpunga, ipaksivungalo piungitok-sônimnik, ômatigalo kevitsomatuinarpok. Siveangane idluarasugilauruma, mânâ piniarnimne attausetuinarme ajornernik kittiksaungitunik nagvârpunga, tâpkunungainarlo erkartortaulerêrpunga inôsimne assekarajangikalloarpâ.

Kr. Sumik tagva pinialaukêt?

Nerr. Piniaraksamnik kaujilaungitunga sakker-titserkârtinanga Nellâgôrtomut. Tâpsomale okautivânga: Sillaksoarmiut illûnatik piulijungnangilât inûb ajornekangitub idluarninga pigijungnangikungne. Nikkanarsârtitaugamale sangêneralo ajortok-sôneralo ikpigigapkik Nellâgôrtub okausinga idluari-jariakarpara. Nânêle nagvârtuksauvêk angumik ajornekangitomatik ivsornaitomatik ajortoliksuit akkorngane? Tagva Nellâgôrtub unipkautivânga Jêsusemik Gûdib ajugakangitub tallerpianêtomik. Okautimarikpâ-

ngalo: Tâpsomûna kissiane piulijaujungnarpotit, tamaitalo inungorsimanermine pinialauxtangit kejun-
 melo seningajolingme ânianerilauktangit sungertûtigi-
 jaksarivattit. Tamakkoa tamaita piniarutigilaukpait
 âniajutigivaillo pivlutit, igvit idluarsititaujutiksarnut.
 Ahâk tagga Gûdib saugârsunga sillaksoarmiut ajor-
 ninginik nangmartok. Tagva okautivara: Nâlekab
 sillaksoarmiut ajorningit nangmarpait, inungnullo
 assimnut illûnainut Piuliklerteovok, tamanna mis-
 siarutigingilara, imâgle okperungnangilanga, uvamnut
 Piuliklerteojomangmat. Nellâgôrtub kajungersâr-
 pânga Nâlekamut airkovlunga. Tamannale pimariu-
 terneonasugigapko okautivânga: Igvittauk Nâlekab
 inâpâtit okarame: Kaititse tamapse ajulertose kap-
 piyasuktoselo. Okautsit okâlajut Jêsusib piulikler-
 ninganik inungnik aulajuinersauvut tunganarnersau-
 vullo nunamit kilangmillo. Tagva Nellâgôrtub kai-
 blarpânga sêrkortorlunga Atâtalo kilangmêtok ôma-
 mut tamânut kenuvigilugo ernerninik sakkertitser-
 kovlugo uvamnut. Okautivângalo: Uvlut tamaita
 nagvâraksauvok nâpkinignerub iksivautaksoangane,
 tamaitalo pijut tâpsomunga tunitsivigivait issumagi-
 jaujungnainermik. Tagva kajusisiñalerlunga sêrkor-
 torpunga, ômamullo niplerpunga: Gûde nâpkigi-
 launga, ikajunga ernît illitarilugo okpervigilugolo
 perkovlunga kaujimagama idluarninga piginago ok-
 pernerlo tâpsomunga piginago issokangitomut assio-
 juksaugama. Nâlegak, tussarpunga nâpkigosuktoksô-
 nernik ernillo sillaksoarmiut piulijinganut illin,ati-
 gangne, tunijomagangnelo ajortokullôjunut,—uvangalo
 ajortoksôvunga. Nâlegak tamânêpunga, attit nertor-
 taule, tarnigalo piulijaule ernekut Jêseuse Kristusekut.
 Amen.

Tagva Kristiab aumalerlune apperivâ: Tagvane Gûdib erninga sakkertitauva illingnut?

Nerr. Aukak, aijariakakattalaukpungale sêrkortoriakarlungalo. Sorlo kikkiak kilak kollimne. Illangane aglât nokkaromalaukpunga tuksiarnermik, sulleie erkaivunga sillaksoarme illûnâne Kristusib assianik piuliklertiksakangimat. Taimaimat issumavunga: Tuksiarnek nokkautigigupko assiojuksauvunga, pigiarumale Gûdib nachoginajaralloarpânga, piunginerasmut tikkitaujungnangilanga. Mânaluaatsiak erkavunga nellautaijub okausinginik: Mulludlaralloarpattalonêt (Gûdib saimasautingit) nerriugikit, nellautsijomârput illa kikkaromangilallo. Taimaimat kajusivunga tuksiaranneromavlunga omâtiga ulla-pirsartaukârtinago.

Unuksait illangane issumairsimajotut ipunga ajornima unurningit anginingillo nênermanga nunamut. Omamut tamânut tuksiarkauvunga ikajortaunangale. Assiovêk? Gûdiga issokangitoksoarmut ajaktoringâ?—Taimak issumakarlunga sinisivunga. Sinaktômanimne tagva takkovunga kilak angmarmat, Nâlegarlo Jêsuse akkarlune uvamnut okautivlungalo: Nâlekamut Jêsuse Kristusemut okperit, tagva piulijauniarpotit.

Kiovara: Nâlegak, Nâlegak, ajortôvunga illa ajortoksôdlarpunga.

Nâlegak kiovoк: Nâpkinningnera nâmagiuk, amigangilak illingnut.

Okarivunga: Okpernek sunauva, kanok okpertuksauvêk?

Kiovânga: Uvamnut kaijok kângniarungnairpok, uvamnulla okpertok imerosungniarungnairpok.

Tagva tukkisivunga okpernek kainerlo adsigé-

maringmanik, kinalônêllo ômamut tamânut killa-nârtok piulijaunermik Jêsuse Kristusekut, tâpsoma nellâgut okpervigingmagotauk.

Kugviorlunga appertsorannerpunga: Kissianele Nâ-legak illaliorungnarpinga piloriktilungalo illa uvanga ajortoksôjunga?

Pitsiarlune kiovânga: Uvamnut kaijok annitinagolo ajaktorniangelara.

Apperingmijara: Kanok illioraksarivagit illingnut kaiguma, okpernera nellâgôrkovlugo?

Kiovânga: Jêsuse Kristuse nunamut tikkipok ajortulijut piulijartoromavlugit. Tamna perkojat nagga-tigivât, illûnatiglo tâpsomunga okpertut idluarsititauvut. Tamna tunijaumavok ajornivut pivlugit, tuppaktitaungmijorlo idluarsijutiksaptingnut. Tâpsoma nagligilaukpâtigut ubvarlutalo ajorniptingnit aungminut. Tamna pijitsertok Gûdeme inungnelo, inôtsainarlunelo tuksiarutivait.

Taimak okarêrlune tuppakpunga, ômatigalo tattapok kувiasungnermik, ônarsidlarlungalo naglingnermik Jêsusemut inukotinginullo. Mâna ipaksivunga Gûdib Atâtab idluarnine heiligeoninelo missiarutigina: ajortokulluk nâpkinernermik kennujok idluarsigarmago.

Agusudlarlunga inôsera kemergolerpara, kakkialerpungalo Jêsusib ânanauninga piloriktitsiningalo sivorngagut kennilaunginapko. Killanârpunga inôtsেমik ivsornaitomik Jêsusiblo attinga nertoromavluglo, illa inôsera illûnât illingatitsomalерpara Nâleka b nertornautânut.

Erkaititsinernut tamakkununga takkorngartâk nakoksititauvuk angijomik. Angut Erkasungitomik attelik kannitagingne mallingmat kajusilerpuk ôkto-

romavlutik tarninga piulilugo ajornangipat. Tikki-
niarninga uttakkiutigilugo Kristiab nagligosudlarlune
niplervigivâ mâk: Sôg inotômariovlutit ingergaro-
mavêt?

Tuavitomik kiovok: Taimak idluarigapko, illa-
karomangimullo nâmagijungnangitamnik.

Kristian allingisartaunkolunginame okarannerpok:
Kanok illingalerkêt? Illa kanok illingavêt Gûdemut
tarnît pivlugo?

Kiovok: Idluarmariktomik illingavunga. Inger-
garnimne Gûde kilaglo kilaublo pingit pijominadlar-
tut issumagivakka. Illa idluartunik kissênik ômamiu-
tekarbunga.

Kr. Idluartunik issumakaruvit, tagva jukkisivotit
Gûdib illitarinersaringmattit, ajornerniglo nagvâr-
mat illingne ijikpît takkongitanginik nagvârunga-
ngitanginiglo, idluarnillo nangminerijat makoiuging-
mago, sungertûtekarnillo idluarnernik ajaktor-
mago.

Erk. Kanok issumagivinga? Okperpungatauk illik-
tut Jêusemut, nerriukpungalo okpernekut tâpso-
munga piulijaukovlunga.

Kristian kiovok nippemut naiperkotigosuktomut:
Kanok okperungnarkêt Kristusemut, nangminek
idluarasugigavît? Anernek kappiasuktok ômallo
serkomisimajok kissime kennerpok nagvârlunelo Piu-
liklertemik. Ajulernît ogguarutigivara. Okpernît
sullingilak, piuliniangilâtit. Kemâgit Kristusemut,
pivlutit tokkolauktomut, ajornitit kigligiutigikit
kennuvigilugolo issumagijungnainermik tagva ajorni-
tit unuktoksuit pèrniarpait.

Erk. Kanorle? Taimaipat inuit ajornerne inôtui-
nariakarajaput kikkiaktorsimajomelo issumagijau-

jungnainermik kennituinarlutik. Tagva ajortulitsainartut Kristuse kivgarinajarpât.

Kr. Kêtamiglônêt okpernekaruvit Jêseusemut, taimak okarajangilatit kaujimanajarpotille, nâpkineningata nellekangitub inûb ômatînga aumatimago nutângortimagolo naglingnekartimagolo Piulijiminut. Taimaglo ajugakangitub pitsartuninga tukkiserkârlugo ôkârlugolo kingorngagut inôjomairmat nangminnerminut, tâpsomungale pivlugo tokkolauktomut. Nagliktara, Kristuse piginasugivat, pigingitalle. Kenulerit, tuksiarit sorairnak, Atâtabernine nagligijane sakkertitserkovlugo illingnut.

Erk. Kanok? Sakkertitsinerit okperivigt? Taimapat niakorne nakutsialukpalungilatit.

Tagva Kristiab katsungaimariktomik okautivâ: Ernermik illitarsijokangilak, Atâtab kissime illitarivâ. Nâlekamullo tikkitokarungnangilak Atâtab amuangipago. Naiperkonadlartotit inôsuktotit, piojorinît sapkuleruk, kenuersârlutillo nâpkininegnek kenûti-giuk. Gûdib Erninganut okpingitub inôsek takkoniangilâ, Gûdible ningausingata kollangiangênarpâ. Uvlome nippinga tussarungne, ômatît mangaitiniarnago-pît, issokangitomut kakkialerutiginajarangne.

Tagva Erkasungitub sinaungasarlune okautivak: Illiptiktut ablorungnangilanga, sivorleotuinaritik kingorleojomangârama.

Kiksarmarilerlutik Erkasungitub tarninga pivlugô illanârêk sivumualerpuk. Kaujilertuk innerterinitik kamaginiangimagit asserornartorlo pagrearvigituinar-mago. Tagva Kristian niplerpok: Sivôranek idluar-tok sivôranerlo Nâlekamik atsuilinartoksôvok. Illa tâmna sillatunerub pigiarninga tarne ingnesârmago ajortut piulijinganut tâmnalo nangminerilugo. Tâp-

soma opigosungnekartipâtigut Gûdemut agviarlutalo Gûdib attinga attornerluklugo Anernerlo Ajunginek kiksartillugo sinaungasarnerillo attorlugit. Tarnele idluilingadlarpok kaujimangikune sivôranermik Nâlekamik. Sivôranerle kappianartovingmik ômat idluarsititsijungnakatangilak idluitulijuble sivôraningatut ipok nangermat erkartuijub sângane. Inûb taimaitub kappiasungninga sivorlerpâk kângituarmat katsu-ngagivok tuksiarneme pigârnermelo, attornermelo Gûdib okausinginik. Taimaitub idluarne k nangi-nerjak nappartinasuarpâ, apkomelo tamattomane unuktut ômisukteogiarpot. Nâlekamik inôkatiming-niglo, taimailutiglo kattakput asserornartomut nâk-saungitomut.

12. KIKSARNARTUT KINGORLERPÂT, ITTERNERLO KUVIANARTOVINGMUT.

Taimak okakatigêklutik uerngarnartub nunanga kângerpâk tikkivlutiglo nunamut kattititaunartomut. Tagvane silla ânanaudlarlune keujanarungnairpok. Nerriuktok tagva kувiasuklune niplerpok: Ahâk okiok kângerpok perotsiat nuitarput tingmitjallo kailerivut.

Mâne sekinerub takkorngartak nippivigijungnairpak, naksak Tokub Tachalininganik taijak kannilua-lungilak, inukpaglo Kevititsijok tamaunga itterung-nangilak igloâlungalo Kollarvik mângat takkuksaujungnaipok. Zionible keblidlartub takpângat kau-maksarvigilerpak. Mâne uiksak nulliaksaminut kat-tititauvok nutâmik. Nipperkortojo kussarpâk okar-tok: Zionib pannia okautijartorsiuk, ahâk piulijiksat kaivok, ahâk akkiliutiksaminik najortekarpok. Tai-

mak tussaramik ômatigik alliadlarpuk okautajung-nangitomik. Kanninersauvalliavuk iglogasaksoarnut kilangmetunut, karmangit senamajut ujarkanut ivlernartunut takkolerêrpait, takkovaillo itterviksuit sap-pangainajut apkosiningillo goldênajut, killanârnermiglo ikpigivuk ômatimingne sivorngagut ikpigilauksimangitamangnik. Apkut nappârtutigut paungataliktigut weinetaliksatigullo pivok issumamingniglo nerrerkojauvuk tâpkuninga perkutelingnut, nappârtullo tachaliningine merngoersikattarpuk.

Mânelo Engelinut maggonut kaumaneliksôjunut naipitauvuk, tapkoalo illanâkarnermut niplervigivakit: Maggoinarnik sulle okumaitokarpok illiptingnut tagva itterniarpotik kuvianartovingmut. Kristian okarpok: Kanoktôk illagilauktiguk!

Engelik kiovuk: Unertôtijomavaptik takpaunga, kissianele okperniptingnut nangminerijaptingnut aju-gaujungnarniarpotik.

Iglogasaksuit kannimarileramikik koaksângalerpuk kôngmut silliktomut aviktaulermanik iglogasaksoarnit. Apkutingâk torâluatsiarpok kôngmut, ikau-miglo takkuksaujokangimarikpok.

Tagva Engelik okautivâk: Maunâriakarpotik, assianik apkutekangilak. Sillaksûb tunganelijauninganit apkutekangilak assianik, Henoche Eliaselo kissimik assiagut pijungnalaukpuk.

Illimasuleramik Kristian piluarlune appertsorpuk kôb ittininga adsigêmangât.

Engelik kiovuk: Okpernitik malliklugo ittinersamik ikkanersamiglonêt naipiniarpatik.

Kôngmut ittituaramik Kristian kivivok, illanâminullo niplerpok: Kividlarpunga, imaksuit ippitipânga, kôksuit tarniga ullutsautipât.

Nerr. Maksuagit kattangutik, sulle tungavekar-punga.

Kr. Tokub sivôranarninga illumavânga, nuna ulla-pirsautilik takkoniangilara.—Tâva tâktoksûb Kristian illumavâ, ittervik kôb ungatâne takkojungnangilâ, aglât Nâlekab pitsiarninga nâpkinningnalo inôsermine tukkisitsainalauktane erkaumautigijungnairpâ. Ajorningit illûnatik tuppakput sillugvigivâllo, pitsartunersoarmullo kappianadlartomut ununga nussuktaumajotut ipok. Illâne ômisuktunut takkuksaungitunut Sâtanasemullo sorsugiakarasugivok, unangmijaujotullo tâpkununga illingavok. Kristian kivi-dlune nipakattarmat, tagva Nerriuktok pitsartunerminut illûnânut pinasuarpok illañârjame niakoa kongmuartillugo sakkertillugolo.

Okautivâlo : Kattangutik, ittervik takkolerêrivarâ, takkovakkalo Engeli kaumajoksôjunik añorâlît illalioriantortut uvaptingrik.

Kr. Illingnik illalioromavut, igvit nerriutsainalauk-potit takkotainarapkinit.

Nerr. Igvilletaук nerriungnernik sapkusitailivotit.

Kr. Nâmagijaugumale sângane mâna nellonangitomik ikajorajarpânga. Ajornikkale sugaluluadlarput, taimaimat kemakpânga.

Nerr. Kattangutik, Nâlekab kematsangilâtît, annikitomik kemagalloarpâtît nâpkigosungnersoarminulle kattersoromagivâtît. Nâlegak puisûtiginiarnago pît kattangutik kaigarsugvigiuk kanoernerne tagva sunab-lônêt avitsungnarniangilâtît naglingninganit.

Okautsit tapkoa itterkôrput Kristiab ômatinganut kappiasuktomut, taimaimat Nerriuktub ama niplervigivâ : Manigorit, Jêsusib Kristusib atsuilitipâtît.

Tagva Kristian nipperkortojomut niplerpok : Kuvê,



takkogivunga, Nâlegak takkovara okautivângalo: Erksinak piuligapkit, attit tailugo kairkolaukpagit perkutigivagit. Imaksoakut ingergaruvit illingnêtso-mavunga kôksoarnut ulliktaukonak.

Ingergainak tungavetârpok, ôktortaulungnek anni-gorpok, siorniorungnairlutiglo tikkipuk kôb akkia-nut.

Mâne Engelinut uttakijunut sallutitauvuk tessior-taavlutiglo paunga kilaub iglogasaksoanginut. Okau-tivakillo: Anerneovogut tillijaumajut kivgartor-kovluta piulijaunermik kingormgujijomârtut piv-lugit.

Takkorngartâk okititaumarilerlutik arvertarpuk Engelit akkorngane, añorâk tokojuksak kôngme ke-makpâk, Engelinullo tigumiartaavlutik kongmuarpuk nuvujat ungatânut.

Tagva ingergarlutik paunga, tillijaujut Nalekamut unipkautivakit: Mâna tikkiniarpotik Zionemut Jeru-salememullo nutâmut pâne kilangmêtomut, Engellilo tausendeokattartut unuktoksôninginut, idluartullo pi-jarêrsimajut anerninginut.

Mâna itterniarpotik Gûdib Paradisinganut, nappâr-tox ômanartok takkoniarpattik nerrivlutiglo paunga-nginik. Arvertarniarpotik kakkortanik añorâkar-lutik, Nâlegarlo piuliklertok illiptingnik takkoniarpattik najutsainarlugolo issokangitomot. Gûdib nangminek kugviornitik allarterniarpait ijiptingnit. Tokolo itsungnairpok, kiksarnermiglonêt niplianer-miglônêt ânianarnermiglonêt pijokarungnainiarpok sivorleojut itsungnairmatta.

Patriarchillo takkoniarpatik, idluartullo Gûdib amuarsimajangit nunamit, mâna iglune ullapirsau-telingne merngoersertut.

Appertsorpuk: Inneme heiligeojome tamattomane sumik piniartuksauvinuk?

Engelit kiovut: Mâne sulliakalaungnitik akkiler-tauniarput manigornermut, kiksalaungnitiglo kuviasungnermut. Mâne kattersoiniarpotik karngasulauktaptingnik, tuksiarnitik kugviornitiglo tamaita mâne tussartauvut nâmaksititauvlutiglo. Goldeojunik nia-kôtekarlutik NâleKab sângane nangerniarpotik, takkolugolo kênarmit kênarmut. Uvlôtillugo uñuarmelo kivgartorniarpotik Tempelingane, sorairatiglo nertorlugo kujagilugolo. Ijptingnut takkoniarpattik, siu-tiptingnullo ajugakangitub nippinga naglingneojok tussarniarpattik. Illañârijatik sivorliovlutik ittertut kuvianartovingmut kувiasuklutik naipiniarpattik, taimaktauk kinguniptigut kainiartut.

Attanek nertornartok akkarpat nunamut, tiptulaullo kingorlerpâk niplerpat, illiptik sakkekattaujo-mârpotik kilaub ânanauningane, uvlormelo erkartuiviksoarme najugâne nangeromârpotik. Tiptulausijartullo piulijaumajullo tamaita illagalugit itteromârpotik iglogasaksoarnut kilangmêtunut Nâlekamêtsainarniarlutik sorairatik, kувiasuklutik okautjaujungnangitomik.

Taimak okakattigêgamik kilaub ittertarvianut tikkiput, mânelo pagrearviovut kilangmiugasaksuit illanginut. Tagva Engelib pagreartut okautivait: Ukua inôvuk, Nâlekamingnik naglilauktuk nunamêtlutik, tamaitalo kemakpait NâleKab attinga pivlugo.

Tagva kilangmiugasaksuit attautsekut nipperkordlarlutik niplerput: Piloridlarput kairkojaujut Saugârsub Komunioninganut. Engelillo tiptulautingit niplerput, kilaillo akkimuksidlarput piloriktut nipplinginik.

Piloringnek takkorngartak ikpigilertangak kina-mullônêt okautaujungnangilak, illumajaugamik Engelinut anernernullo piloriktunut.

Kilaub ittertarviata kollâne okautsit imaitut takkovait : Piloridlarput perkojanginik nâlektut, pitsartunekarkovlugit nappârtomut ômanartomut, ittertarvikullo itterkovlugit iglogasaksoarnut.

Takkorngartak kenuvuk ittertarviub upkuanga upkuertaukovlugo Nâlekab nâpkigosungninganut, ingergainarlo Henoche, Moseselo, Eliaselo sakkerput, Engelillo okautivait : Takkorngartâk ukkua iglogasaksoarnit Asserornartunit pivuk, takkorngartaunitiglo nâjilerpâk Nâlegak nagligilugo. Takkorngartâk tagva aglait kiglgiutsinilît pilauktatik apkutib pigiarningane tunitsivigivait. Tâpkoa attanermut âtauvut, tagvainarlo upkuaksuit upkuerput, takkorngartaglo ittermanik ânanausititauvuk sekkinertut kaumavlutik. Anernernut piloriktunut tunitsiviovut harfinik, niakôteniglo goldeojunik, kilangmiugasak-suillo sallutipât okarlutik : Itteritik Nâlekab kuvianarninganut.

Ullitjauvlutik sorlo piloringnermut harfesijarpuk, nipperkortojomullo tuksiarlutik imâk : Iksivautaksoarme iksivajok kujanarsile, nâlengnarsivlunelo nertornarsivlunelo ajugauviojotôvlune issokangitoksoarmut. Engelillo tagva niplerput : Heilig, heilig, heiligeovok Nâlegak ! Ittertarviglo upkuartauvok.

Annikitomik mattoma kingorngane Erkasungitok tikkipok kôngmut, ikârtitsijomiglo naipitsivok, tâpsomalo umiarâmut Nerriungnerluktomik attelingmut ikârtipâ. Kilaub ittertarvianut majorârpok kinamulonet illagijaunane kimullônêllo sallutitaunane. Okautsit attuarpait ittertarviub kollâne, ingergainarlo up-

kuerutjaujomajotut avilortarpok siaklingimariklune. Avalut kângane angutit sakkerput apperivållo sumik pijomamangât.

Kiovok : Upkuêrsinga, NâleKab sângane nerrilaurama imerlungalo, iglogasaksoaptalo apkosiningine ajokertulaukpâtigut.

Angutit tagva okautivât : Aglait kigliuutsinilît kailaukit, attanermut âtsomagaptigo.

Tagva Erkasungitok kennerpok sagvimine nagvâranele.

Angutillo apperivât : Kigliuutsinekangilatit? Tâmnale niplingilak. Attanek atersâromangilak takkojartorlugo. Engelige ipkoa magguk Kristianemik Nerriuktomiglo tessiulauktuk perkojauvuk Erkasungitok kellaksorlugo aggangitigut ittigangitigullo âlugolo upkuamut ipsomunga kakkat akkornganêtomut.

Tagva ipaksivunga iglogasaksoarnit Asserornartunit kissianeungitok, aglâle kilaub ittertarvianit apkutekarmat kappianartovingmut.

Mâna tuppakpunga, tukkisivungalo sinaktômalaurama.



